

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE

Stručna služba Gradskog vijeća

Broj: 01-04-2940/22-AP-50

Datum: 19.01.2026. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	20-01-2026		
Org. jed.	Kl. ozn.	Red. broj	Br. priloga
01	04	2940/22	

GRADSKO VIJEĆE ZAVIDOVIĆI

Predsjedavajuća Gradskog vijeća Zavidovići

Amira dr Hadžić, spec. radiolog.

PREDMET: Prijedlog Statuta Grada Zavidovići sa Izvještajem o provedenoj javnoj raspravi, dostavlja se.

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 127. stav (1) Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19) i člana 125. stav (2) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za Statut i propise u prilogu dopisa ponovo dostavlja Prijedlog Statuta Grada Zavidovići sa Izvještajem o provedenoj javnoj raspravi, broj: 01-04-2949/22-AP-24 od 26.10.2023. godine, Gradskom vijeću Zavidovići na razmatranje i odlučivanje.

Prijedlog Statuta Grada Zavidovići sa Izvještajem o provedenoj javnoj raspravi, broj: 01-04-2940/22-AP-49 od 26.10.2026. godine, Zaključak Komisije za Statut i propise, broj: 01-04-2940/22-AP-48 od 19.01.2026. godine sa prpratnom dokumentacijom, dostavljamo radi ponovnog uvrštavanja u dnevni red sjednice Gradskog vijeća.



PREDSJEDNICA KOMISIJE
ZA STATUT I PROPISE

mr. iur. Džemana Memagić



Komisija za Statut i propise

Broj: 01-04-2940/22-AP-48

Datum: 19.01.2026. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) člana 127. stav (1) Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19), člana 44. i 125. stav (2) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23) člana 2. Odluke o pristupanju izradi Statuta Grada Zavidovići („Službeni glasnik Grada Zavidovići“, broj: 1/22), a u vezi sa Zaključkom Gradskog vijeća Zavidovići broj: 01-04-2940/22-AP-46 od 29.05.2025. godine („Službeni glasnik Grada Zavidovići“, broj: 6/25), Komisija za Statut i propise na 18. sjednici održanoj dana 19.01.2026. godine, razmatrala je nastavak aktivnosti na izradi Statuta Grada Zavidovići, pa nakon rasprave donijela

ZAKLJUČAK

1. Komisija za Statut i propise na osnovu člana 125. stav (2) Poslovnika o radu Gradskog vijeća Zavidovići - novi prečišćeni tekst, ponovo upućuje Gradskom vijeću Zavidovići Prijedlog Statuta Grada Zavidovići sa Izvještajem o provedenoj javnoj raspravi, broj: 01-04-2940/22-AP-24 od 26.10.2023. godine sa propratnom dokumentacijom:

- Amandman Komisije za poslove mjesnih zajednica, broj: 01-04-2940/22-AP-29 od 02.11.2023. godine sa Izjašnjenje Komisije za Statut i propise po amandmanu Komisije za poslove mjesnih zajednica, broj: 01-04-2940/22-AP-31 od 13.11.2023. godine,
- Zaključak Gradskog vijeća Zavidovići, broj: 01-04-2940/22-AP-46 od 29.05.2025. godine.

2. Komisija za Statut i propise, nakon provedene analize Komisije za Statut i propise kao ovlašteni predlagatelj utvrđuje izmjene u Prijedlogu Statuta Grada Zavidovići sa Izvještajem o provedenoj javnoj raspravi, broj: 01-04-2940/22-AP-24 od 26.10.2023. godine, kako slijedi:

- Članu 8. stav (1) mijenja se i glasi:

**„Član 8.
(Pečat Grada)**

(1) Gradsko vijeće, gradonačelnik, gradske službe za upravu, stručne službe, Gradsko pravobranilaštvo Zavidovići i Gradska izborna komisija imaju pečat.“

- Član 46. brisan, a isti je glasio:

**„Član 46.
(Stručne, tehničke i druge službe)**

(1) Za obavljanje stručnih i drugih poslova za potrebe Gradskog vijeća, Gradonačelnika i drugih gradskih službi za upravu, mogu se osnivati stručne, tehničke i druge službe, kao zajedničke ili samostalne službe.

(2) Odluku o osnivanju stručnih i drugih službi donosi Gradsko vijeće.“

- U članu 47. u stavu (2) brisana tačka 2., a tačka 3. postaje tačka 2., tako da član 47. sada glasi:

„Član 47.

(Rukovođenje gradskim službama za upravu)

(1) Gradonačelnik rukovodi radom svih gradskih službi za upravu, stručnih i drugih službi sa ovlaštenjima predviđenim Zakonom, ovim Statutom i drugim gradskim propisima.

(2) Gradonačelniku u rukovođenju gradskim organom državne službe pomažu rukovodeći državni službenici:

1. sekretar organa državne službe,

2. pomoćnici Gradonačelnika službi za upravu gradskog organa državne službe.

(3) Sekretar organa državne službe, sekretar Gradskog vijeća i pomoćnici Gradonačelnika samostalni su u svom radu, a za svoj rad i korištenje finansijskih, materijalnih i ljudskih potencijala koji su im povjereni za obavljanje poslova u okviru djelokruga rada odgovaraju Gradonačelniku.

- U članu 80. stav (2) mijenja se i glasi: „(2) Gradsko vijeće na prijedlog Gradonačelnika može u slučaju nerada ili nezakonitog rada raspustiti izabrani Savjet mjesne zajednice i donijeti odluku o raspisivanju izbora, za mandatni period za koji je izabran.“

- U članu 88. dodaje se stav (2), koji glasi: „(2) U cilju podsticaja učešća građana u efikasnom i transparentnom procesu donošenja i realizaciji odluka i akata Grada Zavidovići, Gradsko vijeće će donijeti poseban akt kojim će se na jedinstven način propisati procedure učešća građanma u donošenju odluka i drugih akata.“

3. Prijedlog Statuta Grada Zavidovići sa Izvještajem o provedenoj javnoj raspravi, broj: 01-04-2940/22-AP-24 od 26.10.2023. godine sa propratnom dokumentacijom, Komisija za Statut i propise ponovo dostavlja predsjedavajućoj radi uvrštavanja u dnevni red sjednice Gradskog vijeća.

4. O realizaciji ovog Zaključka starat će se Stručna služba Gradskog vijeća.

PREDSJEDNICA KOMISIJE
ZA STATUT I PROPISE
mr. iur. Džemana Memagić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



PRIJEDLOG

Broj: 01-04-2940/22-AP-24

Datum: 26.10.2023. godine

STATUT GRADA ZAVIDOVIĆI

Zavidovići, oktobar 2023. godine

Na osnovu člana VI 4. stav (1.a) Ustava Federacije Bosne i Hercegovine („Službene novine Federacije Bosne i Hercegovine“, broj: 1/94, 13/97, 16/02, 22/02, 22/02, 52/02, 60/02, 18/03, 63/03, 9/04, 20/04, 33/04, 71/05, 72/05 i 88/08), člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 7. Zakona o Gradu Zavidovići („Službene novine Federacije Bosne i Hercegovine“, broj: 17/22), člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i člana 2. Odluke o pristupanju izradi Statuta Grada Zavidovići („Službeni glasnik Grada Zavidovići“, broj: 1/22), na prijedlog Komisije za Statut i propise, Gradsko vijeće Zavidovići, na __ sjednici, održanoj __. __. 2023. godine, donijelo je

STATUT GRADA ZAVIDOVIĆI

I - OPĆE ODREDBE

Član 1.

(Predmet)

Ovim Statutom uređuje se samoupravni djelokrug Grada Zavidovići (u daljem tekstu: Grad) kao jedinice lokalne samouprave, sjedište, njegova obilježja, javna priznanja, organizacija, ovlaštenja i način rada njegovih organa, međusobni odnosi Gradskog vijeća i gradonačelnika, mjesna samouprava, oblici neposrednog odlučivanja građana, finansiranje i imovina, propisi i drugi akti, javnost rada, saradnja jedinica lokalne samouprave, odnosi i saradnja sa federalnim i kantonalnim vlastima, kao i druga pitanja od značaja za organizaciju i rad Grada.

Član 2.

(Pravni status Grada)

- (1) Grad je jedinica lokalne samouprave.
- (2) Grad ima vlastite nadležnosti uspostavljene Ustavom i zakonom i ima pravo baviti se svim pitanjima od značaja grada koja nisu iz isključive gradske nadležnosti.
- (3) Grad je pravno lice.
- (4) Grad je pravni sljednik Općine Zavidovići i ima zakonom određene nadležnosti Grada i preuzima nadležnost, prava, obaveze i imovinu Općine čiji je pravni sljednik.

Član 3.

(Temeljna prava i slobode)

Grad će osigurati primjenu najviše razine međunarodno priznatih prava i sloboda utvrđenih u Ustavu Bosne i Hercegovine i Ustavu Federacije Bosne i Hercegovine, kao i dokumentima navedenim u dodatku Ustava Bosne i Hercegovine i Ustava Federacije Bosne i Hercegovine.

II - STATUSNA OBILJEŽJA GRADA

Član 4.

(Naziv i sjedište Grada)

- (1) Naziv Grada je: Grad Zavidovići.
- (2) Sjedište Grada je: Zavidovići, Ulica „Mehmed-paše Sokolovića“ broj 9, 72220 Zavidovići.

Član 5.

(Teritorija Grada)

(1) Teritoriju Grada čine sva naseljena i nenaseljena mjesta, koja su se prema evidenciji Federalnog zavoda za statistiku nalazila u okviru Općine Zavidovići na dan stupanja na snagu Zakona o Gradu Zavidovići („Službene novine Federacije Bosne i Hercegovine“, broj: 17/22), i to: Alići, Bajvati, Biljačić, Borovnica, Crnjevo, Čardak, Činovići, Dištica, Dolac, Dolina, Donja Lovnica, Donji Junuzovići, Dragovac, Dubravica, Džebe, Gare, Gornje Selo, Gornji Junuzovići, Gostovići, Hajderovići, Hrge, Kamenica, Karačići, Krivaja, Kućice, Lijevča, Mahoje, Majdan, Miljevići, Mitrovići, Mustajbašići, Osječani, Perovići, Podvolujak, Potkleče, Predražići, Priluk, Ribnica (dio), Ridžali, Rujnica, Skroze, Suha, Svinjašnica, Vozuća, Vukmanovići, Vukovine i Zavidovići.

(2) Teritorijalna organizacija naseljenih mjesta i mjesnih zajednica Grada propisuje se posebnom odlukom Gradskog vijeća Zavidovići.

Član 6.

(Granice područja Grada)

(1) Granice područja Grada idu katastarskim granicama naseljenih mjesta koja ulaze u sastav Grada u skladu sa zakonom i drugim propisima kojim se određuju naseljena mjesta.

(2) Granice Grada uctane su u katastarskom operatu.

Član 7.

(Grb i zastava Grada)

- 1) Grad ima grb i zastavu.
- 2) Opis grba i zastave Grada utvrđuje se odlukom Gradskog vijeća.
- 3) Uslovi i način upotrebe grba i zastave Grada propisuje se posebnom odlukom Gradskog vijeća.
- 4) Grad nastavlja koristiti postojeći grb i zastavu.

Član 8.

(Pečat Grada)

(1) Gradsko vijeće, Gradonačelnik, Gradske službe za upravu, Stručna služba Gradskog vijeća, Stručna služba gradonačelnika, Gradsko pravobranilaštvo Zavidovići i Gradska izborna komisija imaju pečat.

(2) Pečat je okruglog oblika i sadrži sljedeći tekst: Bosna i Hercegovina - Federacija Bosne i Hercegovine - Zeničko-dobojski kanton - Grad Zavidovići, kao i naziv organa Grada, sve ispisano u koncentričnim krugovima.

(3) U sredini pečata nalazi se grb Grada Zavidovići.

(4) Uslovi i način upotrebe pečata Grada Zavidovići propisuje se posebnom Odlukom Gradskog vijeća.

Član 9.

(Službeni jezici i pismo)

(1) Službeni jezici Grada su: bosanski jezi, hrvatski jezik i srpski jezik.

(2) Službena pisma su: latinica i ćirilica.

Član 10.

(Značajni datumi Grada)

(1) Dan Grada Zavidovići je 15. septembar.

(2) Gradski praznici, značajni datumi i način njihovog obilježavanja, propisuju se posebnom odlukom Gradskog vijeća Zavidovići.

(3) Pored gradskih praznika iz stava (1) i (2) ovog člana, proslavljat će se i svi zakonom

utvrđeni državni praznici i drugi gradski praznici utvrđeni odlukom Gradskog vijeća Zavidovići.

Član 11.

(Javna priznanja Grada)

(1) Povodom Dana Grada dodjeljuju se javna priznanja Grada koja se propisuju posebnom odlukom Gradskog vijeća Zavidovići.

III - SAMOUPRAVNI DJELOKRUG GRADA

Član 12.

(Samoupravni djelokrug)

(1) Grad samostalno odlučuje o poslovima iz svoga samoupravnog djelokruga.

Član 13.

(Vlastite nadležnost i poslovi Grada)

(1) Grad obavlja poslove kojima se neposredno ostvaruju potrebe građana, i to naročito poslove koji se odnose na:

1. osiguranje i zaštitu ljudskih prava i osnovnih sloboda u skladu sa ustavima,
2. donošenje budžeta Grada,
3. donošenje programa i planova razvoja Grada i stvaranje uvjeta za privredni razvoj i zapošljavanje,
4. utvrđivanje i provođenje politike uređenja prostora i zaštite čovjekove okoline,
5. donošenje prostornih, urbanističkih i provedbenih planova, uključujući zoniranje,
6. utvrđivanje i provođenje stambene politike i donošenje programa stambene i druge izgradnje,
7. utvrđivanje politike korištenja i utvrđivanje visine naknada za korištenje javnih dobara,
8. utvrđivanje i vođenje politike raspolaganja, korištenja i upravljanja građevinskim zemljištem,
9. utvrđivanje politike upravljanja i raspolaganja imovinom Grada,
10. utvrđivanje politike upravljanja prirodnim resursima Grada i raspodjele sredstava ostvarenih na osnovu njihovog korištenja,
11. upravljanje, finansiranje i unapređenje djelatnosti i objekata lokalne komunalne infrastrukture:
 - vodosnabdijevanje, odvođenje i prerada otpadnih voda,
 - prikupljanje i odlaganje čvrstog otpada,
 - održavanje javne čistoće,
 - održavanje lokalnih grobalja,
 - lokalni putevi i mostovi,
 - ulična rasvjeta,
 - javna parkirališta,
 - parkovi,
12. organizovanje i unapređenje lokalnog javnog prijevoza,
13. utvrđivanje politike predškolskog obrazovanja, unapređenje mreže ustanova, te upravljanje i finansiranje javnih ustanova predškolskog obrazovanja,
14. osnivanje, upravljanje, finansiranje i unapređenje ustanova osnovnog obrazovanja,
15. osnivanje, upravljanje, unapređenje i finansiranje ustanova i izgradnja objekata za zadovoljavanje potreba stanovništva u oblasti kulture i sporta,

16. ocjenjivanje rada ustanova i kvaliteta usluga u djelatnosti zdravstva, socijalne zaštite, obrazovanja, kulture i sporta, te osiguranje finansijskih sredstava za unapređenje njihovog rada i kvaliteta usluga u skladu sa potrebama stanovništva i mogućnostima Grada,

17. analiza stanja javnog reda i mira, sigurnosti ljudi i imovine, te predlaganje mjera prema nadležnim organima za ova pitanja,

18. organizovanje, provođenje i odgovornost za mjere zaštite i spašavanja ljudi i materijalnih dobara od elementarnih nepogoda i prirodnih katastrofa,

19. uspostavljanje i vršenje inspeksijskog nadzora nad izvršavanjem propisa iz vlastitih nadležnosti Grada,

20. donošenje propisa o porezima, naknadama, doprinosima i taksama iz nadležnosti Grada,

21. raspisivanje referenduma za područje Grada,

22. raspisivanje javnog zajma i odlučivanje o zaduženju Grada,

23. preduzimanje mjera za osiguranje higijene i zdravlja,

24. osiguravanje uvjeta rada lokalnih radio i TV stanica u skladu sa zakonom,

25. osiguravanje i vođenje evidencije o ličnim stanjima građana i biračkim spiskovima,

26. obavljanje poslova iz oblasti premjera i katastra zemljišta i evidencija o nekretninama,

27. organizovanje efikasne lokalne uprave prilagođenu lokalnim potrebama, te obavlja upravne poslove iz svoje nadležnosti,

28. uspostavljanje organizacije mjesne samouprave,

29. donošenje programa mjera radi postizanja jednakosti spolova u oblastima iz samoupravnog djelokruga Grada,

30. briga o zaštiti životinja,

31. zaštita i unapređenje prirodnog okoliša i

32. zaštita potrošača.

(2) Grad se bavi i drugim poslovima od lokalnog značaja koji nisu isključeni iz njegove nadležnosti, niti dodijeljeni u nadležnost nekog drugog nivoa vlasti, u skladu sa svojim mogućnostima, a tiču se:

- podsticanja primjene djelotvornih mjera radi zaštite životnog standarda i zbrinjavanja socijalno-ugroženih lica,

- brige o potrebama i interesima penzionera / umirovljenika i lica starije životne dobi,

- njegovanja tradicionalnih vrijednosti, njihovog unapređenja, a među njima naročito onih vezanih uz kulturno naslijeđe prostora Grada,

- poduzimanje mjere na očuvanju prirodne baštine, te historijskog, kulturnog i graditeljskog naslijeđa,

- u okviru propisanih uvjeta sudjeluje u aktivnostima udruženja građana,

- te obavlja i druge poslove koji su od interesa za građane Grada i privredni, društveni, kulturni i socijalni napredak.

Član 14.

(Ustupljene nadležnosti i poslovi)

(1) Grad pored vlastitih nadležnosti izvršava i poslove federalnih i kantonalnih vlasti koje te vlasti povjere Gradu u skladu sa zakonom, pri čemu će se voditi računa o principu supsidijarnosti i sposobnosti Grada da te poslove efikasno obavlja.

(2) Izvršavanje nadležnosti iz prethodnog stava ovisi od nivoa dodijeljenih, odnosno, ustupljenih sredstava za izvršavanje tih nadležnosti.

IV - ORGANI GRADA

Član 15. (Organi Grada)

Organi Grada su:

1. Gradsko vijeće,
2. Gradonačelnik.

Član 16. (Ovlaštenja i obaveze)

(1) Ovlaštenja i obaveze koje proizilaze iz samoupravnog djelokruga Grada podijeljene su između Gradskog vijeća kao predstavničkog organa i Gradonačelnika kao izvršnog organa.

(2) Ako zakonom ili drugim propisom nije jasno određeno koji je organ nadležan za obavljanje poslova iz samoupravnog djelokruga Grada, svi poslovi i zadaci što se odnose na uređivanje odnosa iz samoupravnog djelokruga Grada (normativne naravi) u nadležnosti su Gradskog vijeća, a svi izvršni poslovi i zadaci u nadležnosti su Gradonačelnika.

(3) Ako se radi o izvršnim poslovima, a nije određena nadležnost za njihovo obavljanje, nadležna je služba koju ovlasti Gradonačelnik.

1. Gradsko vijeće

Član 17. (Opće odredbe)

(1) Gradsko vijeće je predstavnički organ građana Grada i organ lokalne samouprave izabran na temelju općeg biračkog prava na neposrednim izborima tajnim glasanjem na način određen Izbornim zakonom Bosne i Hercegovine.

(2) Gradsko vijeće donosi opće akte i druge akte u okviru samoupravnog djelokruga Grada te obavlja druge poslove u skladu sa ustavom, zakonom i Statutom Grada.

(3) Gradsko vijeće ima dvadeset devet (29) vijećnika

Član 18. (Uloga vijećnika)

(1) Vijećnik vrši svoje dužnosti prema svom slobodnom uvjerenju, a na dobrobit svih građana Grada.

(2) Vijećnik se u javnom životu treba ponašati u skladu sa Etičkim kodeksom koji donosi Gradsko vijeće.

(3) Vijećnici odgovaraju za ustavnost i zakonitost akata koje donosi Gradsko vijeće u okviru svojih nadležnosti.

Član 19. (Mandat vijećnika)

(1) Mandat vijećnika je četiri godine.

(2) Mandat vijećnika i slučajevi njegovog prestanka su utvrđeni Izbornim zakonom Bosne i Hercegovine.

(3) Vijećnik je dužan podnijeti ostavku na svaku od nespojivih funkcija u skladu sa posebnim zakonom, prije preuzimanja mandata vijećnika.

Član 20. (Vijećnička naknada)

Vijećnici imaju pravo na naknadu za rad i angažman i naknadu troškova, koji su nastali u vezi sa radom u Vijeću, što se utvrđuje posebnom odlukom Vijeća.

Član 21.

(Prava i dužnosti vijećnika)

(1) U vršenju svoje dužnosti, vijećnik ima pravo naročito:

1. predlagati Gradskom vijeću donošenje odluka i drugih akata te razmatranje pojedinih pitanja iz njegova djelokruga,
2. izjašnjavati se o svim pitanjima koja su na dnevnom redu Gradskog vijeća,
3. biti birani u radna tijela Gradskog vijeća,
4. postavljati pitanja Gradonačelniku, gradskim službama, javnim ustanovama i preduzećima čiji je osnivač Grad ili obavljaju poslove od javnog interesa a imaju sjedište u Gradu,
5. tražiti i dobivati podatke od organa i uprave Grada i drugih pravnih subjekata, te koristiti se njihovim stručnim i tehničkim uslugama potrebnim za obavljanje poslova vijećnika,
6. kroz pokretanje rasprava i inicijativa brinuti se o ostvarivanju potreba građana, mjesnih zajednica i drugih subjekata.

(2) Ostala prava i dužnosti vijećnika u radu Gradskog vijeća utvrđuju se Poslovníkom Gradskog vijeća.

Član 22.

(Nadležnost)

Gradsko vijeće u okviru svoje nadležnosti:

1. donosi Statut Grada dvotrećinskom većinom glasova,
2. donosi odluke i druge opće akte kojima uređuje pitanja iz samoupravnog djelokruga Grada,
3. donosi budžet Grada, godišnji izvještaj o izvršenju budžeta kao i odluku o privremenom finansiranju u skladu sa zakonom,
4. donosi program kapitalnih ulaganja i razmatra izvještaj o realizaciji programa,
5. utvrđuje politiku u okviru nadležnosti Grada i prati njeno ostvarivanje;
6. donosi razvojne, prostorne i urbanističke planove i programe, te provedbene planove, uključujući zoniranje,
7. donosi propise o porezima, taksama, naknadama i doprinosima Grada u skladu sa zakonom,
8. donosi odluke o upravljanju i raspolaganju imovinom Grada,
9. donosi odluke o zaduživanju Grada, o raspisivanju javnog zajma i davanju jamstva u skladu sa zakonom,
10. donosi programe uređenja gradskog građevinskog zemljiša,
11. donosi plan korištenja javnih površina,
12. donosi odluke o organizaciji mjesne samouprave i nazivima ulica, trgova i dijelova naseljenih mjesta,
13. donosi odluke o udruživanju Grada u saveze i druge oblike organizovanja, te o trajnom uspostavljanju prijateljske i druge saradnje s lokalnim i regionalnim zajednicama drugih država,
14. donosi odluke o proglašenju praznika Grada,
15. donosi odluke o priznanjima i nagradama Grada,
16. donosi odluke o raspisivanju referenduma,
17. bira i razrješava predsjedavajućeg i zamjenika predsjedavajućeg Gradskog vijeća,
18. osniva radna tijela Gradskog vijeća te bira i razrješava njihove članove,
19. imenuje, bira i razrješava druge osobe određene zakonom, Statutom i odlukama Grada, te daje saglasnost na imenovanja, izbor i razrješanja kada je to propisano,

20. osniva preduzeća i ustanove i druga pravna lica za obavljanje komunalnih, društvenih, privrednih i drugih djelatnosti od interesa za Grad, te odlučuje o njihovim statusnim promjenama u skladu sa zakonom,

21. razmatra izvještaje o radu i poslovanju javnih preduzeća najmanje jednom godišnje,

22. odlučuje o prestanku ustanova, preduzeća i drugih pravnih lica u skladu sa zakonom,

23. odlučuje o prijenosu i preuzimanju osnivačkih prava u skladu sa Statutom Grada,

24. utvrđuje organizaciju Službi za upravu i drugih službi Grada,

25. razmatra godišnji izvještaj o provođenju gradske politike i aktivnostima Gradonačelnika,

26. pokreće i razmatra inicijativu za pokretanje postupka opoziva Gradonačelnika i donosi odluke o pokretanju postupka opoziva Gradonačelnika,

27. ocjenjuje rad ustanova i kvalitet usluga u djelatnosti zdravstva, socijalne zaštite, obrazovanja, kulture i sporta, najmanje jednom godišnje, te osigurava finansijska sredstava za unapređenje njihovog rada i kvaliteta usluga u skladu sa potrebama stanovništva i mogućnostima Grada,

28. donosi pojedinačne i druge akte iz samoupravnog djelokruga Grada u skladu sa zakonom i Statutom Grada,

29. analizira stanje javnog reda i mira, sigurnost ljudi i imovine najmanje jednom godišnje, te predlaže mjere prema nadležnim organima,

30. utvrđuje smjernice za vođenje kadrovske politike u skladu sa zakonom,

31. donosi Poslovnik o svom radu,

32. obavlja i druge poslove utvrđene zakonom i Statutom Grada.

Član 23.

(Javnost rada)

(1) Rad Gradskog vijeća je javan.

(2) Javnost rada Gradskog vijeća obezbjeđuje se prenosom sjednica Gradskog vijeća putem sredstava javnog informisanja i u skladu sa tehničkim mogućnostima.

(3) Izuzetno, Gradsko vijeće može odlučiti da određena pitanja razmatra bez prisustva javnosti.

Član 24.

(Način donošenja odluka)

(1) Gradsko vijeće donosi odluke većinom glasova ukupnog broja izabranih vijećnika, osim u slučajevima propisanim ovim Statutom.

(2) Statut Grada, odluku o osnivanju, odnosno ukidanju mjesne zajednice, odluku o višegodišnjem zaduživanju Grada, te odluku o prenošenju poslova iz samoupravnog djelokruga Grada, Gradsko vijeće donosi dvotrećinskom većinom ukupnog broja izabranih vijećnika.

Član 25.

(Konstituirajuća sjednica)

(1) Prva sjednica Gradskog vijeća, u novom sazivu, održat će se najkasnije trideset dana nakon objavljivanja rezultata izbora.

(2) Prvu sjednicu Gradskog vijeća, u novom sazivu, saziva predsjedavajući, odnosno zamjenik predsjedavajućeg, prethodnog saziva, a njome predsjedava najstariji vijećnik novog saziva sve do izbora predsjedavajućeg Gradskog vijeća.

(3) Ako se sjednica ne sazove na način iz stava (2) ovog člana, sjednicu će sazvati najstariji vijećnik novog saziva.

(4) Gradsko vijeće je konstituisano izborom predsjedavajućeg Gradskog vijeća na prvoj sjednici na kojoj je prisutna većina vijećnika.

(5) Izbor predsjedavajućeg Gradskog vijeća i zamjenika predsjedavajućeg Gradskog vijeća, vrši se u pravilu tajnim glasanjem na način i po proceduri utvrđenoj Poslovníkom Gradskog vijeća.

(6) Predsjedavajući Gradskog vijeća bira se u skladu sa Ustavom Federacije Bosne i Hercegovine.

Član 26.

(Prava i dužnosti predsjedavajućeg Gradskog vijeća i zamjenika predsjedavajućeg)

Prava i dužnosti predsjedavajućeg Gradskog vijeća i zamjenika predsjedavajućeg utvrđuju se Poslovníkom Gradskog vijeća.

Član 27.

(Radna tijela)

(1) Gradsko vijeće osniva stalna i povremena radna tijela.

(2) Stalna radna tijela Gradskog vijeća razmatraju nacрте i prijedloge odluka i drugih akata, te druga pitanja koja su na dnevnom redu sjednica Gradskog vijeća i o njima daju mišljenje i prijedloge.

(3) Povremena radna tijela osnivaju se radi razmatranja ili stručne obrade pojedinog pitanja odnosno izrade prijedloga pojedinih akata (savjeti, odbori, radne grupe, komisije i slično).

(4) Sastav, broj članova i djelokrug rada radnih tijela iz stava (1) i (2) ovog člana utvrđuje se Poslovníkom o radu Gradskog vijeća.

(5) Prilikom imenovanja članova stalnih i povremenih radnih tijela Gradsko vijeće će voditi računa da sastav tijela osigura ravnopravnu zastupljenost spolova u skladu sa zakonom i na osnovu ostvarenog izbornog rezultata političkih stranaka i nezavisnih kandidata.

Član 28.

(Klubovi vijećnika)

(1) Vijećnici mogu obrazovati klubove vijećnika političkih stranaka koje participiraju u Gradskom vijeću, kao i koalicija i nezavisnih kandidata radi olakšavanja i efikasnijeg rada Gradskog vijeća i unapređenja međustranačke i parlamentarne saradnje.

(2) Obrazovanje, zadaci i način rada klubova vijećnika detaljnije se uređuju Poslovníkom o radu Gradskog vijeća.

Član 29.

(Kolegij Gradskog vijeća)

(1) U cilju unapređenja efikasnosti i usklađivanja rada Gradskog vijeća, Gradsko vijeće obrazuje Kolegij Gradskog vijeća.

(2) Sastav Kolegija Gradskog vijeća, djelokrug poslova i način rada uređuju se Poslovníkom o radu Gradskog vijeća.

Član 30.

(Stručna služba Gradskog vijeća)

(1) Gradsko vijeće osniva Stručnu službu Gradskog vijeća za obavljanje stručnih i administrativnih, tehničkih i drugih poslova u vezi sa radom Gradskog vijeća.

(2) Stručnom službom rukovodi Sekretar Gradskog vijeća.

(3) Sekretar Gradskog vijeća je državni službenik i za svoj rad i rad Stručne službe Gradskog vijeća odgovara Gradskom vijeću i Gradonačelniku.

(4) Unutrašnja organizacija i način rada Stručne službe Gradskog vijeća uređuje se odlukom o osnivanju Stručne službe Gradskog vijeća i Pravilnikom o unutrašnjoj organizaciji i sistematizaciji.

2. Gradonačelnik

Član 31.

(Opće odredbe)

(1) Gradonačelnik Grada Zavidovići (u daljem tekstu: Gradonačelnik) je nosilac izvršne vlasti Grada.

(2) Mandat Gradonačelnika je četiri godine.

(3) Gradonačelnik se bira neposredno na način i po postupku utvrđenim zakonom.

(4) Gradonačelnik obavlja dužnost za vrijeme mandata na koji je izabran.

(5) Gradonačelnik može podnijeti ostavku.

(6) Gradonačelnik može biti opozvan.

Član 32.

(Opoziv)

(1) Inicijativu za pokretanje postupka opoziva Gradonačelnika sa obrazloženim navodima za opoziv može pokrenuti u pisanoj formi 1/3 vijećnika Gradskog vijeća ili 10% birača upisanih u centralni birački spisak za područje Grada.

(2) Gradsko vijeće je dužno sve inicijative za pokretanje postupka opoziva Gradonačelnika iz stava (1) ovog člana staviti na dnevni red prve naredne sjednice Gradskog vijeća.

(3) U slučaju prihvatanja inicijative, Gradsko vijeće je dužno donijeti odluku o pokretanju postupka opoziva Gradonačelnika u roku od trideset (30) dana.

(4) Odluka o pokretanju postupka opoziva Gradonačelnika donosi se većinom glasova od ukupnog broja vijećnika u Gradskom vijeću.

(5) Ako vijeće donese odluku o prihvatanju inicijative za pokretanje postupka opoziva Gradonačelnika, provodi se postupak u kojem građani odlučuju neposrednim, tajnim glasanjem.

(6) Mandat Gradonačelnika prestaje ukoliko natpolovična većina građana koji su glasali, glasa za opoziv.

(7) Nakon izglasavanja opoziva prijevremeni izbori za Gradonačelnika moraju se održati u roku od 60 dana.

(8) Odredba iz prethodnog stava primjenjuje se i u slučaju prestanka mandata prije isteka vremena na koje je izabran iz razloga propisanih zakonom.

(9) Gradsko vijeće će imenovati Komisiju za provođenje postupka opoziva i provođenja novih izbora za Gradonačelnika.

Član 33.

(Zamjena Gradonačelnika)

(1) Gradonačelnika za vrijeme privremene odsutnosti ili spriječenosti zamjenjuje službenik ili uposlenik gradske uprave kojeg on ovlasti.

(2) U slučaju prestanka mandata Gradonačelnika iz razloga propisanih zakonom i u slučaju opoziva, dužnost Gradonačelnika do izbora novog Gradonačelnika, vrši osoba koju izabere Gradsko vijeće natpolovičnom većinom od ukupnog broja vijećnika Gradskog vijeća.

Član 34.

(Nadležnost Gradonačelnika)

(1) Gradonačelnik kao nosilac izvršne vlasti u okviru samoupravnog djelokruga Grada, u okviru svoje nadležnosti:

1. predstavlja i zastupa Grad,
2. osigurava izvršavanje odluka i drugih akata Gradskog vijeća i odgovoran je za njihovo provođenje,
3. podnosi nacrt i prijedlog budžeta Grada Gradskom vijeću,
4. odgovoran je za izvršavanje budžeta Grada,
5. obavlja upravljački nadzor nad radom javnih ustanova i javnih preduzeća kojim je osnivač Grad, te im daje upute za rad,
6. donosi akte iz svoje nadležnosti,
7. predlaže odluke i druge akte Gradskom vijeću,
8. obezbjeđuje izradu i Gradskom vijeću podnosi na usvajanje ekonomske, razvojne planove, investicione programe, prostorne i urbanističke planove i ostale planske i regulatorne dokumente koji se odnose na korištenje i upravljanje zemljištem, uključujući zoniranje i korištenje javnog zemljišta,
9. provodi politiku Grada u skladu sa odlukama Gradskog vijeća,
10. izvršava zakone i druge propise čije je izvršavanje povjereno Gradu,
11. donosi Pravilnik o unutrašnjoj organizaciji Službi za upravu i drugih službi Grada,
12. realizuje saradnju Grada sa drugim općinama, gradovima, međunarodnim i drugim organizacijama u skladu sa odlukama i zaključcima Gradskog vijeća i njegovih radnih tijela,
13. podnosi izvještaj Gradskom vijeću o ostvarivanju politike Grada i svojim aktivnostima,
14. postavlja državne službenike i namještenike i odlučuje o pitanjima iz radnog odnosa državnih službenika i namještenika u skladu sa zakonom,
15. brine se o zakonitom i pravodobnom obavljanju poslova iz nadležnosti Službi za upravu i drugih službi Grada i poduzima mjere za osiguravanje njihovog efikasnijeg rada,
16. sklapa ugovore i druge pravne poslove u skladu sa zakonom, Statutom Grada i odlukom Gradskog vijeća,
17. brine se o urednom i pravilnom korištenju imovine i sredstava Grada,
18. obavlja i druge poslove utvrđene zakonom, drugim propisima i Statutom Grada.

(2) Gradonačelnik je odgovoran za ustavnost i zakonitost akata koje donosi, odnosno predlaže Gradskom vijeću.

Član 35.

(Radnopravni status Gradonačelnika)

- (1) Gradonačelnik svoju dužnost obavlja profesionalno.
- (2) Na prava i obaveze koje se odnose na radnopravni status Gradonačelnika, ako nisu uređene posebnim zakonom, primjenjuju se propisi kojima se uređuje status državnih službenika i opći propis.
- (3) Nakon prestanka dužnosti Gradonačelnik ima pravo na naknadu plaće u skladu sa Zakonom.

V - MEĐUSOBNI ODNOSI GRADSKOG VIJEĆA I GRADONAČELNIKA

Član 36.

(Međusobni odnosi Gradskog vijeća i Gradonačelnika)

Međusobni odnosi Gradskog vijeća i Gradonačelnika zasnivaju se na principima

međusobnog uvažavanja i saradnje, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje i razvoj Grada.

Član 37.

(Podjela nadležnosti)

Ako zakonom ili drugim propisom nije jasno određeno koji je organ nadležan za obavljanje poslova iz samoupravnog djelokruga Grada, svi poslovi i zadaci što se odnose na uređivanje odnosa iz samoupravnog djelokruga (normativne naravi) u nadležnosti su Gradskog vijeća, a svi izvršni poslovi i zadaci u nadležnosti su Gradonačelnika.

Član 38.

(Izveštavanje Gradskog vijeća)

(1) Gradonačelnik podnosi izvještaj Gradskom vijeću o ostvarivanju politike iz nadležnosti Grada Zavidovići i o svojim aktivnostima, najkasnije do 31. marta tekuće godine za prethodnu kalendarsku godinu.

(2) Povodom izvještaja iz prethodnog stava, Gradsko vijeće može izvještaj usvojiti, zatražiti dopunu ili odbiti.

(3) Ako Gradsko vijeće izvještaj odbije, ukazat će Gradonačelniku na aktivnosti i mjere koje je dužan poduzeti, predložiti akte za provođenje tih mjera i aktivnosti i odrediti rok za izvršenje.

Član 39.

(Preispitivanje neustavnih i nezakonitih akata)

(1) Gradsko vijeće, odnosno Gradonačelnik može u roku od tri dana nakon donošenja odluke ili drugog općeg akta zatražiti da Gradsko vijeće, odnosno Gradonačelnik preispita odluku ili akt koji smatra neustavnim ili nezakonitim.

(2) U slučaju iz prethodnog stava nadležni organ, koji je donio odluku, dužan je preispitati svoju odluku, odnosno akt u roku od 30 dana i obavijestiti Gradsko vijeće, odnosno Gradonačelnika o svojoj odluci, do kada se taj akt neće primjenjivati, odnosno izvršavati.

(3) Kada Gradsko vijeće, odnosno Gradonačelnik potvrdi svoju odluku, odnosno akt, Gradsko vijeće, odnosno Gradonačelnik može u roku od 15 dana pokrenuti postupak preispitivanja odluke, odnosno akta pred nadležnim organom u skladu sa Ustavom i zakonom.

Član 40.

(Preispitivanje akata štetnih po Grad)

(1) Gradsko vijeće, odnosno Gradonačelnik može u roku od tri dana nakon donošenja odluke ili drugog općeg akta zatražiti da Gradsko vijeće, odnosno Gradonačelnik preispita odluku ili akt koji smatra štetnim za Grad, a čije izvršenje može proizvesti nepopravljivu štetu po interese ili imovinu Grada.

(2) U slučaju iz prethodnog stava nadležni organ dužan je preispitati svoju odluku, odnosno akt u roku od 15 dana i obavijestiti Gradsko vijeće, odnosno Gradonačelnika o svojoj odluci, do kada se taj akt neće primjenjivati, odnosno izvršavati.

(3) Kada Gradsko vijeće, odnosno Gradonačelnik potvrdi svoju odluku, odnosno akt, Gradsko vijeće, odnosno Gradonačelnik može u roku od 15 dana pokrenuti postupak preispitivanja odluke, odnosno akta pred nadležnim organom u skladu sa Ustavom i zakonom.

Član 41.

(Vijećnička pitanja i inicijative)

Gradonačelnik je dužan odgovarati na vijećnička pitanja i inicijative u roku od 30 dana, a na način i po postupku koji je predviđen Poslovnikom o radu Gradskog vijeća.

Član 42.

Gradsko vijeće je dužno da razmotri prijedlog akta koji podnese Gradonačelnik i drugi ovlašteni predlagač, te o istom se izjasniti najkasnije u roku od 30 dana.

VI - ORGANIZACIJA GRADSKE UPRAVE

Član 43.

(Opće odredbe)

(1) Poslove lokalne samouprave i uprave iz djelokruga Grada kao i poslove uprave koje su viši nivoi vlasti prenijeli na Grad, obavljaju gradske službe za upravu, na način utvrđen ustavom, zakonom ili drugim propisom.

(2) Gradske službe za upravu osniva Gradsko vijeće svojom odlukom, na prijedlog Gradonačelnika, ako zakonom nije drugačije određeno.

Član 44.

(Okvir djelovanja gradskih službi za upravu)

(1) Gradske službe za upravu u okviru prava i dužnosti Grada izvršavaju zakone i druge propise, odluke i druge opće akte Gradskog vijeća i Gradonačelnika, prate stanje u upravnim oblastima za koje su obrazovane, rješavaju u upravnim stvarima, provode nadzor, poduzimaju mjere za koje su zakonom ili drugim propisom ovlaštene, pripremaju odluke i opće akte, te obavljaju druge poslove iz svog djelokruga.

(2) Gradske službe za upravu u okviru prava i dužnosti Grada samostalno obavljaju poslove iz svoje nadležnosti i za svoj rad odgovorne su Gradonačelniku.

Član 45.

(Pravilnik o unutrašnjoj organizaciji)

(1) Unutrašnja organizacija gradskih organa uprave utvrđuje se Pravilnikom o unutrašnjoj organizaciji koji donosi Gradonačelnik, u skladu sa zakonom.

(2) Pravilnikom iz prethodnog stava ovog člana, uređuje se: organizacija organa uprave, organizacione jedinice i njihov djelokrug poslovanja, sistematizacija radnih mjesta, rukovođenje organima uprave, odgovornost za obavljanje poslova i zadataka, državni službenici sa posebnim ovlaštenjima te druga pitanja od značaja za unutrašnju organizaciju i rad gradskih organa uprave u Gradu.

Član 46.

(Stručne, tehničke i druge službe)

(1) Za obavljanje stručnih i drugih poslova za potrebe Gradskog vijeća, Gradonačelnika i drugih gradskih službi za upravu, mogu se osnivati stručne, tehničke i druge službe, kao zajedničke ili samostalne službe.

(2) Odluku o osnivanju stručnih i drugih službi donosi Gradsko vijeće.

Član 47.

(Rukovođenje gradskim službama za upravu)

(1) Gradonačelnik rukovodi radom svih gradskih službi za upravu, stručnih i drugih službi sa ovlaštenjima predviđenim Zakonom, ovim Statutom i drugim gradskim propisima.

(2) Gradonačelniku u rukovođenju gradskim organom državne službe pomažu rukovođeci državni službenici:

1. sekretar organa državne službe,
2. sekretar Gradskog vijeća i
3. pomoćnici Gradonačelnika službi za upravu gradskog organa državne službe.

(3) Sekretar organa državne službe, sekretar Gradskog vijeća i pomoćnici Gradonačelnika samostalno su u svom radu, a za svoj rad i korištenje finansijskih, materijalnih i ljudskih potencijala koji su im povjereni za obavljanje poslova u okviru djelokruga rada, odgovaraju Gradonačelniku.

Član 48.

(Sredstva za rad gradskih službi za upravu)

Sredstva za rad gradskih službi za upravu, stručnih i drugih službi, osiguravaju se u Budžetu Grada.

Član 49.

(Plaće i naknade)

(1) Plaće i naknade osoba, koje bira, imenuje i razrješava Gradsko vijeće uređuju se posebnom odlukom, koju donosi Gradsko vijeće na prijedlog Gradonačelnika.

(2) Plaće rukovodećih državnih službenika i drugih državnih službenika i namještenika, uređuju se posebnom odlukom, koju u skladu sa zakonom donosi Gradsko vijeće, na prijedlog Gradonačelnika.

Član 50.

(Javnost rada gradskih službi za upravu)

(1) Rad gradskih službi za upravu je javan.

(2) Gradske službe za upravu samostalno obavljaju poslove iz svoje nadležnosti i za svoj rad odgovaraju su Gradonačelniku.

VII - JAVNE SLUŽBE

Član 51.

(Opće odredbe)

U okviru samoupravnog djelokruga Grad osigurava obavljanje javnih službi osnivanjem javnih preduzeća i javnih ustanova a u cilju trajnog i nesmetanog obavljanja djelatnosti u javnom društvenom interesu u skladu sa zakonom.

Član 52.

(Javne ustanove)

Gradsko vijeće svojom odlukom osniva, ukida i vrši druge statusne promjene javnih ustanova, kada ocijeni da za to postoji javni interes i pravni osnov.

Član 53.

(Javna preduzeća)

Gradsko vijeće svojom odlukom osniva, ukida i vrši druge statusne promjene javnih preduzeća, kada ocijeni da za to postoji javni interes i pravni osnov.

Član 54.

(Nadzor)

Gradonačelnik putem gradskih službi za upravu prati rad, daje preporuke i poduzima mjere prema javnim ustanovama i javnim preduzećima čiji je osnivač Grad.

Član 55.

(Izvještavanje)

Upravni odbori javnih ustanova i skupštine, odnosno nadzorni odbori javnih preduzeća dužni su najmanje jednom godišnje podnijeti izvještaj o svom radu i radu navedenih pravnih subjekata Gradskom vijeću na razmatranje.

VIII - MJESNA SAMOUPRAVA

Član 56.

(Opće odredbe)

(1) Na području Grada osnivaju se mjesne zajednice kao obavezan oblik mjesne samouprave putem kojih građani sudjeluju u odlučivanju o poslovima iz samoupravnog djelokruga i lokalnim poslovima koji neposredno i svakodnevno utiču na njihov život i rad.

(2) U ostvarivanju prava iz stava (1) ovog člana mjesne zajednice su dužne uvažavati interese Grada u cjelini.

Član 57.

(Osnivanje mjesne zajednice)

(1) Mjesnu zajednicu osniva Gradsko vijeće odlukom.

(2) Mjesna zajednica se osniva za jedno naseljeno mjesto, više međusobno povezanih manje naseljenih mjesta ili za veći dio naselja koji u odnosu na ostale dijelove naselja čini prostornu i urbanu cjelinu.

(3) Mjesno područje je teritorijalno određeni dio mjesne zajednice koji čini dio naselja ili jedno naselje ili više međusobno povezanih naselja gdje građani mogu ostvarivati svoje zajedničke interese i potrebe, a čini privrednu i društvenu cjelinu.

Član 58.

(Postupak osnivanja mjesnih zajednica)

(1) Mjesna zajednica se osniva na način i po postupku utvrđenim zakonom i Statutom Grada.

(2) Inicijativu za osnivanje mjesne zajednice mogu pokrenuti građani i njihove organizacije i udruženja građana s područja naseljenog mjesta na kojem imaju prebivalište, odnosno sjedište, klubovi vijećnika i Gradonačelnik.

(3) Ako građani podnose inicijativu, svojim potpisom mora istu podržati najmanje 10% birača upisanih u centralni birački spisak područja za koje se predlaže osnivanje mjesne zajednice.

Osim podataka o podnosiocu inicijative za osnivanje mjesne zajednice, prijedlog sadrži podatke o:

- nazivu i sjedištu mjesne zajednice,
- području naseljenog mjesta za koje se traži osnivanje mjesne zajednice,
- granice obuhvata i
- obrazložen razlog podnošenja inicijative.

(4) Inicijativa za osnivanje mjesne zajednice razmatra se na zborovima građana na kojima građani i njihove organizacije i udruženja imaju prebivalište, odnosno sjedište, a ista je prihvaćena ako se za nju izjasni najmanje 10% birača upisanih u centralni birački spisak naselja za čije se područje predlaže osnivanje mjesne zajednice.

(5) Inicijativa i odluka zbora građana o prihvatanju inicijative dostavlja se Gradskom vijeću.

Član 59.

(Osnivački odbor mjesne zajednice)

(1) Na zboru građana, koji je donio odluku o prihvatanju inicijative za osnivanje mjesne zajednice bira se osnivački odbor od tri (3) člana.

(2) Osnivački odbor je dužan pripremiti Statut i druga akta mjesne zajednice.

Član 60.

(Inicijativa za osnivanje mjesnih zajednica)

(1) Inicijativa za osnivanje mjesne zajednice dostavlja se Gradskom vijeću u pisanom

obliku sa podacima o nazivu, sjedištu, teritoriji, mjesna područja mjesne zajednice, granice obuhvata sa detaljnim obrazloženjem u pogledu područja za koje se predlaže osnivanje mjesne zajednice, načinu osnivanja i razlogu zbog kojih se predlaže osnivanje.

(2) Gradsko vijeće će u roku od 60 dana zauzeti stav o inicijativi za osnivanje mjesne zajednice.

(3) U postupku po pokrenutoj inicijativi za osnivanje mjesne zajednice razmatra se da li postoje uslovi da se u mjesnoj zajednici čije se osnivanje predlaže mogu obezbijediti uslovi da građani samostalno odlučuju o ostvarivanju svojih zajedničkih interesa i potreba i o njihovom solidarnom zadovoljavanju u oblastima uređivanja naselja, stanovanja, komunalnih djelatnosti, dječije i socijalne zaštite, zdravstvene zaštite, obrazovanja, kulture, fizičke kulture, tehničke kulture, stvaralaštva, zaštite i unapređenja čovjekove okoline i drugim oblastima života i rada građana.

Član 61.

(Odlučivanje o inicijativi za osnivanje mjesnih zajednica)

(1) Ako Gradsko vijeće prihvata inicijativu, donosi akt o prihvatanju inicijative i zadužit će nadležnu službu Grada da pripremi prijedlog odluke o osnivanju mjesne zajednice.

(2) Odlukom o osnivanju mjesne zajednice utvrđuju se naziv, sjedište, područje mjesne zajednice, mjesna područja, odnosno drugi dijelovi mjesne zajednici na obavljanje, finansiranje mjesne zajednice, savjet i način neposrednog izbora predsjednika i članova savjeta mjesne zajednice, drugi organi mjesne zajednice i način njihovog izbora, informisanje građana o radu organa mjesne zajednice i organa jedinice lokalne samouprave, način i postupak donošenja odluka organa mjesne zajednice, odluke organa jedinice lokalne samouprave za čije donošenje je potrebna saglasnost organa mjesne zajednice, edukacija članova organa mjesnih zajednica, informisanje građana o radu organa mjesne zajednice ime i prezime ovlaštenog lica za podnošenje prijave za upis mjesne zajednice u registar mjesnih zajednica i druga pitanja u vezi sa ostvarivanjem mjesne samouprave.

Član 62.

(Izdvajanje)

Izdvajanje dijela mjesne zajednice i spajanje dijela mjesne zajednice sa drugom mjesnom zajednicom, odnosno spajanje mjesnih zajednica vrši se na način i po postupku utvrđenom za osnivanje mjesne zajednice.

Član 63.

(Pravno svojstvo)

(1) Mjesna zajednica ima svojstvo pravnog lica u pogledu prava i obaveza utvrđenih zakonom, ovim Statutom i odlukom o osnivanju mjesne zajednice.

(2) Mjesna zajednica se upisuje u Registar mjesnih zajednica koji vodi nadležna služba Grada, a Pravilnik o registru donosi Gradonačelnik.

(3) Odluka o osnivanju mjesne zajednice i rješenje o upisu u Registraciju mjesnih zajednica objavljuje se u „Službenom glasniku Grada Zavidovići“.

Član 64.

(Statut mjesne zajednice)

(1) Mjesna zajednica ima statut.

(2) Statutom mjesne zajednice utvrđuju se: poslovi i organizacija mjesne zajednice, organi mjesne zajednice, radna tijela, način njihovog rada i odlučivanja, javnost rada i informisanja, saradnja sa gradskim i drugim organima i organizacijama i druga pitanja od značaja za rad mjesne zajednice.

(3) Statut mjesne zajednice donosi se u skladu sa Statutom Grada.

Član 65.

(Poslovi od značaja za mjesnu zajednicu)

(1) Građani u mjesnoj zajednici putem organa mjesne zajednice odlučuju o poslovima značajnim za život i rad na području mjesne zajednice utvrđene zakonom, Statutom Grada i statutom mjesne zajednice, a naročito:

1. pokreću i učestvuju u javnoj raspravi kod pripreme i donošenja urbanističkih planova na području mjesnih zajednica, pokreću inicijative, daju mišljenja i učestvuju u izgradnji komunalnih objekata u općoj upotrebi;

2. pokreću i učestvuju u raspravama o inicijativama i aktivnostima za razvoj privrede i društvene djelatnosti;

3. brinu o zaštiti osoba kojima je potrebna pomoć i u tu svrhu pokreću saradnju sa stručnim organima u oblasti socijalne zaštite;

4. staraju se o razvoju kulture i sporta i stvaraju uvjete za dostupnost ustanova i objekata kulture i sporta svim građanima, a pogotovo mladima;

5. stvaraju uvjete i preduzimaju mjere za očuvanje i zaštitu prirodnih i radom ostvarenih vrijednosti čovjekove sredine;

6. drugim poslovima utvrđenim Statutom Grada i statutima mjesnih zajednica vodeći računa o vrsti i obimu potreba, raspoloživim sredstvima, kao i interesima građana u cjelini.

Član 66.

(Prenošenje poslova na mjesnu zajednicu)

Gradsko vijeće može odlukom, uz obezbjeđenje finansijskih sredstava, prenijeti na mjesnu zajednicu izvršavanje određenih poslova.

1. ORGANI MJESNE ZAJEDNICE

Član 67.

(Organi mjesne zajednice)

Organi mjesne zajednice su:

1. Savjet mjesne zajednice,
2. Predsjednik mjesne zajednice.

Član 68.

(Opće odredbe)

(1) Organi mjesne zajednice imaju ovlaštenja i odgovornosti utvrđene statutom mjesne zajednice.

(2) Organi mjesne zajednice mogu davati inicijative o pitanjima iz nadležnosti mjesne zajednice, Grada Zavidovići i institucija koje vrše javna ovlaštenja.

(3) Organi mjesne zajednice rade u skladu sa Zakonom, Statutom i Poslovníkom o radu mjesnih zajednica i u svom radu obavezni su pridržavati se Etičkog kodeksa.

Član 69.

(Odlučivanje u mjesnoj zajednici)

Organi mjesne zajednice odlučuju o poslovima koji se finansiraju iz sredstava koja se neposredno prikupljaju od građana mjesne zajednice.

1.1. Savjet mjesne zajednice

Član 70.

(Savjet mjesne zajednice)

(1) Savjet mjesne zajednice je organ odlučivanja i konsultovanja o pitanjima od neposrednog interesa za građane mjesne zajednice.

(2) Prije donošenja odluke iz svoje nadležnosti, savjet mjesne zajednice je dužan konsultovati zbor građana mjesne zajednice o pitanjima utvrđenim statutom mjesne zajednice.

Član 71.

(Obavezno konsultovanje savjeta mjesne zajednice)

(1) Savjet mjesne zajednice će biti obavezno konsultovan o pitanjima o kojima Gradsko vijeće odlučuje dvotrećinskom većinom i u postupku osnivanja mjesne zajednice, donošenja budžeta i prostornih planova Grada.

(2) Konsultovanje iz prethodnog stava vrši se u fazi priprema i u postupku donošenja odluka.

(3) Savjet mjesne zajednice je obavezan dati mišljenje i o drugim pitanjima o kojima je zatražena konsultacija od Gradskog vijeća ili Gradonačelnika.

Član 72.

(Izbor savjeta mjesne zajednice)

(1) Savjet mjesne zajednice biraju građani s područja mjesne zajednice koji imaju opće biračko pravo.

(2) Članovi savjeta mjesne zajednice biraju se tajnim glasanjem na način i po postupku utvrđenim odlukom Gradskog vijeća.

(3) Odlukom Gradskog vijeća utvrđuje se naročito: mjesto i vrijeme održavanja izbora, organi za sprovođenje izbora, sredstva potrebna za sprovođenje izbora, način utvrđivanja i proglašavanja rezultata izbora, kao i druga pitanja u vezi sa izbornim procesom.

(4) Posebnom odlukom Gradskog vijeća imenuje se komisija za provođenje izbora iz prethodnog stava.

(5) Procedura o načinu provođenja izbora za savjet mjesne zajednice propisuje se pravilnikom o načinu provođenja izbora za savjet mjesne zajednice koje donosi Gradsko vijeće na prijedlog Gradonačelnika.

Član 73.

(Potvrđivanje rezultata izbora)

Rezultate izbora za članove savjeta mjesne zajednice potvrđuje Gradsko vijeće odlukom.

Član 74.

(Kandidacioni postupak)

(1) Prijedlog kandidata za člana savjeta mjesne zajednice mogu podnijeti:

1. građani (pojedinačno ili grupno),
2. organi političkih stranaka,
3. organizacije i udruženja.

(2) Prijedlog kandidata dostavlja se komisiji za provođenje izbora, sa pisanom potvrdom predloženih kandidata o prihvatanju kandidature.

(3) Prilikom predlaganja i izbora članova savjeta mjesne zajednice treba se voditi računa da sastav članova odražava približno nacionalnu strukturu stanovništva, da spolovi budu ravnopravno zastupljeni i da su adekvatno zastupljena naseljena mjesta mjesne zajednice.

(4) Izbori za članove savjeta mjesne zajednice održavaju se u pravilu istovremeno u svim mjesnim zajednicama.

Član 75.

(Mandat članova savjeta mjesne zajednice)

(1) Mandat članova savjeta mjesne zajednice traje četiri godine.

(2) Broj članova savjeta mjesne zajednice utvrđuje se statutom mjesne zajednice,

prema broju građana upisanih u centralni birački spisak na području mjesne zajednice, s tim da svako mjesno područje ili više manjih naselja u savjetu mjesne zajednice mora biti adekvatno zastupljeno što će biti utvrđeno statutom mjesne zajednice na osnovu broja građana upisanih u centralni birački spisak.

Član 76.

(Broj članova savjeta mjesne zajednice)

(1) Savjet mjesne zajednice ima od 5 do 9 članova, ovisno o broju stanovnika mjesne zajednice.

(2) Savjet mjesne zajednice ima:

- 5 članova u mjesnoj zajednici koja ima do 1000 stanovnika,
- 7 članova u mjesnoj zajednici koja ima od 1000 do 2000 stanovnika,
- 9 članova u mjesnoj zajednici koja ima preko 2000 stanovnika.

Član 77.

(Prestanak mandata)

(1) Članu savjeta mjesne zajednice prestaje mandat:

1. istekom vremena na koje je biran,
2. smrću,
3. preseljenjem na područje druge mjesne zajednice,
4. ako je pravosnažnom sudskom presudom osuđen na kaznu zatvora u trajanju od 6 mjeseci ili duže,
5. ako je pravosnažnom sudskom presudom lišen poslovne sposobnosti,
6. ostavkom.

(2) Ako članu savjeta mjesne zajednice mandat prestane prije vremena za koje je biran, Gradsko vijeće će svojom odlukom dodijeliti mandat slijedećem kandidatu koji je dobio najveći broj glasova nakon provedenih izbora za savjet mjesne zajednice.

Član 78.

(Nadležnost savjeta mjesne zajednice)

(1) Savjet mjesne zajednice:

1. donosi statut mjesne zajednice u skladu sa Statutom Grada,
2. donosi Poslovnik o radu u skladu sa statutom mjesne zajednice,
3. donosi program rada i finansijski plan,
4. definiše prioritete mjesne zajednice na osnovu prethodno održanog konsultativnog zbora građana,
5. odlučuje o raspolaganju imovine mjesne zajednice,
6. donosi plan malih komunalnih akcija i utvrđuje prioritete u njihovoj realizaciji,
7. uspostavlja mehanizam za prijem informacija od građana,
8. bira predsjednika, zamjenika predsjednika i sekretara između članova savjeta,
9. saziva mjesne zborove građana,
10. sarađuje sa drugim mjesnim zajednicama, a naročito sa susjednim,
11. obrazuje svoja radna tijela, vodeći računa o ravnopravnoj zastupljenosti građana i spolova,
12. donosi izvještaj o radu mjesne zajednice,
13. obavlja i druge poslove utvrđene statutom mjesne zajednice.

(2) Savjet mjesne zajednice obavlja i druge poslove koje mu iz samoupravnog djelokruga Grada prenese Gradsko vijeće, a koji su od značaja za mjesnu zajednicu.

Član 79.

(Način rada savjeta mjesne zajednice)

Način rada i odlučivanja savjeta mjesne zajednice utvrđuje se statutom mjesne zajednice.

Član 80.

(Odnos savjeta mjesne zajednice i Gradskog vijeća)

(1) Savjet mjesne zajednice za svoj rad odgovara Gradskom vijeću i u tom cilju obavezno mu podnosi godišnji izvještaj o radu i finansijski izvještaj.

(2) Gradsko vijeće na prijedlog Gradonačelnika može u slučaju nerada ili nezakonitog rada raspustiti izabrane organe mjesne zajednice i donijeti odluku o raspisivanju izbora, za mandatni period za koji su izabrani.

(3) Do provođenja novih izbora, ali ne duže od 90 dana od dana raspuštanja, poslove organa mjesne zajednice obavljat će povjerenik kojeg odlukom o raspuštanju organa imenuje Gradsko vijeće.

1.2. Predsjednik savjeta mjesne zajednice

Član 81.

(Izbor predsjednika, zamjenika predsjednika i sekretara savjeta mjesne zajednice)

(1) Konstituirajuću sjednicu savjeta mjesne zajednice saziva član savjeta koji je osvojio najviše glasova na izborima za savjet mjesne zajednice.

(2) U slučaju da je više članova savjeta mjesne zajednice dobilo isti broj glasova na izborima za savjet mjesne zajednice, konstituirajuću sjednicu saziva najstariji među tim licima.

(3) Na konstituirajućoj sjednici mjesne zajednice, članovi savjeta mjesne zajednice između sebe biraju predsjednika savjeta mjesne zajednice, natpolovičnom većinom glasova svih članova savjeta mjesne zajednice.

(4) Ukoliko ni jedan od kandidata za predsjednika savjeta mjesne zajednice na konstituirajućoj sjednici ne dobije potrebnu većinu, lice iz stava (1), odnosno stava (2) ovog člana ukoliko je više članova savjeta mjesne zajednice dobilo isti broj glasova, nastavlja obnašati dužnost predsjednika savjeta mjesne zajednice sve do izbora novog predsjednika savjeta mjesne zajednice ili do novih izbora savjeta mjesne zajednice.

(5) Savjet mjesne zajednice iz svog sastava bira većinom glasova svih članova zamjenika predsjednika i sekretara savjeta mjesne zajednice.

Član 82.

(Opoziv predsjednika i zamjenika predsjednika savjeta mjesne zajednice)

Predsjednik savjeta mjesne zajednice i zamjenik predsjednika savjeta mjesne zajednice može biti opozvan po postupku i na način utvrđen statutom mjesne zajednice.

Član 83.

(Prava i dužnosti predsjednika savjeta mjesne zajednice)

(1) Predsjednik savjeta mjesne zajednice:

1. predstavlja i zastupa mjesnu zajednicu i savjet mjesne zajednice,
2. saziva sjednice savjeta, predlaže dnevni red, predsjedava sjednicama savjeta i potpisuje akte savjeta,
3. provodi i osigurava provođenje odluka savjeta i podnosi izvještaj o provođenju odluka savjeta,
4. sarađuje sa organima i službama Grada,
5. sudjeluje u provođenju mjera civilne zaštite u skladu sa aktivnostima organa i službi Grada,
6. informiše građane o pitanjima važnim za mjesnu zajednicu,
7. obavlja i druge poslove koje mu povjeri savjet.

(2) Predsjednik savjeta mjesne zajednice odgovara za svoj rad građanima i savjetu mjesne zajednice.

Član 84.

(Status predsjednika i članova savjeta mjesne zajednice)

- (1) Funkcija predsjednika i članova savjeta mjesne zajednice je počasna.
- (2) Predsjednik i članovi savjeta mjesne zajednice imaju pravo na naknadu troškova u vezi s radom i angažmanom u savjetu što se utvrđuje odlukom Gradskog vijeća.

Član 85.

(Sazivanje zbora građana)

- (1) Savjet mjesne zajednice, u skladu sa ovim Statutom, radi raspravljanja o potrebama i interesima građana, te davanja prijedloga za rješavanje pitanja od mjesnog značaja, može sazvati zbor građana mjesne zajednice.
- (2) Zbor građana saziva se za dio područja mjesne zajednice koji čine cjelinu, a što se uređuje statutom mjesne zajednice.
- (3) Odluku o načinu održavanja zbora građana donosi savjet mjesne zajednice u skladu sa statutom mjesne zajednice.
- (4) Zbor građana vodi predsjednik savjeta mjesne zajednice ili njegov zamjenik.

Član 86.

(Sredstva za rad mjesne zajednice)

- (1) Sredstva za rad mjesne zajednice, odnosno sredstva za obavljanje poslova koji su iz samoupavnog djelokruga Grada preneseni ili povjereni mjesnoj zajednici obezbjeđuju se u budžetu Grada.
- (2) Mjesna zajednica može osigurati prihode za obavljanje svojih poslova i iz:
 1. sredstava samodoprinosa,
 2. sredstava za usluge koje svojim aktivnostima ostvari,
 3. sredstava od imovine i imovinskih prava,
 4. sredstava od pomoći, poklona pravnih i fizičkih lica,
 5. i druga sredstva.
- (3) Gradsko vijeće će posebnom odlukom utvrditi kriterije i ukupnu visinu sredstava u budžetu Grada Zavidovići za rad i funkcionisanje mjesnih zajednica, kao i kriterije za podjelu tih sredstava u budžetu na mjesne zajednice, te način i uvjete korištenja tih sredstava.

Član 87.

(Nadzor nad radom mjesnih zajednica)

Nadzor nad radom organa mjesnih zajednica vrši nadležna služba Grada.

IX - NEPOSREDNO UČEŠĆE GRAĐANA U ODLUČIVANJU I IZJAŠNJAVANJE GRAĐANA O PITANJIMA IZ SAMOUPRAVNOG DJELOKRUGA GRADA

Član 88.

(Oblici neposrednog učešća građana)

- (1) Oblici neposrednog sudjelovanja u odlučivanju i izjašnjavanju građana o lokalnim poslovima iz samoupravnog djelokruga Grada su:
 1. referendum,
 2. zbor građana,
 3. građanska inicijativa,
 4. podnošenje predstavki, prijedloga i pritužbi,
 5. javna rasprava,
 6. sati građana i drugi oblici neposrednog sudjelovanja građana u odlučivanju i izjašnjavanju.

1. Referendum

Član 89.

(Određenje referenduma)

(1) Gradsko vijeće pod uvjetima propisanim zakonom i ovim Statutom može raspisati referendum o svakom pitanju iz samoupravnog djelokruga Grada Zavidovići koje je od posebnog interesa za razvoj Grada i unapređenje uslova života i rada građana.

(2) Pravo na odlučivanje na referendumu imaju građani koji imaju prebivalište na području Grada Zavidovići i koji su upisani u centralni birački spisak.

(3) Prijedlog o kojem su se građani izjašnjavali referendumom smatra se prihvaćenim ako se za njega izjasnilo više od polovine građana upisanih u centralni birački spisak, a dvije trećine građana u postupku izjašnjavanja o inicijativi za osnivanje mjesne zajednice.

(4) Rezultati referenduma koji je proveden obavezujući su za Gradsko vijeće.

Član 90.

(Pokretanje procedure)

Prijedlog za raspisivanje referenduma mogu podnijeti:

1. jedna trećina vijećnika u Gradskom vijeću,
2. Gradonačelnik.

Član 91.

(Odluka o raspisivanju referenduma)

(1) Gradsko vijeće će odlučiti o prijedlogu za raspisivanje referenduma u roku od 60 dana od dana njegovog prijema.

(2) U odluci o raspisivanju referenduma utvrđuje se pitanje o kojem građani treba da se izjasne na referendumu, određuje se datum održavanja referenduma, kao i područje na kojem će se referendum provesti.

(3) Odluka o raspisivanju referenduma objavljuje se u „Službenom glasniku Grada Zavidovići“.

(4) Građani se po pitanju koje je postavljeno na referendumu izjašnjavaju sa „ZA“ ili „PROTIV“.

(5) Prijedlog koji na referendumu nije prihvaćen, ne može se ponovno iznijeti na referendum prije isteka roka od godinu dana od dana održavanja referenduma.

(6) Referendum provodi komisija koju imenuje Gradsko vijeće.

(7) Sastav komisije, djelokrug poslova, kao i ostale odredbe o provođenju postupka referenduma utvrđuje Gradsko vijeće odlukom o raspisivanju referenduma u skladu sa zakonom.

(8) Odluka o raspisivanju referenduma objavljuje se u „Službenom glasniku Grada Zavidovići“.

2. Zbor građana

Član 92.

(Određenje zbora građana)

(1) O svakom pitanju iz samoupravnog djelokruga Grada građani mogu raspravljati na zboru građana, te predlagati način rješavanja određenog pitanja, odnosno donošenje akata iz djelokruga Grada i Gradskog vijeća.

(2) Zbor građana saziva se radi izjašnjavanja građana o pojedinim pitanjima iz samoupravnog djelokruga Grada, raspravljanja o potrebama i interesima građana, te davanja prijedloga za rješavanje pitanja od mjesnog značaja kao što su:

1. izgradnja i održavanje puteva, kanalizacije, vodovoda, drugih komunalnih potreba i infrastrukture,

2. uređenje naselja, izgradnja i uređenje parkova, nasada, dječijih igrališta i drugih objekata,

3. zaštite okoliša,

4. obrazovanje, kultura, sport, manifestacije od značaja za mjesnu zajednicu i Grad,

5. potreba mladih, žena i ranjivih kategorija stanovništva,

6. usvajanje izvještaja mjesnih zajednica,

7. druga pitanja od mjesnog značaja.

(3) Gradsko vijeće može zatražiti od zbora mjesne zajednice stav o prijedlogu općeg akta kao i drugim pitanjima iz djelokruga Grada.

Član 93.

(Pravo učešća)

Na zboru građana imaju pravo sudjelovati birači koji imaju prebivalište na području za koje je sazvan zbor građana.

Član 94.

(Sazivanje zbora građana)

(1) Zbor građana saziva predsjednik savjeta mjesne zajednice po vlastitoj inicijativi ili na prijedlog savjeta mjesne zajednice, udruženja i drugih organizacija i zajednica na području mjesne zajednice, Gradonačelnika i Gradskog vijeća, kada to ocijene važnim.

(2) Mjesni zbor građana saziva se za dio područja mjesne zajednice koji čini zasebnu cjelinu (dio naselja, stambeni blok ili više manjih naselja).

(3) Zbor građana saziva se javnim upućivanjem poziva na način prikladan mjesnim prilikama.

(4) Javni poziv se može uputiti putem medija ili drugih sredstava javnog informisanja, oglašavanjem na oglasnim tablama u mjesnim uredima, mjesnim zajednicama, na javnim objektima i na drugi prikladan način.

(5) Poziv na zbor građana sadrži mjesto i vrijeme održavanja zbora građana i dnevni red.

Član 95.

(Rad zbora građana)

(1) Organi mjesne zajednice dužni su organizovati i osigurati održavanje zbora građana.

(2) O održavanju zbora građana brine se predsjednik savjeta mjesne zajednice, odnosno zamjenik predsjednika savjeta.

(3) Zbor građana vodi predsjednik savjeta mjesne zajednice ili zamjenik predsjednika savjeta.

(4) O radu zbora građana vodi se zapisnik koji sadrži mjesto i vrijeme održavanja zbora građana, broj prisutnih, dnevni red, zaključke, prijedloge i stavove koje zbor građana donosi.

Član 96.

(Odlučivanje zbora građana)

Zaključak, prijedlog, mišljenje, inicijativa ili stav je usvojen na zboru građana ako se za iste izjasnila natpolovična većina prisutnih.

Član 97.

(Odluke zbora građana)

(1) Odluka donesena na zboru građana obavezujuća je za savjet mjesne zajednice, ali ne obavezuje Gradsko vijeće i Gradonačelnika.

(2) Mišljenja i prijedloge iznesene na zboru građana Gradsko vijeće i Gradonačelnik dužni su razmatrati u toku rasprave o pitanju na koje se ta mišljenja i prijedlozi odnose.

(3) Savjet mjesne zajednice dužan je izvijestiti zbor građana o tome što je poduzeto u vezi s njihovim mišljenjem i prijedlozima.

3. Građanska inicijativa

Član 98.

(Građanska inicijativa)

(1) Građani mogu Gradskom vijeću podnositi inicijative za donošenje određenog akta ili rješavanja određenog pitanja iz samoupravnog djelokruga Grada koje je od posebnog i neposrednog interesa za građane.

(2) Građanska inicijativa mora biti argumentovano obrazložena, a ukoliko su za realizaciju inicijative potrebna sredstva, mora sadržavati prijedlog načina njihovog obezbjeđenja.

(3) Gradsko vijeće je dužno razmotriti građansku inicijativu koju je svojim potpisom uz navođenje broja lične karte podržalo najmanje 50 (pedeset) birača upisanih u centralni birački spisak Grada i donijeti po istoj odluku na prvoj narednoj sjednici, a najkasnije u roku od 60 dana od dana dostavljanja Gradskom vijeću.

(4) Gradsko vijeće će odbaciti građansku inicijativu ukoliko pitanje o kojem je pokrenuta nije u djelokrugu Gradskog vijeća uz uputu o nadležnom organu za njeno rješavanje i preporuku nadležnom organu da inicijativu uzme u razmatranje.

(5) Gradsko vijeće će odbaciti građansku inicijativu ukoliko ne ispunjava formalne uslove iz stava (2) i (3) ovog člana tj. ako se provjerom utvrdi da potpisani građani nisu upisani u centralni birački spisak koji se vodi za područje Grada.

Član 99.

(Odluka o građanskoj inicijativi)

Odluka o prihvatanju, odbijanju ili odbacivanju građanske inicijative dostavlja se podnosiocima odmah po njenom donošenju.

4. Predstavke, prigovori i pritužbe građana

Član 100.

(Predstavke)

(1) Građani pojedinačno ili skupno mogu podnositi predstavke Gradskom vijeću i Gradonačelniku.

(2) Predstavka mora biti potpisana i mora sadržavati imena i prezimena kao i adrese građana koji je potpisuju i broj lične karte.

(3) Organi Grada iz stava (1) dužni su u roku od 30 dana od dana podnošenja predstavke odgovoriti građanima koji su predstavku podnijeli.

(4) Predstavke mogu podnositi građani koji imaju biračko pravo i prebivalište na području Grada.

(5) Anonimne predstavke ne uzimaju se u razmatranje.

(6) Predstavke građana ne obavezuju organ kojem se podnose.

Član 101.

(Prigovori i pritužbe građana)

(1) Građani i pravna lica imaju pravo Gradskom vijeću i Gradonačelniku podnositi prigovore i pritužbe.

(2) Organi iz prethodnog stava dužni su omogućiti građanima i pravnim licima

podnošenje prigovora i pritužbi na svoj rad te na odnos zaposlenih u tim organima kada im se obraćaju radi ostvarivanja svojih prava i interesa ili izvršavanja građanskih dužnosti.

(3) Prigovor i pritužba moraju biti potpisani i na njima navedena imena i prezimena te adresa građana koji ih podnose, odnosno naziv i sjedište pravnog subjekta.

(4) Na podnesene prigovore i pritužbe organi iz stava (1) ovog člana dužni su građanima i pravnim subjektima dati odgovor u roku od 30 dana od dana podnošenja prigovora odnosno pritužbe.

(5) Organi iz stava (1) su dužni u službenim prostorijama na vidnom mjestu osigurati potrebna tehnička i druga sredstva za podnošenje predstavki, prigovora, pritužbi te omogućiti usmeno davanje istih.

5. Javna rasprava

Član 102.

(Vođenje javne rasprave)

(1) Gradsko vijeće putem javne rasprave omogućava građanima da učestvuju u donošenju propisa iz nadležnosti Grada, u skladu sa zakonom, Statutom Grada Zavidovići i Poslovníkom o radu Gradskog vijeća.

(2) Poslovníkom o radu Gradskog vijeća će se detaljnije regulisati obaveze predlagaga i način vođenja javne rasprave.

6. Sati građana i drugi oblici neposrednog sudjelovanja građana u odlučivanju i izjašnjavanju

Član 103.

(Neposredni susreti sa građanima)

(1) Gradonačelnik i predsjedavajući Gradskog vijeća mogu odrediti jedan dan u mjesecu u kojem će dio radnog vremena posvetiti neposrednom susretu i razgovoru sa građanima.

(2) Gradsko vijeće i Gradonačelnik mogu osmisliti i druge oblike neposrednog sudjelovanja građana u odlučivanju i izjašnjavanju u skladu sa mjesnim prilikama i tehnološkim dostignućima.

X - ZDRAVSTVENI SAVJET GRADA

Član 104.

(Zdravstveni savjet)

(1) U cilju ostvarivanja društvene brige za zdravlje na nivou Grada osniva se Zdravstveni savjet Grada (u daljem tekst: Zdravstveni savjet).

(2) Društvena briga za zdravlje na nivou Grada Zavidovići obuhvata ocjenjivanje rada zdravstvenih ustanova i kvaliteta zdravstvenih usluga, kao i osiguranje finansijskih sredstava za unapređenje njihovog rada i kvaliteta zdravstvenih usluga u skladu sa potrebama stanovništva i mogućnostima i u skladu sa Zakonom o principima lokalne samouprave u FBiH.

Član 105.

(Nadležnost Zdravstvenog savjeta)

Zdravstveni savjet obavlja slijedeće poslove:

- predlaže i evaluira provođenje zdravstvene zaštite na području Grada Zavidovići,
- daje mišljenje na planove i programe zdravstvene zaštite za područje Grada Zavidovići,
- predlaže mjere za poboljšanje dostupnosti i kvaliteta zdravstvene zaštite,
- prati povrede pojedinačnih prava pacijenata i predlaže poduzimanje mjere za zaštitu i unapređenje prava pacijenata na području Grada Zavidovići,

- prati primjenu propisa na području Grada Zavidovići koji se odnose na zaštitu prava i interesa pacijenata,
- podnosi Gradskom vijeću godišnji izvještaj o svom radu,
- te obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakonom o zdravstvenoj zaštiti.

Član 106.

(Sastav Zdravstvenog savjeta)

Zdravstveni savjet ima predsjednika i dvanaest članova i čine ga:

- predstavnik Grada (jedan član),
- predstavnik registrovanih udruženja koja se bave zaštitom i pravima pacijenata (dva člana),
- predstavnik pacijenata sa područja lokalne zajednice (jedan član),
- predstavnik zdravstvene ustanove „Dom zdravlja“ Zavidovići (jedan član),
- predstavnik zdravstvenih radnika iz reda privatnih praksi sa područja Grada (jedan član),
- predstavnik zdravstvenih komora sa područja Zeničko-dobojskog kantona sa područja lokalne zajednice (dva člana),
- predstavnik Crvenog križa / krsta sa područja lokalne zajednice (jedan član),
- predstavnik Udruženja penzionera (jedan član),
- predstavnik mladih sa područja lokalne zajednice (jedan član),
- predstavnik udruženja žena iz registrovanog udruženja žena sa područja lokalne zajednice (jedan član),
- predstavnik zdravstvenih sindikata (jedan član).

Član 107.

(Imenovanje Zdravstvenog savjeta)

(1) Zdravstveni savjet imenuje Gradsko vijeće na prijedlog Gradonačelnika, na period od 4 (četiri) godine.

(2) Prijedlog iz prethodnog stava utvrđuje Gradonačelnik na osnovu provedene procedure Javnog poziva.

(3) Kandidat za člana Zdravstvenog savjeta treba da ispunjava slijedeće uslove:

- da je punoljetan državljanin Bosne i Hercegovine (dokaz o državljanstvu ne starije od šest mjeseci),

- da ima minimalno tri godine iskustva u instituciji, ustanovi, udruženju, nevladinoj organizaciji ili zdravstvenom sindikatu ispred kojeg se kandiduje (dokaz: potvrda izdata od strane institucije, ustanove, udruženja, nevladine organizacije, sindikata), izuzev kandidata za predstavnika pacijenata sa područja lokalne zajednice i predstavnika mladih sa područja lokalne zajednice,

- da uživa ugled i ima evidentne rezultate rada u oblasti u kojoj djeluje (dokaz: potvrda izdata od strane institucije, ustanove, udruženja, nevladine organizacije, sindikata),

- da ima prebivalište na području Grada Zavidovići (dokaz: obrazac o prijavi prebivališta),

- da nije stariji od 35 godina – samo za predstavnika mladih sa područja Grada (dokaz: izvod iz matične knjige rođenih).

(4) Prilikom imenovanja članova Zdravstvenog savjeta poštivat će se princip ravnopravne zastupljenosti oba pola.

(5) Zdravstveni savjet ima pravo na naknadu za svoj rad u skladu sa odlukom Gradonačelnika.

Član 108.

(Način rada Zdravstvenog savjeta)

(1) Zdravstveni savjet donosi Poslovnik o svom radu kojim se pobliže uređuje organizacija i način rada.

(2) Koordinaciju rada Zdravstvenog savjeta, pružanje stručnih i tehničkih pomoći u radu Zdravstvenog savjeta vršit će Služba za upravu društvenih djelatnosti, pitanja boraca i opću upravu.

XI - IMOVINA I FINANSIRANJE GRADA

Član 109.

(Imovina i upravljanje imovinom)

(1) Sve pokretne i nepokretne stvari i imovinska prava koja pripadaju Gradu, u skladu sa zakonom, čine imovinu Grada.

(2) Imovinom Grada upravlja i raspolaže Gradsko vijeće na način i pod uslovima propisanim zakonom i Statutom Grada.

(3) Gradsko vijeće je dužno upravljati i raspolagati s imovinom Grada brižno i prema načelima dobrog domaćina, postupajući u skladu sa zakonom i drugim propisima.

(4) Imovinom Grada, koju je Gradsko vijeće prenijelo svojom odlukom na upravljanje drugim javnim preduzećima i ustanovama, te ustanove i preduzeća upravljaju u skladu sa njihovom namjenom i zakonom.

(5) Svako ima pravo služiti se javnim dobrima u općoj upotrebi prema namjeni određenoj zakonom, odlukom Grada ili kako odredi pravna osoba kojoj je data na upravljanje i koja njima neposredno upravlja.

Član 110.

(Ovlaštenje za upravljanje imovinom)

(1) Gradsko vijeće može ovlastiti Gradonačelnika da zaključuje pravne poslove i poduzima pravne radnje i upravlja imovinom Grada u granicama ovlaštenja.

(2) Gradonačelnik je dužan izvještavati Gradsko vijeće o stanju gradske imovine.

Član 111.

(Prihodi Grada)

(1) Grad ima svoje prihode kojima u okviru samoupravnog djelokruga slobodno raspolaže.

(2) Prihodi Grada srazmjerni su poslovima koji su u skladu sa zakonom u njenom djelokrugu.

Član 112.

(Vrste prihoda)

Prihodi Grada su:

a) Vlastiti prihodi:

- porezi na imovinu, porez od poljoprivredne djelatnosti, porez na promet nekretnina i drugi porezi u skladu sa zakonom i drugim propisima,
- prihodi od imovine u vlasništvu Grada i imovinskih prava,
- komunalne takse, druge takse i naknade u skladu sa gradskim odlukama,
- novčane kazne i oduzeta imovinska korist za prekršaje propisane gradskim odlukama,
- prihodi od preduzeća i drugih pravnih lica u vlasništvu Grada,
- kamata u skladu sa zakonom,
- prihodi od koncesije u skladu sa zakonom,

- prihodi od samodopirnosu u skladu sa gradskim odlukama i Statutom Grada,
- darovi, nasljedstva, pomoći i donacije,
- prihodi od budžetskih korisnika,
- drugi prihodi utvrđeni zakonom ili odlukom Gradskog vijeća.

b) Drugi prihodi Grada:

- prihodi od dijeljenih poreza u skladu sa zakonom,
- transferi i grantovi od viših nivoa vlasti,
- drugi prihodi u skladu sa zakonom.

Član 113.

(Prikupljanje sredstava građana)

(1) Grad Zavidovići može radi zadovoljavanja potreba građana prikupljati sredstva na osnovu neposrednog izjašnjavanja građana u skladu sa zakonom, odnosno Statutom Grada.

(2) Odluku o pokretanju postupka prikupljanja sredstava na način utvrđen prethodnim stavom, donosi Gradsko vijeće na prijedlog:

1. jedne trećine vijećnika Gradskog vijeća,
2. Gradonačelnika.

Član 114.

(Raspodaganje prihodima)

Ostvarenim prihodima Grad samostalno raspodaje kroz budžet koji donosi Gradsko vijeće u skladu sa zakonom i drugim propisima.

Član 115.

(Budžet)

- (1) Prihodi i rashodi Grada utvrđuju se u budžetu Grada.
- (2) Svi prihodi i primici Grada moraju biti raspodijeljeni u budžetu i iskazani po izvorima iz kojih potiču.
- (3) Prihodi i rashodi budžeta moraju biti uravnoteženi.

Član 116.

(Donošenje budžeta)

(1) Gradonačelnik je dužan dostaviti prijedlog budžeta Gradskom vijeću u roku propisanom budžetskim kalendarom.

(2) Gradsko vijeće većinom glasova od ukupnog broja vijećnika usvaja budžet u roku predviđenom budžetskim kalendarom.

Član 117.

(Odluka o privremenom finansiranju)

(1) Ukoliko Gradsko vijeće ne donese budžet u roku iz prethodnog člana, do usvajanja novog budžeta, a najduže 90 dana nakon početka budžetske godine finansiranje se obavlja privremeno.

(2) Odluku o privremenom finansiranju donosi Gradsko vijeće.

(3) Privremeno finansiranje u smislu stava (1) ovog člana obavlja se srazmjerno sredstvima utrošenim u istom periodu, odnosno najviše do tromjesečnog prosjeka za prethodnu godinu, umanjeno za kapitalne investicije, izuzev onih čija se realizacija nastavlja u tekućoj godini.

Član 118.

(Proglašenje budžeta)

(1) Ukoliko Gradsko vijeće ne usvoji budžet do 31. marta tekuće budžetske godine,

Gradonačelnik proglašava budžet koji stupa na snagu danom objave u „Službenom glasniku Grada Zavidovići“.

Član 119.
(Arbitraža)

Ukoliko Gradonačelnik, Gradsko vijeće ili jedna trećina vijećnika smatraju da usvojeni budžet na određenoj poziciji može ugroziti funkcionisanje Grada, oni mogu u roku od 7 dana tražiti arbitražu u skladu sa zakonom.

Član 120.
(Izvršenje budžeta)

(1) Gradonačelnik upravlja prihodima i rashodima utvrđenim u budžetu Grada i odgovoran je za izvršenje budžeta u skladu sa zakonom, odlukom o izvršenju budžeta i drugim propisima.

(2) Gradsko vijeće nadzire ukupno materijalno i finansijsko poslovanje Grada, te korisnike gradskog budžeta što se tiče namjene, opsega, dinamike i korištenja sredstava.

Član 121.
(Zaduživanje Grada)

Grad se može zaduživati, davati jamstva i garancije u skladu sa zakonom.

XII - PROPISI I DRUGI AKTI GRADA

Član 122.
(Akti Gradskog vijeća)

(1) Gradsko vijeće u okviru samoupravnog djelokruga donosi propise i druge akte, preporuke, smjernice, deklaracije, rezolucije, te pojedinačne akte u skladu sa zakonom i Statutom Grada.

(2) Gradsko vijeće donosi sljedeće propise: Statut Grada, budžet, planske dokumente, odluke, pravilnike, poslovnike i druge propise utvrđene Poslovníkom o radu Gradskog vijeća.

(3) Gradsko vijeće donosi rješenja i zaključke kao pojedinačne akte.

(4) Akti organa i tijela Gradskog vijeća su rješenja, zaključci i drugi akti utvrđeni Poslovníkom o radu Gradskog vijeća Zavidovići.

(5) Poslovníkom Gradskog vijeća se utvrđuju način i postupak donošenja propisa i akata Gradskog vijeća.

Član 123.
(Akti Gradonačelnika)

Gradonačelnik u izvršavanju zakona, propisa i općih akata iz samoupravnog djelokruga Grada donosi pojedinačne akte i unutrašnje opće akte i to: rješenja, zaključke, naredbe, uputstva, pravilnike i druge akte za čije je donošenje ovlašten zakonom, drugim propisom, Statutom Grada ili odlukom Gradskog vijeća.

Član 124.
(Pravo žalbe na akte Gradonačelnika)

Protiv prvostepenih akata Gradonačelnika kada je Gradonačelnik rješavao na osnovu propisa Grada, u drugom stepenu rješava Komisija za žalbe koju kao drugostepeni organ obrazuje (osniva) Gradsko vijeće.

Član 125.

(Objavljivanje općih i drugih akata)

- (1) Odluke i drugi opći akti obavezno se objavljuju u „Službenom glasniku Grada Zavidovići“, prije nego što stupe na snagu.
- (2) Odluke i drugi opći akti stupaju na snagu osmog dana od dana objavljivanja.
- (3) Izuzetno, općim aktom može se iz naročito opravdanih razloga odrediti kraći rok od roka propisanog u prethodnom stavu.

Član 126.

(Službeni glasnik Grada Zavidovići)

U „Službenom glasniku Grada Zavidovići“ osim odluka i drugih općih akata, objavljuju se autentična tumačenja tih akata, rješenja, budžet Grada, godišnji izvještaj o izvršenju budžeta, programi i planovi razvoja, akti izbora i imenovanja, akti raspolaganja gradskom imovinom, te drugi akti kada to odrede organi koji ih donose.

XIII - DONOŠENJE I PROMJENE STATUTA GRADA

Član 127.

(Pokretanje postupka)

Postupak za donošenje Statuta Grada pokreće se donošenjem Odluke o izradi Statuta Grada i obuhvata: pripremu i razmatranje nacрта, javnu raspravu, utvrđivanje prijedloga i usvajanje Statuta Grada.

Član 128.

(Izrada Statuta Grada)

Postupak izrade Statuta Grada provodi Komisija za Statut i propise Gradskog vijeća.

Član 129.

(Promjene Statuta Grada)

- (1) Postupak za promjenu Statuta Grada pokreće se prijedlogom za promjenu Statuta Grada.
- (2) Prijedlog za promjenu Statuta Grada može podnijeti Gradonačelnik, Komisija za statut i propise Gradskog vijeća i jedna trećina vijećnika Gradskog vijeća.
- (3) Prijedlog iz stava (2) ovog člana mora biti obrazložen, a podnosi se predsjedavajućem Gradskog vijeća u pisanoj formi.

Član 130.

(Prijedlog za promjenu Statuta Grada)

Prijedlog za promjenu Statuta Grada predsjedavajući Gradskog vijeća upućuje Komisiji za Statut i propise koja je razmatra i uz mišljenje upućuje Gradskom vijeću.

Član 131.

(Rasprava o promjeni Statuta Grada)

- (1) O prijedlogu za promjenu Statuta Grada provodi se rasprava na sjednici Gradskog vijeća.
- (2) Prihvaćeni prijedlog promjene Statuta Grada dostavlja se vijećnicima Gradskog vijeća, organima mjesnih zajednica, udruženjima koja djeluju na području Grada i drugim zainteresovanim subjektima radi vođenja javne rasprave o predloženim promjenama i davanju primjedbi i prijedloga, nakon čega se prijedlog upućuje Gradskom vijeću na razmatranje i odlučivanje.
- (3) Ako se ne prihvati prijedlog za promjenu Statuta Grada, isti se ne može ponovno staviti na dnevni red sjednice Gradskog vijeća, prije isteka šest mjeseci.

Član 132.
(Statutarna Odluka)

- (1) O izmjeni i dopuni Statuta Grada, Gradsko vijeće donosi Statutarnu Odluku.
- (2) Komisija za Statut i propise može podnošenjem prijedloga odluke predložiti izmjenu i dopunu Statuta Grada, radi usklađivanja Statuta Grada sa zakonom bez prethodne javne rasprave.

Član 133.
(Usvajanje Statuta Grada)

- (1) Predlagač prijedloga Statuta Grada i prijedloga odluke iz prethodnog člana je Komisija za Statut i propise.
- (2) U postupku donošenja Statuta Grada i Statutarne Odluke kao i njihovih izmjena i dopuna donose se dvotrećinskom većinom glasova svih vijećnika u Gradskom vijeću.

XIV - JAVNOST RADA I INFORMISANJE

Član 134.
(Javnost rada)

Organi Grada dužni su osigurati javnost rada u postupku donošenja odluka te omogućiti građanima da neposredno učestvuju u postupku donošenja odluka i odlučivanju, u skladu sa zakonom i ovim Statutom.

Član 135.
(Informisanje javnosti)

Gradsko vijeće dužno je upoznati javnost o obavljanju poslova iz svoga djelokruga i izvještavati je o svom radu i radu svojih tijela preko sredstava javnog informisanja ili na drugi pogodan način.

Član 136.
(Transparentnost rada)

- (1) Transparentnost rada gradske uprave ostvaruje se kroz otvorenost postupka provođenja gradskih propisa i akata, kroz primjenu zakona i drugih propisa, te kroz upoznavanja javnosti sa njihovom primjenom.
- (2) Transparentnost se obezbjeđuje kroz slobodan pristup informacijama i informisanje javnosti, objavljivanje izvještaja, budžeta i drugih sadržaja vlastitog informacijskog sistema, informativnog biltena i kroz druge oblike informisanja.

Član 137.
(Zaštita ličnih podataka i podataka od posebnog značaja)

- (1) Grad objavljuje donesene propise i akte iz svoje nadležnosti.
- (2) Grad neće objaviti ili na drugi način učiniti javno dostupnim propise i akte čije bi objavljivanje bilo u suprotnosti sa zakonom, drugim propisima i aktima Gradskog vijeća, kao ni informacije koje uključuju lične podatke koji se odnose na privatnost trećeg lica, osim ako je to opravdano javnim interesom.

XV - ODNOS GRADA I GRAĐANA

Član 138.
(Ostvarivanje zajamčenih prava)

Organi Grada dužni su organizovati svoj rad i poslovanje tako da građani i pravna lica mogu na jednostavan i djelotvoran način ostvariti svoja ustavom zajamčena prava i zakonom zaštićene interese te ispunjavati građanske dužnosti.

Član 139.

(Pristup informacijama)

Gradski organi uprave dužni su omogućiti građanima pristup informacijama.

XVI - ODNOS I SARADNJA SA FEDERALNIM I KANTONALNIM VLASTIMA

Član 140.

(Opće odredbe)

Gradske i kantonalne vlasti djeluju zajednički na partnerskim osnovama, osim u oblasti administrativnog nadzora koji vrše federalne i kantonalne vlasti u pogledu rada organa Grada.

Član 141.

(Saradnja sa kantonalnim organima vlasti)

(1) Grad i Zeničko-dobojski kanton, međusobno sarađuju radi rješavanja pitanja od zajedničkog interesa, a posebno u postupku donošenja zakona i drugih akata koji se neposredno tiču Grada, te u tom smislu Grad daje inicijative, mišljenja i prijedloge ovlaštenim organima.

(2) Inicijative, mišljenja i prijedloge u ime Grada mogu podnositi Gradsko vijeće i Gradonačelnik, u skladu sa kantonalnim propisima.

Član 142.

(Saradnja sa federalnim organima vlasti)

(1) Grad je dužan informisati federalne, odnosno kantonalne vlasti o svim pitanjima i problemima značajnim za izvršavanje prenesenih nadležnosti.

(2) U vršenju povjerenih ovlaštenja i izvršavanju prenesenih poslova Grad je dužan primjenjivati uputstva i smjernice koje dobije od federalnih i kantonalnih vlasti u skladu sa zakonom.

(3) U postupku donošenja propisa koji se direktno tiču Grada obaveza je federalnih i kantonalnih vlasti da u najvećoj mogućoj mjeri konsultuju Grad.

(4) Konsultovanje u smislu prethodnog stava ovog člana, federalne, odnosno kantonalne vlasti vrše putem Saveza općina i gradova Federacije Bosne i Hercegovine.

XVII - UDRUŽIVANJE I SARADNJA SA DRUGIM GRADOVIMA I OPĆINAMA U ZEMLJI I INOSTRANSTVU

Član 143.

(Saradnja sa drugim gradovima i općinama)

(1) Radi ostvarivanja zajedničkih interesa Grad uspostavlja i održava saradnju sa gradovima i općinama u Zeničko-dobojskom kantonu, Federaciji Bosne i Hercegovine i Bosni i Hercegovini.

(2) O oblicima i načinu saradnje Grad zaključuje sporazume.

Član 144.

(Sporazum o saradnji)

(1) Grad može uspostaviti trajnu prijateljsku saradnju i druge oblike saradnje sa lokalnim i regionalnim jedinicama drugih država.

(2) O uspostavljanju saradnje, odnosno sklapanju sporazuma o saradnji, te sadržaju i oblicima saradnje odlučuje Gradsko vijeće, pod uslovima utvrđenim zakonom i Statutom Grada.

Član 145.

(Uspostavljanje prijateljskih odnosa)

Grad može odlukom Gradskog vijeća proglasiti prijateljskim pojedini grad u zemlji i inostranstvu zbog njegova doprinosa u uspostavljanju i razvoju međusobnih odnosa kojima se ostvaruje prijateljstvo i potiče se razvoj Grada i države Bosne i Hercegovine.

XVIII - PRELAZNE I ZAVRŠNE ODREDBE

Član 146.

(Primjena gradskih propisa)

Do donošenja odnosno usklađivanja gradskih propisa predviđenih ovim Statutom, primjenjivat će se propisi koji su na snazi na dan donošenja ovog Statuta, ukoliko nisu u suprotnosti sa odredbama ovog Statuta.

Član 147.

(Usklađivanje gradskih propisa)

(1) Usklađivanje važećih propisa iz nadležnosti Grada sa ovim Statutom izvršit će se u roku od šest mjeseci od dana stupanja na snagu ovog Statuta.

(2) U roku od šest mjeseci od dana stupanja na snagu ovog Statuta, savjeti mjesnih zajednica dužni su donijeti nove statute mjesnih zajednica i izvršiti sve poslove organizovanja mjesnih zajednica u skladu sa odredbama ovog Statuta.

Član 148.

(Gramatička terminologija)

Gramatička terminologija korištenja muškog i ženskog roda u ovom Statutu podrazumijeva uključivanje oba roda.

Član 149.

(Prelazne odredbe)

Danom stupanja na snagu ovog Statuta Grada prestaje da važi Statut Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2018) i Privremena Statutarna Odluka Grada Zavidovići („Službeni glasnik Općine Zavidovići“, broj: 04/2022).

Član 150.

(Završne odredbe)

Ovaj Statut Grada Zavidovići stupa na snagu osmog dana od dana objavljivanja u „Službenom glasniku Grada Zavidovići“.

**PREDSJEDAVAJUĆI
GRADSKOG VIJEĆA**

Admir Fojnica, prof.

O B R A Z L O Ž E N J E

PRAVNI OSNOV DONOŠENJA STATUTA

Pravni osnov za donošenje Statuta Grada su član 13. Zakona o principima lokalne samouprave („Službene novine Federacije Bosne i Hercegovine“, broj: 49/06 i 51/09), a u vezi sa članom 7. Zakona o Gradu Zavidovići („Službene novine FBiH“, broj: 17/2022) i Privremena Statutarna Odluka Grada Zavidovići („Službeni glasnik Općine Zavidovići“, broj: 4/2022).

Odredbom člana 13. Zakona o principima lokalne samouprave, određeno je da:
„Vijeće u okviru svojih nadležnosti:

- priprema i usvaja dvotrećinskom većinom statut jedinice lokalne samouprave.“

Odredbom član 7. Zakona o Gradu Zavidovići, određeno je da:

„7. (Statut)

(1) Grad Zavidovići ima Statut.

(2) Statutom Grada Zavidovići propisuje se i uređuje samoupravni djelokrug Grada, njegova obilježja, sjedište, javna priznanja, organizacija, ovlaštenja i način rada njegovih organa, međusobni odnosi Gradskog vijeća i gradonačelnika, oblici neposrednog odlučivanja građana, saradnja s drugim jedinicama lokalne samouprave i druga pitanja od značajna za Grad.

(3) Statut Grada Zavidovići mora biti u skladu s Ustavom Federacije Bosne i Hercegovine, Ustavom Zeničko-dobojskog kantona i federalnim i kantonalnim zakonodavstvom.

(4) Statut Grada Zavidovići priprema i usvaja Gradsko vijeće dvotrećinskom većinom vijećnika Gradskog vijeća.“

Odredba član 10. stav (1) tačka 1) Privremene Statutarne Odluke Grada Zavidovići, glasi: „Član 10. (Nadležnost)

Gradsko vijeće u okviru svoje nadležnosti:

1. donosi Statut Grada dvotrećinskom većinom glasova;“.

ODREDBE KOJE SE MIJENJAJU U ODNOSU NA NACRT

„Na osnovu člana VI (2). Ustava Federacije Bosne i Hercegovine („Službene novine Federacije Bosne i Hercegovine“, broj: 1/94, 13/97, 16/02, 22/02, 22/02, 52/02, 60/02, 18/03, 63/03, 9/04, 20/04, 33/04, 71/05, 72/05 i 88/08), člana 70. i 75. Ustava Zeničko-dobojskog kantona („Službene novine Federacije Bosne i Hercegovine“, broj: 7/96) i („Službene novine Zeničko-dobojskog kantona“, broj: 1/96, 10/00, 8/04 i 10/04), člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 7. Zakona o Gradu Zavidovići („Službene novine Federacije Bosne i Hercegovine“, broj: 17/22), člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i člana 2. Odluke o pristupanju izradi Statuta Grada Zavidovići („Službeni glasnik Grada Zavidovići“, broj: 1/22), na prijedlog Komisije za Statut i propise, Gradsko vijeće Zavidovići, na ____ sjednici, održanoj _____.2023. godine, donijelo je“

„Član 1.

(Predmet)

Ovim Statutom uređuje se samoupravni djelokrug Grada Zavidovići (u daljem tekstu: Grad) kao jedinice lokalne samouprave, organi, međusobni odnosi organa, mjesna samouprava, neposredno učestvovanje građana u odlučivanju, finansiranje i imovina, propisi i drugi akti,

javnost rada, saradnja jedinica lokalne samouprave, odnosi i saradnja sa federalnim i kantonalnim vlastima, kao i druga pitanja od značaja za organizaciju i rad Grada.“

„Član 2.

(Pravni status Grada)

(1) Grad je jedinica lokalne samouprave sa pravima i obavezama utvrđenim Ustavom i Zakonom.

(2) Grad je pravno lice.

(3) Grad je pravni sljednik Općine Zavidovići i ima zakonom određene nadležnosti Grada i preuzima nadležnost, prava, obaveze i imovinu Općine čiji je pravni sljednik.“

„Član 3.

(Temeljna prava i slobode Grada)

(1) U obavljanju poslova iz svoje nadležnosti Grad će poštovati temeljna prava i slobode građana i konstitutivnih naroda: Bošnjaka, Hrvata i Srba zajedno sa ostalim, te će osigurati u najvećoj mogućoj mjeri njihovu zastupljenost u skladu sa članom IX 11. a. Ustava Federacije Bosne i Hercegovine.

(2) Grad će osigurati jednaka prava i zalagati se za jednake životne uslove svih svojih građana, uvažavajući nacionalni, vjerski, kulturni i spolni identitet.“

„Član 9.

(Službeni jezici i pismo)

(1) Službeni jezici Grada su: bosanski, hrvatski i srpski jezik.

(2) Službena pisma su: latinica i ćirilica.“

„Član 17.

(Opće odredbe)

(1) Gradsko vijeće je predstavnički organ građana Grada i organ lokalne samouprave izabran na temelju općeg biračkog prava na neposrednim izborima tajnim glasanjem na način određen Izbornim zakonom Bosne i Hercegovine.

(2) Gradsko vijeće donosi opće akte i druge akte u okviru samoupravnog djelokruga Grada te obavlja druge poslove u skladu sa ustavom, zakonom i Statutom Grada.

(3) Gradsko vijeće ima dvadeset devet (29) vijećnika.

(4) Nacionalne manjine na području Grada zastupljene su sa jednim (1) mjestom u sastavu Gradskog vijeća.

(5) Ukoliko se ne može izvršiti dodjela mandata pripadnicima nacionalnih manjina na osnovu izbornog rezultata, taj mandat ostaje upražnjen.“

„Član 22.

(Nadležnost)

Gradsko vijeće u okviru svoje nadležnosti:

1. donosi Statut Grada dvotrećinskom većinom glasova,
2. donosi odluke i druge opće akte kojima uređuje pitanja iz samoupravnog djelokruga Grada,
3. donosi budžet Grada, godišnji izvještaj o izvršenju budžeta kao i odluku o privremenom finansiranju u skladu sa zakonom,
4. donosi program kapitalnih ulaganja i razmatra izvještaj o realizaciji programa,
5. utvrđuje politiku u okviru nadležnosti Grada i prati njeno ostvarivanje;

6. donosi razvojne, prostorne i urbanističke planove i programe, te provedbene planove, uključujući zoniranje,
7. donosi propise o porezima, taksama, naknadama i doprinosima Grada u skladu sa zakonom,
8. donosi odluke o upravljanju i raspolaganju imovinom Grada,
9. donosi odluke o zaduživanju Grada, o raspisivanju javnog zajma i davanju jamstva u skladu sa zakonom,
10. donosi programe uređenja gradskog građevinskog zemljiša,
11. donosi plan korištenja javnih površina,
12. donosi odluke o organizaciji mjesne samouprave i nazivima ulica, trgova i dijelova naseljenih mjesta,
13. donosi odluke o udruživanju Grada u saveze i druge oblike organizovanja, te o trajnom uspostavljanju prijateljske i druge saradnje s lokalnim i regionalnim zajednicama drugih država,
14. donosi odluke o proglašenju praznika Grada,
15. donosi odluke o priznanjima i nagradama Grada,
16. donosi odluke o raspisivanju referenduma,
17. bira i razrješava predsjedavajućeg i zamjenika predsjedavajućeg Gradskog vijeća,
18. osniva radna tijela Gradskog vijeća te bira i razrješava njihove članove,
19. imenuje, bira i razrješava druge osobe određene zakonom, Statutom i odlukama Grada, te daje saglasnost na imenovanja, izbor i razrješenja kada je to propisano,
20. osniva preduzeća i ustanove i druga pravna lica za obavljanje komunalnih, društvenih, privrednih i drugih djelatnosti od interesa za Grad, te odlučuje o njihovim statusnim promjenama u skladu sa zakonom, (izmijenjen)
21. razmatra izvještaje o radu i poslovanju javnih preduzeća najmanje jednom godišnje,
22. odlučuje o prestanku ustanova, preduzeća i drugih pravnih lica u skladu sa zakonom,
23. odlučuje o prijenosu i preuzimanju osnivačkih prava u skladu sa Statutom Grada,
24. razmatra godišnji izvještaj o provođenju gradske politike i aktivnostima Gradonačelnika,
25. pokreće i razmatra inicijativu za pokretanje postupka opoziva Gradonačelnika i donosi odluke o pokretanju postupka opoziva Gradonačelnika,
26. ocjenjuje rad ustanova i kvalitet usluga u djelatnosti zdravstva, socijalne zaštite, obrazovanja, kulture i sporta, najmanje jednom godišnje, te osigurava finansijska sredstva za unapređenje njihovog rada i kvaliteta usluga u skladu sa potrebama stanovništva i mogućnostima Grada,
27. donosi pojedinačne i druge akte iz samoupravnog djelokruga Grada u skladu sa zakonom i Statutom Grada,
28. analizira stanje javnog reda i mira, sigurnost ljudi i imovine najmanje jednom godišnje, te predlaže mjere prema nadležnim organima,
29. utvrđuje smjernice za vođenje kadrovske politike u skladu sa zakonom,
30. donosi Poslovnik o svom radu,
31. obavlja i druge poslove utvrđene zakonom i Statutom Grada.

„Član 31. (Opće odredbe)

- (1) Gradonačelnik Grada Zavidovići (u daljem tekstu: Gradonačelnik) je nosilac izvršne vlasti Grada.
- (2) Mandat Gradonačelnika je četiri godine.
- (3) Gradonačelnik se bira neposredno na način i po postupku utvrđenim zakonom.

- (4) Gradonačelnik obavlja dužnost za vrijeme mandata na koji je izabran.
- (5) Gradonačelnik može podnijeti ostavku.
- (6) Gradonačelnik može biti opozvan.
- (7) Ako Gradonačelnik podnese ostavku, dužan je ostati na dužnosti do izbora novog Gradonačelnika.“

„Član 34. (Nadležnost Gradonačelnika)

- (1) Gradonačelnik kao nosilac izvršne vlasti u okviru samoupravnog djelokruga Grada, u okviru svoje nadležnosti:
1. predstavlja i zastupa Grad,
 2. osigurava izvršavanje odluka i drugih akata Gradskog vijeća i odgovoran je za njihovo provođenje,
 3. podnosi nacrt i prijedlog budžeta Grada Gradskom vijeću,
 4. odgovoran je za izvršavanje budžeta Grada,
 5. obavlja upravljački nadzor nad radom javnih ustanova i javnih preduzeća kojim je osnivač Grad, te im daje upute za rad,
 6. donosi akte iz svoje nadležnosti,
 7. predlaže odluke i druge akte Gradskom vijeću,
 8. obezbjeđuje izradu i Gradskom vijeću podnosi na usvajanje ekonomske, razvojne planove, investicione programe, prostorne i urbanističke planove i ostale planske i regulatorne dokumente koji se odnose na korištenje i upravljanje zemljištem, uključujući zoniranje i korištenje javnog zemljišta,
 9. provodi politiku Grada u skladu sa odlukama Gradskog vijeća,
 10. izvršava zakone i druge propise čije je izvršavanje povjereno Gradu,
 11. utvrđuje organizaciju Službi za upravu i drugih službi Grada,
 12. donosi Pravilnik o unutrašnjoj organizaciji Službi za upravu i drugih službi Grada,
 13. realizuje saradnju Grada sa drugim općinama, gradovima, međunarodnim i drugim organizacijama u skladu sa odlukama i zaključcima Gradskog vijeća i njegovih radnih tijela,
 14. podnosi izvještaj Gradskom vijeću o ostvarivanju politike Grada i svojim aktivnostima,
 15. postavlja državne službenike i namještenike i odlučuje o pitanjima iz radnog odnosa državnih službenika i namještenika u skladu sa zakonom,
 16. brine se o zakonitom i pravodobnom obavljanju poslova iz nadležnosti Službi za upravu i drugih službi Grada i poduzima mjere za osiguravanje njihovog efikasnijeg rada,
 17. sklapa ugovore i druge pravne poslove u skladu sa zakonom, Statutom Grada i odlukom Gradskog vijeća,
 18. brine se o urednom i pravilnom korištenju imovine i sredstava Grada,
 19. obavlja i druge poslove utvrđene zakonom, drugim propisima i Statutom Grada.
- (2) Gradonačelnik je odgovoran za ustavnost i zakonitost akata koje donosi, odnosno predlaže Gradskom vijeću.“

„Član 37. (Podjela nadležnosti)

- (1) Ako zakonom ili drugim propisom nije jasno određeno koji je organ nadležan za obavljanje poslova iz samoupravnog djelokruga Grada, svi poslovi i zadaci što se odnose na uređivanje odnosa iz samoupravnog djelokruga (normativne naravi) u nadležnosti su Gradskog vijeća, a svi izvršni poslovi i zadaci u nadležnosti su Gradonačelnika.
- (2) Ako se radi o izvršnim poslovima, a nije određena nadležnost za njihovo obavljanje, nadležana je služba koju ovlasti Gradonačelnik.“

„Član 38.

(Osnove programa i politike)

(1) U roku od tri mjeseca od konstituirajuće (prve) sjednice Gradskog vijeća, Gradonačelnik dostavlja Gradskom vijeću prijedlog koji sadrži osnove programa i politike koje treba ostvariti u toku mandata.

(2) Gradsko vijeće razmatra program iz prethodnog stava ovog člana, u roku od narednih 30 dana.

(3) Gradsko vijeće prati provođenje programa u okviru izvještaja o aktivnostima Gradonačelnika svake godine, najkasnije do 31. marta tekuće godine za prethodnu kalendarsku godinu.“

Član 38. u cijelosti brisan, tako da članovi od 38. - 151., postaju članovi od 37. do 150.

„Član 48.

(Rukovođenje gradskim službama za upravu)

(1) Gradonačelnik rukovodi radom svih gradskih službi za upravu, stručnih i drugih službi sa ovlaštenjima predviđenim Zakonom, ovim Statutom i drugim gradskim propisima.

(2) Gradonačelniku u rukovođenju gradskim organom državne službe pomažu rukovodeći državni službenici:

1. sekretar organa državne službe,

2. sekretar Gradskog vijeća i

3. pomoćnici Gradonačelnika službi za upravu gradskog organa državne službe.

(3) Sekretar organa državne službe, sekretar Gradskog vijeća i pomoćnici Gradonačelnika samostalni su u svom radu, a za svoj rad i korištenje finansijskih, materijalnih i ljudskih potencijala koji su im povjereni za obavljanje poslova u okviru djelokruga rada, odgovaraju Gradonačelniku.

(4) Gradonačelnik može ovlastiti državnog službenika, da donosi ili potpisuje pojedinačne akte vezane za obavljanje upravnih, stručnih i drugih poslova iz nadležnosti u skladu sa zakonom, ovim Statutom ili propisom Gradskog vijeća.

(5) U slučaju iz stava (4) ovog člana, Gradonačelnik je dužan donijeti pisano rješenje.“

„Član 53.

(Javne ustanove)

(1) Gradsko vijeće svojom odlukom osniva, ukida i vrši druge statusne promjene javnih ustanova, kada ocijeni da za to postoji javni interes i pravni osnov.

(2) Gradsko vijeće može prenijeti prava i obaveze osnivača na drugo pravno lice posebnom odlukom kojom se uređuje način zaštite prava korisnika usluga i druga pitanja od značaja za promjenu osnivača.“

„Član 54.

(Javna preduzeća)

(1) Gradsko vijeće svojom odlukom osniva, ukida i vrši druge statusne promjene javnih preduzeća, u oblasti komunalnih djelatnosti koja su obavezna da osiguraju trajno i kvalitetno obavljanje tih djelatnosti i za održavanje komunalnih objekata i uređaja, a naročito djelatnosti: opskrba pitkom vodom, odvodnja i prečišćavanje otpadnih voda, prikupljanje i odvoz smeća i čišćenje javnih i zelenih površina, uređivanje i održavanje groblja uređivanje i rad gradskih tržnica, obavljanje dimnjačarskih djelatnosti i druge djelatnosti u skladu sa zakonom.

(2) Posebnom odlukom mogu se odrediti i druge djelatnosti koje su pod uvjetima određenim zakonom od javnog društvenog interesa ili Gradsko vijeće ocijeni da su od posebnog interesa za Grad.“

„Član 61.

(Inicijativa za osnivanje mjesnih zajednica)

(1) Inicijativa za osnivanje mjesne zajednice dostavlja se Gradskom vijeću u pisanom obliku sa podacima o nazivu, sjedištu, teritoriji, mjesna područja mjesne zajednice, granice obuhvata sa detaljnim obrazloženjem u pogledu područja za koje se predlaže osnivanje mjesne zajednice, načinu osnivanja i razlogu zbog kojih se predlaže osnivanje.

(2) Gradsko vijeće će u roku od 60 dana zauzeti stav o inicijativi za osnivanje mjesne zajednice.

(3) U postupku po pokrenutoj inicijativi za osnivanje mjesne zajednice razmatra se da li postoje uslovi da se u mjesnoj zajednici čije se osnivanje predlaže mogu obezbijediti uslovi da građani samostalno odlučuju o ostvarivanju svojih zajedničkih interesa i potreba i o njihovom solidarnom zadovoljavanju u oblastima uređivanja naselja, stanovanja, komunalnih djelatnosti, dječije i socijalne zaštite, zdravstvene zaštite, obrazovanja, kulture, fizičke kulture, tehničke kulture, stvaralaštva, zaštite i unapređenja čovjekove okoline i drugim oblastima života i rada građana.“

„Član 62.

(Odlučivanje o inicijativi za osnivanje mjesnih zajednica)

(1) Ako Gradsko vijeće prihvata inicijativu, donosi akt o prihvatanju inicijative i zadužit će nadležnu službu Grada da pripremi prijedlog odluke o osnivanju mjesne zajednice.

(2) Odlukom o osnivanju mjesne zajednice utvrđuju se naziv, sjedište, teritorija, mjesna područja mjesne zajednice, granice obuhvata, ime i prezime ovlaštenog lica za podnošenje prijave za upis mjesne zajednice u registar mjesnih zajednica i druga pitanja u vezi sa ostvarivanjem mjesne samouprave.“

„Član 69.

(Opće odredbe)

(1) Organi mjesne zajednice imaju ovlaštenja i odgovornosti utvrđene statutom mjesne zajednice.

(2) Organi mjesne zajednice mogu davati inicijative o pitanjima iz nadležnosti mjesne zajednice, Grada Zavidovići i institucija koje vrše javna ovlaštenja.“

„Član 76.

(Mandat članova savjeta mjesne zajednice)

(1) Mandat članova savjeta mjesne zajednice traje četiri godine.

(2) Broj članova savjeta mjesne zajednice utvrđuje se statutom mjesne zajednice, prema broju građana upisanih u centralni birački spisak na području mjesne zajednice, s tim da svako mjesno područje ili više manjih naselja u savjetu mjesne zajednice mora biti adekvatno zastupljeno što će biti utvrđeno statutom mjesne zajednice.“

„Član 78.

(Prestanak mandata)

(1) Članu savjeta mjesne zajednice prestaje mandat:

1. istekom vremena na koje je biran,
2. smrću,
3. preseljenjem na područje druge mjesne zajednice,

4. ako je pravosnažnom sudskom presudom osuđen na kaznu zatvora u trajanju od 6 mjeseci ili duže,

5. ako je pravosnažnom sudskom presudom lišen poslovne sposobnosti,

6. ostavkom,

7. opozivom.

(2) Ako članu savjeta mjesne zajednice mandat prestane prije vremena za koje je biran, Gradsko vijeće će svojom odlukom dodijeliti mandat slijedećem kandidatu koji je dobio najveći broj glasova nakon provedenih izbora za savjet mjesne zajednice.“

„Član 81.

(Odnos savjeta mjesne zajednice i Gradskog vijeća)

Savjet mjesne zajednice za svoj rad odgovara Gradskom vijeću i u tom cilju obavezno mu podnosi godišnji izvještaj o radu i finansijski izvještaj.“

„Član 83.

(Opoziv predsjednika i članova savjeta mjesne zajednice)

Predsjednik savjeta mjesne zajednice i član savjeta može biti opozvan po postupku i na način utvrđen statutom mjesne zajednice.“

„Član 108.

(Imenovanje Zdravstvenog savjeta)

Zdravstveni savjet imenuje Gradonačelnik na osnovu javnog poziva, na period od 4 (četiri) godine.

Kandidat za člana Zdravstvenog savjeta treba da ispunjava slijedeće uslove:

- da je punoljetan državljanin Bosne i Hercegovine (dokaz o državljanstvu ne starije od šest mjeseci),

- da ima minimalno tri godine iskustva u instituciji, ustanovi, udruženju, nevladinoj organizaciji ili zdravstvenom sindikatu ispred kojeg se kandiduje (dokaz: potvrda izdata od strane institucije, ustanove, udruženja, nevladine organizacije, sindikata), izuzev kandidata za predstavnika pacijenata sa područja lokalne zajednice i predstavnika mladih sa područja lokalne zajednice,

- da uživa ugled i ima evidentne rezultate rada u oblasti u kojoj djeluje (dokaz: potvrda izdata od strane institucije, ustanove, udruženja, nevladine organizacije, sindikata),

- da ima prebivalište na području Grada Zavidovići (dokaz: obrazac o prijavi prebivališta),

- da nije stariji od 35 godina – samo za predstavnika mladih sa područja Grada (dokaz: izvod iz matične knjige rođenih).

Prilikom imenovanja članova Zdravstvenog savjeta poštivat će se princip ravnopravne zastupljenosti oba pola.

Zdravstveni savjet ima pravo na naknadu za svoj rad u skladu sa odlukom Gradonačelnika.“

RAZLOZI DONOŠENJA STATUTA

Općinsko vijeće Zavidovići, na 28. sjednici održanoj, dana 28.12.2018. godine donijelo je Odluku o proglašenju Grada Zavidovići („Službeni glasnik Općine Zavidovići”, broj: 11/2018) koja je upućena Parlamentu Federacije Bosne i Hercegovine na dalje postupanje.

Parlament Federacije Bosne i Hercegovine na sjednici Predstavničkog doma od 21.12.2021. godine i sjednici Doma naroda od 17.02.2022. godine donio je Ukaz o proglašenju Zakona o Gradu Zavidovići („Službene novine FBiH”, broj: 17/2022).

Članom 9. Zakona o Gradu Zavidovići, propisano je:

„Vijećnici izabrani na Općinskim izborima za Općinu Zavidovići održanim 2020. godine donijet će Privremenu Statutarnu Odluku Grada Zavidovići u roku od dva mjeseca od dana stupanja na snagu ovoga zakona, koja će važiti do donošenja Statuta Grada“.

Postupajući u skladu sa članom 9. Zakona o Gradu Zavidovići („Službene novine FBiH“, broj: 17/2022), Općinsko vijeće Zavidovići, na 15. sjednici održanoj, dana 31.03.2022. godine donijelo je Privremenu Statutarnu Odluku Grada Zavidovići („Službeni glasnik Općine Zavidovići“, broj: 4/2022), koja će važiti do donošenja Statuta Grada Zavidovići.

Na osnovu člana 7. i 9. Zakona o Gradu Zavidovići („Službene novine Federacije Bosne i Hercegovine“, broj: 17/22), člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 127. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) Gradsko vijeće Zavidovići na 1. sjednici, održanoj dana 29.04.2022. godine, donijelo je Odluku o pristupanju izradi Statuta Grada Zavidovići („Službeni glasnik Grada Zavidovići“, broj: 1/2022).

Na osnovu člana 2. Odluku o pristupanju izradi Statuta Grada Zavidovići, Komisija za Statut i propise je utvrdila tekst Nacrta Statuta Grada Zavidovići, na 11. sjednici održanoj dana 16.10.2022. godine, 13. sjednici održanoj dana 14.12.2022. godine, 16. sjednica održana dana 15.02.2023. godine i 17. sjednici održanoj dana 20.02.2023. godine, koji dostavlja Gradskom vijeću Zavidovići na razmatranje, sa prijedlogom zaključka da se o istom provede javna rasprava u trajanju od 60 dana.

Gradsko vijeće Zavidovići na svojoj 12. sjednici održanoj dana 05.04.2023. godine, razmatralo je Nacrt Statuta Grada Zavidovići.

Nakon razmatranja predmetnog Nacrta Gradsko vijeće donijelo je Zaključak, broj: 01-04-2940/22-AP-13 od 05.04.2023. godine, kojim prihvata Nacrt Statuta Grada Zavidovići i isti upućuje u javnu raspravu.

Nacrt Statuta Grada Zavidovići, upućen je u javnu raspravu u trajanju od 60 dana, a za provođenje javne rasprave zadužena je Komisije za Statut i propise. Javna rasprava trajala je od 05.04.2023. godine do 05.06.2023. godine.

Javna rasprava po Nacrtu Statuta Grada Zavidovići, provedena je tako što je isti dostavljen svim zainteresovanim fizičkim i pravnim licima na području Grada Zavidovići, te su isti bili pozvani da svoje prijedloge, mišljenja i sugestije, dostave Gradu Zavidovići od 05.04.2023. godine do 05.06.2023. godine.

Javna rasprava je održana dana 09.05.2023. godine sa početkom u 15.30 sati. O terminu javne rasprave obaviješteni su svi vijećnici putem e-maila. Na javnoj raspravi prisustvovali su Keserović Ramiz, predsjednik Savjeta Mjesne zajednice „Krivaja“, Momković Salih član Savjeta Mjesne zajednice „Krivaja“, Hašim Abidović, predsjednik Savjeta Mjesne zajednice „Asim Čamdžić“, Čašif Hasančić ispred udruženja JUDB '92.-'95. Zavidovići, Šemso Saletović i Redžo Seferović.

Do isteka javne rasprave, na adresu Grada Zavidovići dostavljeni su pisani prijedlozi na Nacrt Statuta Grada Zavidovići i to prijedlog: Šemse Saletovića, Šemse Fehrića, Hajrudina Katardžića, Čašifa Hasančića, Gradonačelnika Zavidovići, Službe za upravu društvenih, djelatnosti pitanja boraca i opću upravu.

Komisija za Statut i propise na 26. sjednici održanoj dana 13.07.2023. godine, na 28. sjednici održanoj dana 24.07.2023. godine, 32. sjednici održanoj dana 03.10.2023. godine, i 35. sjednici održanoj dana 26.10.2023. godine, sumirala je javnu raspravu i utvrdila Prijedlog Statuta Grada Zavidovići.

U prilogu Prijedloga Statuta Grada Zavidovići dostavljamo Izvještaj o sumiranoj javnoj raspravi sa prilogima (pisani prijedlozi, mišljenja i sugestije zaprimljeni u toku javne rasprave).

Komisija za Statut i propise upućuje Prijedlog Statuta Grada Zavidovići, Gradskom vijeću Zavidovići u dalju proceduru.

Slijedeći principe iz Evropske povelje o lokalnoj samoupravi, ovim Statutom se u skladu sa Ustavom i Zakonom, uređuju slijedeća pitanja:

Poglavlje II - (Statusna obilježja Grada) - članovi od 4. do 11. sadrže naziv i sjedište Grada, teritoriju Grada, granice područja Grada, grb, zastavu Grada, pečat Grada, službene jezike, značajne datume i javna priznanja Grada.

Poglavlje IV - (Organi Grada) - članovi od 15. do 35. sadrže uopštene odredbe o organima Grada Zavidovići, ovlaštenja i obaveze:

- 2. Gradonačelnik (opće odredbe, opoziv, zamjena, nadležnost i radnopравни status Gradonačelnika).

Poglavlje VI - (Organizacija Gradske uprave) - članovi od 43. do 50. sadrže opće odredbe, organizaciju gradskih službi za upravo, okvir djelovanja gradskih službi za upravo, Pravilnik o unutrašnjoj organizaciji, stručne, tehničke i druge službe, rukovođenje gradskim službama, sredstva za rad, plaće i naknade, javnost rada gradskih službi za upravo.

Poglavlje VIII – (Mjesna samouprava) članovi od 56. do 86. sadrže opće odredbe, osnivanje mjesne zajednice, postupak osnivanja mjesne zajednice, osnivački odbor mjesne zajednice, inicijativu za osnivanje mjesne zajednice, odlučivanje o inicijativi za osnivanje mjesne zajednice, izdvajanje, pravno svojstvo, Statut mjesne zajednice, poslovi od značaja za mjesnu zajednicu, prenošenje poslova na mjesnu zajednicu, organi mjesne zajednice, odlučivanje u mjesnoj zajednici, Savjet mjesne zajednice, obavezno konsultovanje savjeta mjesne zajednice, izbor savjeta mjesne zajednice, potvrđivanje rezultata izbora, kandidacioni postupak, mandat članova savjeta mjesne zajednice, broj članova savjeta mjesne zajednice, prestanak mandata, nadležnost savjeta mjesne zajednice, način rada savjeta mjesne zajednice, odnos savjeta mjesne zajednice i Gradskog vijeća, predsjednik savjeta mjesne zajednice (izbor predsjednika i zamjenika predsjednika savjeta mjesne zajednice, opoziv predsjednika i članova savjeta mjesne zajednice, prava i dužnosti predsjednika savjeta mjesne zajednice. status predsjednika i članova savjeta, sazivanje zbora, sredstva za rad mjesne zajednice, nadzor nad radom mjesnih zajednica).

Poglavlje IX - (Neposredno učešće građana u odlučivanju i izjašnjavanju građana o pitanjima iz samoupravnog djelokruga grada) - članovi od 88. i 103. sadrže odredbe o oblicima neposrednog učešća građana, referendum (određenje referenduma, pokretanje procedure, odluka o raspisivanju referenduma), zbor građana (određenje zbora građana, pravo učešća, sazivanje zbora građana, rad zbora građana, odlučivanje zbora građana, odluke zbora građana), građanske inicijative (građanska inicijativa, odluka o građanskoj inicijativi), predstavke,

prigovori i pritužbe građana, javna rasprava (vođenje javne rasprave), sati građana (neposredni susreti građana).

Poglavlje X - (Zdravstveni savjet) - članovi od 104. – 108. sadrže odredbe o Zdravstveanom savjetu.

Poglavlje XI – (Imovina i finansiranje Grada) - članovi od 109. do 121. sadrže odredbe o imovini i upravljanju imovinom, ovlaštenje za upravljanje imovinom, prihodi Grada, vrsta prihoda, prikupljanje sredstava građana, raspolaganje prihodima, budžet, donošenje budžeta, odluka o privremenom finansiranju, proglašenje budžeta, arbitraža, izvršenje budžeta, zaduženje Grada.

Poglavlje XII – (Propisi i drugi akti Grada) - članovi od 122. do 126. sadrže odredbe o aktima Gradskog vijeća, akti Gradonačelnika, pravo žalbe na akte Gradonačelnika, objavljivanje općih i drugih akata, Službeni glasnik Grada Zavidovići.

Poglavlje XIII - (Donošenje i promjene Statuta Grada) - članovi od 127. do 133. sadrže odredbe o pokretanju postupka, izradi Statuta Grada, promjena Statuta Grad, prijedlog za promjenu Statuta Grada, rasprava o promjeni Statuta Grada, Statutarna Odluka, usvajanje Statuta Grada.

Poglavlje XIV - (Javnost rada i informisanje) - članovi od 134. do 137. sadrže odredbe o javnosti rada, informisanje javnosti, transparentan rad, zaštita ličnih podataka i podataka od posebnog značaja.

Poglavlje XV - (Odnos Grada i građana) - članovi od 138. do 139. sadrže odredbe o ostvarivanju zajamčenih prava i pristup informacijama.

Poglavlje XVI - (Odnos i saradnja sa federalnim i kantonalnim vlastima) - članovi od 140. do 142. sadrži opće odredbe, saradnja sa kantonalnim organima vlasti, saradnja sa federalnim organima vlasti.

Poglavlje XVII - (Udruživanje i saradnja sa drugim gradovima i općinama u zemlji i inostranstvu) - članovi od 143. do 145. sadrže odredbe o saradnji sa drugim gradovima i općinama, sporazum o saradnji, uspostavljanje prijateljskih odnosa.

Poglavlje XVIII – (Prelazne i završne odredbe) - članovi od 146. do 150. sadrže odredbe o primjeni gradskih propisa, usklađivanju gradskih propisa, gramatička terminologija, prelazne odredbe, završne odredbe.

FINANSIJSKA SREDSTVA

Za provođenje postupka donošenja Statuta Grada Zavidovići planirana su sredstva u Budžetu Grada Zavidovići za 2023. godinu.

PREDSJEDNICA KOMISIJE
ZA STATUT I PROPISE

Zerina Husić, dipl. pravnik



S A D R Ž A J

Strana

I - OPĆE ODREDBE.....	2
II - STATUSNA OBILJEŽJA GRADA.....	2
III - SAMOUPRAVNI DJELOKRUG.....	4
IV - ORGANI GRADA.....	6
1. Gradsko vijeće.....	6
2. Gradonačelnik.....	10
V - MEĐUSOBNI ODNOSI GRADSKOG VIJEĆA I GRADONAČELNIKA.....	11
VI - ORGANIZACIJA GRADSKJE UPRAVE.....	13
VII - JAVNE SLUŽBE.....	14
VIII - MJESNA SAMOUPRAVA.....	15
1. Organi mjesne zajednice.....	17
1.1. Savjet mjesne zajednice.....	18
1.2. Predsjednik savjeta mjesne zajednice.....	20
IX - NEPOSREDNO UČEŠĆE GRAĐANA U ODLUČIVANJU I IZJAŠNJAVANJU GRAĐANA O PITANJIMA IZ SAMOUPRAVNOG DJELOKRUGA GRADA.....	21
1. Referendum.....	22
2. Zbor građana.....	22
3. Građanska inicijativa.....	24
4. Predstavke, prigovori i pritužbe građana.....	24
5. Javna rasprava.....	25
6. Sati građana i drugi oblici neposrednog sudjelovanja građana u odlučivanju i izjašnjavanju.....	25
X - ZDRAVSTVENI SAVJET GRADA.....	25
XI - IMOVINA I FINANSIRANJE GRADA.....	27
XII - PROPISI I DRUGI AKTI GRADA.....	29
XIII - DONOŠENJE I PROMJENA STATUTA GRADA.....	30
XIV - JAVNOST RADA I INFORMISANJE.....	31
XV - ODNOS GRADA I GRAĐANA.....	31
XVI - ODNOS I SARADNJA SA FEDERALNIM I KANTONALNIM VLASTIMA.....	32
XVII - UDRUŽIVANJE I SARADNJA SA DRUGIM GRADOVIMA I OPĆINAMA U ZEMLJI I INOSTRANSTVU.....	32
XVIII - PRELAZNE I ZAVRŠNE ODREDBE.....	33

postojeći Statut to definisano, ali niko to ne poštuje. Morat ćemo ovo na neki način riješiti, pa stoga predlažem da se poduzmu neke mjere.“

IZJAŠNJENJE KOMISIJE:

Komisija za Statut i propise smatra da pitanje sankcija za nedostavljanje i neblagovremeno dostavljanje odgovora na vijećnička pitanja nije statutarna materija.

Zakon o principima lokalne samouprave u FBiH, u članu 16. jasno propisuje: „Međusobni odnos vijeća i načelnika/ca zasnivaju se na principima međusobnog uvažavanja i saradanje, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje jedinice lokalne samouprave.“

Primjedbe na poglavlje VIII –MJESNA SAMOUPRAVA: „Kad je u pitanju poglavlja 8 - Mjesna samouprava, pozdravio bih određene promjene i dao bih određene prijedloge za dopunu članova, kad je u pitanju član 78. Prestanak mandata članu Savjeta mjesne zajednice, dodano je opće opoziva, nije definisano šta je u pitanju, ali evo, pozdravljam svakako taj problem. Pretpostavljam da će se ovo na neki način Statutom Mjesne zajednice definisati u smislu šta je to opoziv, ali ja predlažem, evo ako, ne bi bilo loše da i kroz Nacrt Statuta Grada Zavidovići regulišemo opciju opoziva, u smislu da opoziv, da ingerenciju opoziva damo samo zboru građana, a ne nikako Savjetu mjesne zajednice. To je jedna opaska, a druga je da, takode član 78. stav 2. ovog člana treba dopuniti u smislu sljedećeg. Naime, ovaj stav kaže da ako članu Savjeta mjese zajednice prestane mandat prije vremena za koji je biran, Gradsko vijeće će svojom odlukom dodijeliti mandat sljedećem kandidatu koji je dobio najveći broj glasova nakon provedenih izbora za Savjet mjesne zajednice. Ovdje ponovo nije doneseno rješenje za problem koji sam i prethodni put, na raspravama kad smo imali izvještaj Mjesnih zajednica, jeste to da imamo liste unutar Savjeta mjesnih zajednica koje su donijele samo po jednog kandidata i kada prestane mandat tom članu mjesne zajednice, ne može se popuniti sljedeći kandidat, je li novi član Mjesne zajednice, jer niko iza njega ne dolazi, nije se niko prijavio. Pa iz tog razloga trebamo to definisati, ponovo vratiti, znači ingerencije dati zboru građana, pa ja sam nekako to i definisao: "Ukoliko nakon prestanka mandata članu Savjeta mjesne zajednice na listi iza njega nema drugih kandidata o dodjeli mandata odlučivat će zbor mještana, građana naseljenog mjesta iz kojeg je izbornim procesom došao član Savjeta kojem je prestao mandat.“ Eto toliko, kratko. Evo nadam se da će ovo biti sastavni dio javne rasprave i da će na neki način polučiti rezultatu.

IZJAŠNJENJE KOMISIJE:

Komisija za Statut i propise prihvata prijedlog vijećnika Harisa Hodžića da se u članu 78. stav (1) Nacrta Statuta Grada Zavidovići, briše tačka 7. koja glasi „7. opozivom“.

Komisija za Statut i propise smatra da se primjedba na član 78. stav (2) Nacrta Statuta Grada Zavidovići treba riješiti kroz primjenu člana 74. Prijedloga Statuta Grada Zavidovići (kandidacioni postupak).

Diskusija - vijećnik Imamović Armin: Komisije za Statut i propise nije uočila konkretne prijedloge.

Diskusija - vijećnik Bošnjaković Hakija: Komisije za Statut i propise nije uočila konkretne prijedloge.

Diskusija - vijećnik Šemso Fehrić:

IZJAŠNJENJE KOMISIJE:

Komisije za Statut i propise nije uočila konkretne prijedloge.

Pitanja organizacije mjesnih zajednica na području Grada Zavidovići treba regulistai posebnom odlukom Gradskog vijeća Zavidovići. (Na snazi je Odluka o osnivanju, organizaciji i

funkcionisanju mjesnih zajednica na području općine Zavidovići („Službeni glasnik Općine Zavidovići“, broj: 8/04 – prečišćeni tekst i 1/05)).

Diskusija - vijećnik Zahid Avdičević: Komisije za Statut i propise nije uočila konkretne prijedloge.

Diskusija - vijećnik Džinić Hamdo: Komisije za Statut i propise nije uočila konkretne prijedloge.

STAVOVI PO PRIMJEDBAMA, PRIJEDLOZIMA I MIŠLJENJIMA IZNESENIM NA JAVNOJ RASPRAVI ODRŽANOJ DANA 09.05.2023. godine

Šemso Saletović – Prijedlog na član 148. stav (2), poslije riječi „Statut“ umjesto tačke staviti zarez i dodati: „i da se donese odluka o broju članova naseljenih područja (mjesnih podružnica), po kriterijima broj birača upisanih u Centralni birački spisak“.

IZJAŠNJENJE KOMISIJE:

Komisije za Statut i propise ne prihvata prijedlog da se član 148. stav (2) Nacrta Statuta Grada Zavidovići, dopuni tekstem: „i da se donese odluka o broju članova naseljenih područja (mjesnih podružnica), po kriterijima broj birača upisanih u Centralni birački spisak“.

Komisija za Statut i propise predlaže da se ovaj prijedlog unese u član 76. stav (2) Nacrta Statuta Grada, tako da se prije tačke na kraju rečenice upiše tekst „na osnovu broja građana upisanih u centralni birački spisak“.

Primjedba Saletović Šemse se djelimično uvažava na način da se u članu 76. stav (2) Nacrta Statuta Grada Zavidovići unese tekst prije tačke „na osnovu broja građana upisanih u centralni birački spisak“

Salih Momković, član Savjeta MZ „Krivaja“ - Nije bilo konkretnih prijedloga na Nacrt Statuta Grada Zavidovići.

Ramiz Keserović, predsjednik MZ „Krivaja“ - Nije bilo konkretnih prijedloga na Nacrt Statuta Grada Zavidovići.

Hašim Abidović, predsjednik MZ „Asim Čamdžić“ - Nije bilo konkretnih prijedloga na Nacrt Statuta Grada Zavidovići.

Redžo Seferović – Izrazio pozitivan stav vezano za član 17. stav (4) i (5) Nacrta Statuta Grada Zavidovića. Nije bilo konkretnih prijedloga na Nacrt Statuta Grada Zavidovići.

Jedinstveno udruženje demobilisanih boraca - primjedba na član 17. stav (3) – Nacrta Statuta Grada Zavidovići, izmjena broja vijećnika sa 29 na 21 vijećnik.

IZJAŠNJENJE KOMISIJE:

Komisija za Statut i propise jednoglasno je zauzela stav da se ne izjašnjava po prijedlozima za smanjenje broja vijećnika i da o tome odluči Gradsko vijeće.

Komisija za Statut i propise konstatuje da konkretan prijedlog za smanjenje broja vijećnika sa 29 na 21 vijećnik, nije u skladu sa članu 13.2 stav (1) tačka 3) Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), koji glasi:

„Član 13.2

Broj članova općinskog vijeća, odnosno skupštine općine je sljedeći:

1) između 11 i 17 članova, za općine sa brojem birača registrovanih u Centralni birački spisak manjim od 8.000;

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Komisija za Statut i propse
Broj: 01-04-2940/22-AP-25
Datum: 26.10.2023. godine



GRADSKO VIJEĆE ZAVIDOVIĆI
Predsjedavajući, Admir Fojnica, prof.

PREDMET: Izvještaj o provedenoj javnoj raspravi po Nacrtu Statuta Grada Zavidovići

Gradsko vijeće Zavidovići na 12. sjednici održanoj dana 05.04.2023. godine, razmatralo je Nacrt Statuta Grada Zavidovići.

Nakon razmatranja predmetnog Nacrta Gradsko vijeće donijelo je Zaključak, broj: 01-04-2940/22-AP-13 od 05.04.2023. godine, kojim prihvata Nacrt Statuta Grada Zavidovići i isti upućuje u javnu raspravu.

Nacrt Statuta Grada Zavidovići upućen je u javnu raspravu u trajanju od 60 dana, a za provođenje javne rasprave zadužena je Komisija za Statut i propise. Javna rasprava trajala je od 05.04.2023. godine do 05.06.2023. godine.

Javna rasprava po Nacrtu Statuta Grada Zavidovići provedena je tako što je isti dostavljen svim zainteresovanim fizičkim i pravnim licima na području Grada Zavidovići, te su isti bili pozvani da svoje prijedloge, mišljenja i sugestije, dostave Gradu Zavidovići od 05.04.2023. godine do 05.06.2023. godine.

Javna rasprava je održana dana 09.05.2023. godine sa početkom u 16.00 sati. Na javnoj raspravi prisustvovali su Keserović Ramiz predsjednik Savjeta Mjesne zajednice „Krivaja“ i Momković Salih član Savjeta Mjesne zajednice „Krivaja“, Hašim Abidović, predsjednik Mjesne zajednice „Asim Čamdžić“, Šemso Saletović, Čašif Hasančić ispred udruženja JUDB '92.-'95. Zavidovići i Redžo Seferović.

Do isteka javne rasprave, na adresu Grada Zavidovići dostavljeni su pisani prijedlozi na Nacrt Statuta Grada Zavidovići i to prijedlog: Šemse Saletovića, Čašifa Hasančića ispred udruženja JUDB '92.-'95. Zavidovići, samostalni vijećnik Šemso Fehrić, Hajrudina Katardžića.

Komisija za Statut i propise na 26. sjednici održanoj dana 13.07.2023. godine, na 28. sjednici održanoj dana 24.07.2023. godine, 32. sjednici održanoj dana 03.10.2023. godine i 35. sjednici održanoj dana 26.10.2023. godine, sumirala je javnu raspravu i utvrdila Prijedlog Statuta Grada Zavidovići.

STAVOVI PO PRIMJEDBAMA, PRIJEDLOZIMA I MIŠLJENJIMA IZNESENIM NA RASPRAVI SA 12. SJEDNICE GRADSKOG VIJEĆA ODRŽANE DANA 13.07.2023. godine

Stavovi po primjedbama, prijedlozima i mišljenjima iznesenim na raspravi sa 12. sjednice Gradskog vijeća održane dana 13.07.2023. godine.

Učešće u raspravi uzeli su: vijećnici Igor Šimšić, Ferid Kaknjašević, Haris Hodžić, Imamović Armin, Bošnjaković Hakija, Šemso Fehrić, Zahid Avdičević, Hamdo Džinić.

U raspravi su učestvovali Hašim Majanović - Gradonačelnik, Samira Pinić - sekretar Gradskog vijeća, Idriz Alihodžić - pomoćnik gradonačelnika službe za upravu društvenih djelatnosti, pitanja boraca i opću upravu, Selma Džaferović - viši stručni saradnik za poslove mjesnih zajednica.

Diskusija vijećnik Igor Šimšić: „Odredbe člana 17., Opšte odredbe koja govori o Gradskom vijeću, o brojnosti vijećnika i o ovom stavu 4. o nacionalnim manjinama. Sad postaviti pitanje da li se ovdje odnosi na popis iz 2013., je li to zaključena priča o popisu iz 2013.? Jeste. Oke. Dalje, stav (5): Ukoliko se ne može izvršiti dodjela mandata, oke i tu se slažem da ova sadržina treba stajati, međutim, mi trebamo poznavati kako se vrši formiranje sa liste nacionalnih manjina i smatram da možda ovaj stav neće ni trebati, jer će biti izabrani u svakom slučaju. Znači, jednostavno ne postoji ni neka teorijska mogućnost da neće, one su odvojene liste, to ste upoznati sa svim. Znači, da bi se prihvatila, mora biti bilo ko iz nacionalne manjine, znači, jedan glas tog istog čovjeka, možda ovaj stav (5) može da se briše.“

IZJAŠNJENJE KOMISIJE:

Komisija za Statut i propise prihvata prijedlog vijećnika Igora Šimšića da se član 17. stav (5) Nacrta Statuta Grada Zavidovići, briše, a shodno članu 13.14 stav (2) Izbornog zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22).

Primjedba na član 31. Nacrta Statuta Grada Zavidovići: „Člana 31. takođe u poglavlju Gradonačelnika i što ste govorili o stavu (7) da Gradonačelnik podnese ostavku dužan je ostati do na dužnosti do izbora novog Gradonačelnika, mislim da dolazi u koliziju sa članom 33. i naročito ovdje u slučaju prestanka mandata iz razloga propisanih zakonom. Tamo zakon ne govori to, da može, da, da je u obavezi, a ovdje piše dužan je ostati, znači tu ne može baš tako, tu možda da razmišljamo.

IZJAŠNJENJE KOMISIJE:

Prijedlog vijećnika Igora Šimšića da se u članu 31. stav (7) Nacrta Statuta Grada Zavidovići, briše, u skladu sa članom 5. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine („Službene novine Federacije BiH“, broj: 19/2008), Komisija za Statut i propise smatra osnovanim i prihvata da se u članu 31. stav (7) briše.

Primjedba na član 25. stav (6) Nacrta Statuta Grada Zavidovići: „Prijedlog na član 25. stav (6) Nacrta Statuta Grada Zavidovići, dopuni sa tekстом :“ u skladu sa našim Statutom“.

IZJAŠNJENJE KOMISIJE:

Komisija za Statut i propise ne prihvata prijedlog vijećnika Igora Šimšića da se članu 25. stav (6) Nacrta Statuta Grada Zavidovići, dopuni sa tekстом :“ u skladu sa našim Statutom“.

U Ustavu Federacije BiH, poglavlju VI – OPĆINSKA VLAST, član 3. stav (5) glasi: „(5) Općinski načelnik i predsjedavajući općinskog vijeća u općinama ili općinskim vijećima višenacionalnog sastava ne mogu biti iz reda istog konstitutivnog naroda odnosno iz reda ostalih, izuzev u onim općinama u kojima jedan konstitutivni narod čini više od 80% stanovnika, prema posljednjem popisu stanovništva u Bosni i Hercegovini“, jasno propisana odredba koja se primjenjuje na izbor predsjedavajućeg Gradskog vijeća.

Diskusija - vijećnik Ferid Kaknjašević:

IZJAŠNJENJE KOMISIJE:

Komisija za Statut i propise nije uočila konkretne prijedloge.

Diskusija - vijećnik Haris Hodžić: „Prijedlog da se kroz, evo, Statut ako može i neka sankcija uvede ili da se na neki način to riješi. Jer nema, ja ne vidim rezultat toga, evo imamo i kroz

2) između 17 i 25 članova, za općine sa brojem birača registrovanih u Centralni birački spisak između 8.000 i 20.000 i

3) između 25 i 31 člana, za općine sa brojem birača registrovanih u Centralni birački spisak većim od 20.000.“

Pisani prijedlozi samostalnog vijećnika Šemse Fehrića – „Prijedlog da se član 23. stav (2) Nacrta Statuta Grada Zavidovići, dopuni tekstem, koji glasi: **(radio i videoprenosom putem lokalnih medijskih kuća ili putem društvenih mreža)**, pa bi član 23. Nacrta Statuta Grada Zavidovići, glasio:

„Član 23. (Javnost rada)

- (1) Rad Gradskog vijeća je javan.
- (2) Javnost rada Gradskog vijeća obezbjeđuje se prenosom Gradskog vijeća putem sredstava javnog informisanja **(radio i videoprenosom putem lokalnih medijskih kuća ili putem društvenih mreža)** i u skladu sa tehničkim mogućnostima.
- (3) Izuzetno, Gradsko vijeće može odlučiti da određena pitanja razmatra bez prisustva javnosti.“

IZJAŠNJENJE KOMISIJE:

Komisija za Statut i propise smatra da predložena dopuna člana 23. stav (2) riječima: „(radio i videoprenosa putem lokalnih medijskih kuća ili putem društvenih mreža)“ neprihvatljiva obzirom da se isti precizira i razrađuje u Poslovniku o radu Gradskog vijeća. Nije statutarna materija.

Prijedlog na član 17. stav (3) Nacrta Statuta Grada Zavidovići, predlaže da se izmijeni u pogledu broja vijećnika (predlaže 27 vijećnika), te bi ovaj član glasio:

„Član 17. (Opće odredbe)

- (1) Gradsko vijeće je predstavnički organ građana Grada i organ lokalne samouprave izabran na temelju općeg biračkog prava na neposrednim izborima tajnim glasanjem na način određen Izbornim zakonom Bosne i Hercegovine.
- (2) Gradsko vijeće donosi opće akte i druge akte u okviru samoupravnog djelokruga Grada te obavlja druge poslove u skladu sa ustavom, zakonom i Statutom Grada.
- (3) Gradsko vijeće ima dvadeset devet (29) vijećnika vijeća.
(možda ići na smanjenje članova Gradskog vijeća na 27)
- (4) Nacionalne manjine na području Grada zastupljene su sa jednim (1) mjestom u sastavu Gradskog vijeća
- (5) Ukoliko se ne može izvršiti dodjela mandata pripadnicima nacionalnih manjina na osnovu izbornog rezultata, taj mandat ostaje upraznjen. **(mora biti neparan broj vijećnika).**“

IZJAŠNJENJE KOMISIJE:

Komisija za Statut i propise jednoglasno je zauzela stav da se ne izjašnjava po prijedlozima za smanjenje broja vijećnika i da o tome odluči Gradsko vijeće.

Predlaže dopunu člana 28. stav (1) Nacrta Statuta Grada Zavidovići, kako slijedi:

„Član 28. (Klubovi vijećnika)

- (1) Vijećnici mogu obrazovati klubove vijećnika političkih stranaka koje participiraju u Gradskom vijeću, **klubove samostalnih vijećnika**, kao i **klubove** koalicija i nezavisnih

kandidata radi olakšavanja i efikasnijeg rada Gradskog vijeća i unapređenja međustranačke i parlamentarne saradnje.

- (2) Obrazovanje, zadaci i način rada klubova vijećnika detaljnije se uređuju Poslovníkom Gradskog vijeća

IZJAŠNJENJE KOMISIJE:

Stav Komisije za Statut i propise ne prihvati ovaj prijedlog, predlaže da se ovo pitanje uredi Poslovníkom o radu Gradskog vijeća Zavidovići.

Predlaže da se u članu 59. stav (2) Nacrta Statuta Grada Zavidovići, dopuni, i to:

„Član 59. (Postupak osnivanja mjesnih zajednica)

- (1) Mjesna zajednica se osniva na način i po postupku utvrđenim zakonom i Statutom Grada.
- (2) Inicijativu za osnivanje mjesne zajednice mogu pokrenuti građani i njihove organizacije i udruženja građana sa područja naseljenog mjesta na kojem imaju prebivalište, odnosno sjedište, klubovi vijećnika, **samostalni i nezavisni vijećnici** i Gradonačelnik.
- (3) Ako građani podnose inicijative, svojim potpisom mora istu podržati najmanje 100/0 birača upisanih u centralni birački spisak područja za koje se predlaže osnivanje mjesne zajednice.
- Osim podataka o podnosiocu inicijative za osnivanje mjesne zajednice, prijedlog sadrži podatke o:
- nazivu i sjedištu mjesne zajednice,
 - području naseljenog mjesta za koje se traži osnivanje mjesne zajednice,
 - granice obuhvata i
 - obrazložen razlog podnošenja inicijative.
- (4) Inicijativa za osnivanje mjesne zajednice razmatra se na zborovima građana na kojima građani i njihove organizacije i udruženja imaju prebivalište, odnosno sjedište, a ista je prihvaćena ako se za nju izjasni najmanje 10% birača upisanih u centralni birački spisak naselja za čije se područje predlaže osnivanje mjesne zajednice.
- (5) Inicijativa i odluka zbora građana o prihvatanju inicijative dostavlja se Gradskom vijeću.

IZJAŠNJENJE KOMISIJE:

Komisija ne prihvata prijedlog i ostaje kod teksta koji je ponuđen u Nacrtu Statuta Grada Zavidovići.

Predlaže da se član 63. Nacrta Statuta Grada Zavidovići, izmijeni i glasi:

„Član 63. (Izdvajanje)

Odluku o izdvajanju dijela mjesne zajednice i spajanje dijela mjesne zajednice sa drugom mjesnom zajednicom Gradsko vijeće donosi prostom većinom, a odlučivanje o spajanju kompletnih mjesnih zajednica vrši se na način i po postupku utvrđenom za osnivanje mjesne zajednice.“

IZJAŠNJENJE KOMISIJE:

Komisija za Statut i propise ne prihvata prijedlog izmijene člana 63. Nacrta Statuta Grada Zavidovići, obzirom da je isti nije u skladu sa članom 24. stav (2) Nacrta Statuta Grada Zavidovići.

Prijedlozi i sugestije Gradonačelnika na Nacrt Statuta Grada Zavidovići, akt broj: 02-45-6/23-AP-52 od 18.09.2023. godine.

Primjedbe na član 17. stav (3) Nacrta Statuta: „broj vijećnika Grada Zavidovići treba smanjiti sa 29 na 25 vijećnika, uz obrazloženje da zbog sadašnjeg broja stanovnika Grada Zavidovići broj vijećnika Gradskog vijeća Zavidovići treba da bude 25 vijećnika.“

IZJAŠNJENJE KOMISIJE:

Komisija za Statut i propise jednoglasno je zauzela stav da se ne izjašnjava po prijedlozima za smanjenje broja vijećnika i da o tome odluči Gradsko vijeće.

Primjedbe na član 17. stav (4) i (5): „Zastupljenost nacionalnih manjina u sastavu Gradskog vijeća Zavidovići nije zabranjena Nacrtom Statuta Grada Zavidovići, te smatram da to ne treba posebno isticati u članu 17. stav (4) i (5) Nacrta Statuta. Nacionalne manjine u Bosni i Hercegovini su ravnopravne sa konstitutivnim narodima Bosne i Hercegovine kad je u pitanju izborni proces u jedinicama lokalne samouprave. Nadalje sam mišljenja da ne treba ostaviti mogućnost da mjesto vijećnika predviđeno za nacionalne manjine ne bude popunjeno, zbog funkcionisanja Gradskog vijeća Zavidovići sa manjim brojem vijećnika u odnosu na propisani broj.“

IZJAŠNJENJE KOMISIJE:

Kad je u pitanju stav (4) i (5) člana 17. Komisija za Statut i propise, naknadno je pribavila podatke od Federalnog Zavoda za statistiku o zastupljenosti nacionalnih manjina u ukupnom broju stanovnika Grada Zavidovići prema popisu stanovništva iz 2013. godine, akt broj: 05-28-9-842-2/23 od 07.08.2023. godine. (prilog br. 2.)

Prema dostavljenim podacima, prema posljednjem popisu stanovništva iz 2013. godine, u odnosu na ukupan broj stanovništva nacionalne manjine su zastupljene sa 1,3% u Gradu Zavidovići.

Članom 13.14. stav (2) Izbornog zakona Bosne i Hercegovine, propisano je: „**(2) Broj pripadnika nacionalnih manjina koji se neposredno biraju u općinsko vijeće, odnosno skupštinu općine i gradsko vijeće, odnosno skupštinu grada utvrđuje se statutom općine, odnosno grada pri čemu se pripadnicima svih nacionalnih manjina, koji u ukupnom broju stanovništva te izborne jedinice, prema zadnjem popisu stanovništva, učestvuju sa više od 3%, garantira najmanje jedno mjesto.**“

Komisija za Statut i propise u skladu sa članom 13.14 stav (2) Izbornog zakona Bosne i Hercegovine prihvata u cijelosti navode iz prijedloga te se brišu odredne stava (4) i (5) člana 17. Nacrta Statuta Grada Zavidovići.

Primjedbe na poglavlje VIII – MJESNA SAMOUPRAVA: „Dio Nacrta Statuta Grada Zavidovići kojim se definiše mjesna samouprava ne odgovara sadašnjim trendovima koji postoje u ovoj oblasti. Gradonačelnik je u proteklom periodu putem nadležne Službe za upravu društvenih djelatnosti, pitanja boraca i opću upravu dostavljao prijedloge koji nisu uvaženi u Nacrtu Statuta Grada Zavidovići, te predlaže da isti bude prihvaćen u javnoj raspravi i ugrađeni u Prijedlog Statuta.“

IZJAŠNJENJE KOMISIJE:

Komisija za Statut i propise nije uočila konkretne prijedloga na Nacrt Statuta Grada Zavidovići.

Primjedbe na poglavlje X – ZDRAVSTVENI SAVJET: „Odredbe člana 105.-109. Nacrta Statuta Grada Zavidovići propisano je osnivanje i rad Zdravstvenog savjeta Grada Zavidovići, te je potrebno doraditi na način da se Prijedlogom Statuta samo propiše postojanje istog, a da se sva druga pitanja regulišu posebnom odlukom. Naime zbog potrebe da se ova oblast dodatno

normira u narednom periodu, kako bi rad Zdravstvenog savjeta bio što više svrsishodniji, bili bi suočeni da se vrlo često vrši izmjena i dopuna Statuta Grada Zavidovići zbog Zdravstvenog savjeta.“

IZJAŠNJENJE KOMISIJE:

Komisija za Statut i propise smatra da prijedlog nije u skladu sa članom 14. Zakonom o zdravstvenoj zaštiti Federacije Bosne i Hercegovine („Službene novine Federacije BiH“, broj: 46/2010 i 75/2013) i isti ne prihvata.

Član 14. Zakonom o zdravstvenoj zaštiti Federacije Bosne i Hercegovine („Službene novine Federacije BiH“, broj: 46/2010 i 75/2013), glasi:

„Član 14

Društvena briga za zdravlje na nivou općine obuhvata ocjenjivanje rada zdravstvenih ustanova i kvaliteta zdravstvenih usluga, kao i osiguranje finansijskih sredstava za unapređenje njihovog rada i kvaliteta zdravstvenih usluga u skladu sa potrebama stanovništva i mogućnostima jedinice lokalne samouprave u skladu sa posebnim zakonom o principima lokalne samouprave u Federaciji.

Društvena briga iz stava 1. ovog člana ostvaruje se osnivanjem zdravstvenog savjeta na nivou općine koji planira i evaluira provođenje zdravstvene zaštite na području jedinice lokalne samouprave, daje mišljenje na planove i programe zdravstvene zaštite za područje lokalne samouprave, predlaže mjere za poboljšanje dostupnosti i kvaliteta zdravstvene zaštite, prati povrede prava pacijenata i poduzima mjere za unapređenje tih prava na svom području, te obavlja i druge poslove i zadatke u skladu sa propisima o pravima, obavezama i odgovornostima pacijenata.

Broj članova zdravstvenog savjeta određuje se statutom općine.

U radu savjeta iz stava 2. ovog člana učestvuju, po pravilu, predstavnici jedinice lokalne samouprave, pacijenata, mladih, komora iz oblasti zdravstva, stručnih udruženja, udruženja za zaštitu prava pacijenata, sindikata, zdravstvenih ustanova odnosno privatnih praksi, crvenog križa sa područja jedinice lokalne samouprave.“

Pisani prijedlozi, mišljenja i sugestije Katardžić Hajrudina na Nacrt Statuta Grada Zavidovići

Uvod Statuta Grada Zavidovići

Primjedbe na uvod Nacrta Statuta Grada Zavidovići.

U uvodu Nacrta Statuta, pravni osnov donošenja navedeno je više pravnih akata. Smatram da ne treba navoditi toliko pravnih propisa kao osnov za donošenje Statuta. Dovoljno je navesti samo dva pravna osnova i to: Ustav FBiH u poglavlju VI - Općinske vlasti, član 4. stav 1. a), a ne član 2 stav 2. poglavlja VI. Predlažem da pravi osnov za donošenje Statuta Grada Zavidovići treba poglavlje VI Ustav FBiH, član 4 stav 1. a) koji reguliše da Općinsko vijeće priprema i dvotrećinskom većinom glasova usvaja Statut Općine. Osim toga, pravnog osnova u uvodu treba ostati i Zakon o principima lokalne samouprave u FBiH (član 13), koji samo potvrđuje ustavnu odredbu. Ostale pravne akte treba izostaviti u uvodu, a naznačiti ih prilikom pisanja obrazloženja, dajući na taj način jaču pravnu snagu i cilj donijetom aktu i Zakon o Gradu Zavidovići samo potvrđuje Ustavnu odredbu člana 4. stav 1. a) i člana 13. Zakona o principima lokalne samouprave u FBiH, te nije potrebno u uvodu to ponavljati.

IZJAŠNJENJE KOMISIJE ZA STATUT I PROPISE:

Djelimično se prihvata primjedba na Uvod Statuta Grada Zavidovići, na način da se u uvodu unese tekst: „VI Ustav FBiH, član 4 stav 1. a) koji reguliše da Općinsko vijeće priprema i dvotrećinskom većinom glasova usvaja Statut Općine“, umjesto člana VI (2). Ustava Federacije Bosne i Hercegovine“, brišu se riječi člana 70. i 75. Ustava Zeničko-dobojskog

kantona („Službene Federacije Bosne i Hercegovine“, broj: 7/96) i („Službene novine Zeničko-dobojskog kantona“, broj: 1/96, 10/00, 8/04 i 10/04)“, ostali tekst ostaje neizmijenjen.

Komisija djelimično prihvata navedenu primjedbu, obzirom da uspostava Grada Zavidovići ima pravno utemeljenje u članu 5. stav 2. Zakonom o principima lokalne samouprave u FBiH. Grad je uspostavljen Federalnim zakonom (Zakona o Gradu Zavidovići („Službene novine Federacije BiH“, broj: 17/22), tako da uvod Prijedloga Statuta Grada Zavidovići glasi:

„Na osnovu člana VI 4. stav (1.a) Ustava Federacije Bosne i Hercegovine („Službene novine Federacije Bosne i Hercegovine“, broj: 1/94, 13/97, 16/02, 22/02, 22/02, 52/02, 60/02, 18/03, 63/03, 9/04, 20/04, 33/04, 71/05, 72/05 i 88/08), člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 7. Zakona o Gradu Zavidovići („Službene novine Federacije Bosne i Hercegovine“, broj: 17/22), člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i člana 2. Odluke o pristupanju izradi Statuta Grada Zavidovići („Službeni glasnik Grada Zavidovići“, broj: 1/22), na prijedlog Komisije za Statut i propise, Gradsko vijeće Zavidovići, na __ sjednici, održanoj __. __. 2023. godine, donijelo je“

I – OPĆE ODREDBE

Primjedbe na član 1. Nacrta Statuta Grada Zavidovići

U članu 1. propisano je šta je predmet Statuta. Predmet propisa sadrži informacije o cilju propisa, a u formulisanju predmeta propisa treba spomenuti osnovni sadržaj propisa koji važe za cijeli sadržaj pravnog propisa. U članu 7. Zakona o Gradu Zavidovići u stavu 2. regulisano je pitanje šta se Statutom propisuje. Tu odredbu trebamo je u cijelosti prenijeti u član 1 Nacrta Statuta Grada Zavidovići. Očito je da postoji nesklad između člana 7. stav 2. Zakona o Gradu Zavidovića i člana 1. Nacrta Statuta. U članu 1. Nacrta Statuta nedostaje „Obilježja grada“, a naznačena su u članu 7. stav 2. Zakona o Gradu Zavidovići nedostaje u članu 1. „Sjedište, javna priznanja, organizacija, ovlaštenja i način rada njegovih organa. Kada se to uradi, onda u tom rasporedu ići u dalju razradu.

IZJAŠNJENJE KOMISIJE ZA STATUT I PROPISE:

Komisija za Statut i propise prihvata da se član 1. Nacrta Statuta Grada Zavidovići uskladi sa članom 7. Zakona o Gradu Zavidovići („Službene novine Federacije BiH“, broj: 17/22), tako da član 1. Prijedloga Statuta Grada Zavidovići glasi:

„Član 1. (Predmet)

Ovim Statutom uređuje se samoupravni djelokrug Grada Zavidovići (u daljem tekstu: Grad) kao jedinice lokalne samouprave, njegova obilježja, sjedište, javna priznanja, organizacija, ovlaštenja i način rada njegovih organa, međusobni odnosi Gradskog vijeća i gradonačelnika, mjesna samouprava, oblici neposrednog odlučivanja građana, finansiranje i imovina, propisi i drugi akti, javnost rada, saradnja jedinica lokalne samouprave, odnosi i saradnja sa federalnim i kantonalnim vlastima, kao i druga pitanja od značaja za organizaciju i rad Grada.“

Primjedbe na član 2. Nacrta Statuta Grada Zavidovići

U članu 2. Nacrta Statuta data je definicija grada. Ovako postavljen a definicija daje mogućnost dvojakog tumačenja. Prvo grad kao jedinica lokalne samouprave regulisan je poglavljem VII Gradske vlasti Ustav FBiH, članom 1. stav 1. i očito je da Grad Zavidovići ne spada u tu kategoriju grada. Dakle, to je Ustavom Federacije BiH. Ako bi ostala formulacija kako je predloženo u Nacrtu Statuta, proizlazilo bi da Grad Zavidovići crpi nadležnost grada koja su regulisana u Ustavu FBiH u poglavlju VII - Gradske vlasti, što očito nije slučaj. Dakle, uspostava Grada Zavidovići ima pravno utemeljenje u članu 5. stav 2. Zakonom o principima

lokalne samouprave u FBiH. Uspostavljen je Federalnim zakonom u stavu 1. člana 1. Po mome mišljenju treba izbrisati riječi „sa pravima i obavezama utvrđenim Ustavom i zakonom“. U članu 2. stav 3. je nejasno formulisan. Kaže se da je grad pravni sljednik Općine Zavidovići i ima zakonom određene nadležnosti. Grad ima nadležnosti i na osnovu drugih propisa, a ne samo na osnovu zakona. (npr. Statut, poslovnik, prenesene nadležnosti itd.) Dalje se kaže da Grad preuzima nadležnost, prava, obaveze i imovinu općine čiji je pravni sljednik. Izraz „pravni sljednik“ je pojam koji je uobičajen u nasljednom pravu. Mislim da je neprimjeren u organizaciji vlasti. Zato mislim da stav 3. Nacrta Statuta treba izostaviti, jer su ta pitanja u datoj razradi našla svoje mjesto.

IZJAŠNJENJE KOMISIJE ZA STATUT I PROPISE:

Komisija za Statut i propise prihvata da se u član 2. stav (1), brišu riječi : „sa pravima i obavezama utvrđenim Ustavom i zakonom“.

Iza stava (1) dodati nov stav 2. koji glasi: „ (2) Grad ima vlastite nadležnosti uspostavljene Ustavom i zakonom i ima pravo baviti se svim pitanjima od značaja grada koja nisu iz isključive gradske nadležnosti. “, stav (2) i (3) člana 2. postaju stavovi (3) i (4).

Komisija za Statut i propise ne prihvata prijedlog da se u članu 2. stav (3) Nacrta Statuta izostavi, obzirom da je isti u skladu sa članom 8. Zakona o Gradu Zavidovići.

Sa usvojenim primjedbama član 2. Nacrta Statuta Grada Zavidovići, član 2. Prijedloga Statuta Grada Zavidovići, glasi:

„Član 2.

(Pravni status Grada)

- (1) Grad je jedinica lokalne samouprave.
- (2) Grad ima vlastite nadležnosti uspostavljene Ustavom i zakonom i ima pravo baviti se svim pitanjima od značaja grada koja nisu iz isključive gradske nadležnosti.
- (3) Grad je pravno lice.
- (4) Grad je pravni sljednik Općine Zavidovići i ima zakonom određene nadležnosti Grada i preuzima nadležnost, prava, obaveze i imovinu Općine čiji je pravni sljednik.“

Primjedbe na član 3. Nacrta Statuta Grada Zavidovići

U članu 3. Nacrta Statuta, a u nazivu člana stoji „(Temeljna prava i slobode Grada)“. Mislim da naziv nije dobar iz razloga što se postavlja pitanje koja su to temeljna prava i slobode grada. Očito je da to nisu samo prava i obaveze iz stava 1 i 2. člana 3, jer su u razradi radi o temeljnim slobodama i osnovnim pravima građana, a ne grada. Zato u nazivu člana treba izostaviti riječ „grada“, stav 1 i 2. treba izmijeniti u cjelosti, na način što bi član 3 glasio: „Grad će osigurati primjenu najviše razine međunarodno priznatih prava i sloboda utvrđenih u Ustavu BiH i Ustavu FBiH“, kao i u dokumentima navedenih u dodatku Ustava FBiH i Ustava BiH. Ovo je ustavna formulacija Ustava FBiH i mislim da je bolja i primjerenija formulacija nego što je data u članu 3. Nacrta Statuta.

IZJAŠNJENJE KOMISIJE ZA STATUT I PROPISE:

Komisija za Statut i propise prihvata da se u naslovu člana 3. Nacrta Statuta Grada Zavidovići, iz riječi „slobode“, briše riječ „Grada“.

Komisija za Statut i propise prihvata da se član 3. Nacrta Statuta Grada mijenja u cijelosti i glasi: „Grad će osigurati primjenu najviše razine međunarodno priznatih prava i sloboda utvrđenih u Ustavu BiH i Ustavu FBiH“, kao i u dokumentima navedenih u dodatku Ustava FBiH i Ustava BiH.“

Sa usvojenim primjedbama član 3. Nacrta Statuta Grada Zavidovići, član 3. Prijedloga Statuta Grada Zavidovići, glasi:

„Član 3.

(Temeljna prava i slobode)

Grad će osigurati primjenu najviše razine međunarodno priznatih prava i sloboda utvrđenih u Ustavu Bosne i Hercegovine i Ustavu Federacije Bosne i Hercegovine, kao i dokumentima navedenim u dodatku Ustava Bosne i Hercegovine i Ustava Federacije Bosne i Hercegovine.“

II – Statusna obilježja grada

Primjedbe na član 4. Nacrta Statuta Grada Zavidovići

U članu 4. stav (2) regulisano je da je sjedište Grada Zavidovići, ulica „Mehmed paše Sokolovića“ broj 9, 72220 Zavidovići. Ovakva formulacija je nedorečena. Mislim da bi trebalo da stoji da je sjedište grada „Naseljeno mjesno Zavidovići“, a ne samo Zavidovići. Naziv Zavidovići određen je Zakonom o nazivima naseljenih mjesta i trebalo bi konsultovati taj zakon. Ovakav prijedlog proizilazi i iz člana 5. Nacrta Statuta u kojem je navedeno da teritorij grada čine naseljena mjesta, spominje se naseljeno mjesto Zavidovići.

Kada je u pitanju ulica „Mehmed paše Sokolovića“, u postojećem Statutu je ulica „Safvet bega Bašagića“ broj 1. Nije mi poznato da je mijenjana odluka o nazivima ulica, treba to provjeriti.

IZJAŠNJENJE KOMISIJE ZA STATUT I PROPISE:

Komisija sa Statut i propise ne prihvata primjedbe na član 4. Nacrta Statuta Grada Zavidovići, vezano za ulice „Mehmed paše Sokolovića“, obzirom da je u uvjerenju o registraciji poreznog obveznika - Grad Zavidovići, od 29.06.2022. godine, navedena adresa ulice „Mehmed paša Sokolović, broj 9, Zavidovići. (prilog broj 1.)

Komisija za Statut i propise ne prihvata prijedlog da se sjedište Grada označi kao „Naseljeno mjesto Zavidovići“.

Primjedbe na član 8. Nacrta Statuta Grada Zavidovići

U članu 8. Nacrta Statuta govori se o pečatu grada, mislim da iza stava 1. člana 8. Nacrta Statuta treba formulisati novi stav 2. koji glasi: Stav 2. „Pečat grada okruglog je oblika čija veličina, sadržaj i način upotrebe se uređuje posabnom odlukom Gradskog vijeća Zavidovići.“ Ponuđeni stavovi 2. 3. i 4. Nacrta Statuta da se izostave kod formulisanja prijedloga. Predloženi način ekonomičniji je, lakši je i jednostavnije mijenjati odluku o navedenim pitanjima, nego mijenjati Statut ukoliko dođe do izmjene elemenata sadržaja, grba itd. Sem toga, u ponuđenom tekstu stav 4. član 8. Nacrta Statuta predviđeno je da uslovi i način upotrebe pečata Grada Zavidovići propisuje se posebnom odlukom Gradskog vijeća. U članu 8. nema uopšte odrednice o veličini pečata. Zato mislim da bi posebna odluka Gradskog vijeća trebala regulisati i veličinu, sadržaj i način upotrebe. Tim prije što bi se kod izmjena odluke o nazivima organa uprave mijenja odluka, a ne Statut, što je jednostavnije. Ovdje je ostavljeno jedno pitanje o kojem da se razmisliti kod izrade prijedloga Statuta, a koje nije ponuđeno u Nacrtu Statuta. Osim grba i zastave, grad može imati i druga znamenja. O ovim drugim znamenjima treba da odluku donese Gradsko vijeće. Predlažem da se takva odredba ugradi u Statut grada. Npr. Znamenja o turističkim destinacijama, manifestacijama sportskog, kulturnog, naučnog i drugog djelovanja grada.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata prijedloge na član 8. Nacrta Statuta i isti u cijelost odbija.

Primjedbe na član 9. Nacrta Statuta Grada Zavidovići

U članu 9. stav 1. iza riječi „bosanski“ dodati riječ „jezik“, iza riječi „hrvatski“ dodati riječ „jezik“, što je sa ostalim jezicima. Ako nisu službena, treba ostaviti mogućnost da se mogu koristiti kao sredstva komunikacije i nastave (npr. Romski jezik). Zato predlažem da se iza stava 2. člana 9. doda stav 3. koji bi glasio: „Ostali jezici mogu se koristiti kao sredstva

komunikacije i nastave“. Predložena odredba je kategorija Ustava FBiH, propisana u poglavlju I član 6. stav 2.

IZJAŠNJENJE KOMISIJE ZA STATUT I PROPISE:

Komisija za Statut i propise prihvata prijedlog da se iza riječi „bosanski“ i „hrvatski“ dodaju riječi „jezik“, a ne prihvata prijedlog da se doda novi stav (3), koji bi glasio: „(3) Ostali jezici mogu se koristiti kao sredstva komunikacije i nastave“, obzirom da je ovo pravo propisano Ustavom FBiH.

Sa usvojenim primjedbama član 9. Nacrta Statuta Grada Zavidovići, član 9. Prijedloga Statuta Grada Zavidovići, glasi:

„Član 9. (Službeni jezici i pismo)

- (1) Službeni jezici Grada su: bosanski jezi, hrvatski jezik i srpski jezik.
- (2) Službena pisma su: latinica i ćirilica.“

IV- ORGANI GRADA

Primjedbe na član 15. i 16. Nacrta Statuta Grada Zavidovići

U članu 15. stav 1. tačka 2) , treba da glasi: 2. „Gradonačelnik/ca“ – ravnopavnost spolova.

U članu 16. isto uraditi iz istog razloga kao u članu 15. „Gradonačelnik/ca“.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata prijedlog na član 15. i 16. Nacrta Statuta Grada Zavidovići, obzirom da je ovo pitanje riješeno kroz formulaciju člana 149. (Gramatička terminologija), a isti glasi : „ Gramatička terminologija korištenja muškog i ženskog roda u ovom Statutu podrazumjeva uključivanje oba roda“.

Primjedbe na član 17. Nacrta Statuta Grada Zavidovići

Član 17. stav (3) – Broj vijećnika u Gradskom vijeću sada je 29. Obzirom na broj stanovnika grada, ovaj broj vijećnika trebalo bi preispitati u razgovoru sa političkim strankama. Lično mislim da bi broj vijećnika trebao biti manji zbog:

- prostora i smještaja
- organizacije rada
- davanja veće uloge u radu radnih tijela Gradskog vijeća
- troškovi sjednica (treba preći na moderniji način organizacije rada), jer je sadašnja organizacija rada stara više od 15 godina, ako ne i više.
- sve što se predvidi u Nacrtu može se regulisati poslovníkom i to sada treba iskoristiti.

Član 17. stav 4. i stav 5.

Pojam nacionalne manjine u Zavidovićima. Do sada nije bilo slučaja da je nacionalna manjina imala svoju izbornu listu. Shodno tome, stav 4. se ne može ni primijeniti. Ako je to tako, stav 5. Nacrta Statuta, određuje broj vijećnika od 28. Tako mislim da stav 4. i 5. treba izostaviti Statutom, a primijeniti Izborni zakon BiH, mada su u pitanju nacionalne manjine. Treba tražiti rješenje na taj način.

IZJAŠNJENJE KOMISIJE ZA STATUT I PROPISE:

Komisija za Statut i propise je stava da pitanje broja vijećnika ostavlja na rješavanje Gradskom vijeću i da u tom pogledu neće predlagati promjenu broja vijećnika.

Kad je u pitanju stav (4) i (5) člana 17. nacrta Statuta Grada Zavidovići, Komisija za Statut i propise, naknadno je pribavila podatke od Federalnog Zavoda za statistiku o zastupljenosti nacionalnih manjina u ukupnom broju stanovnika Grada Zavidovići prema popisu stanovništva iz 2013. godine, akt broj: 05-28-9-842-2/23 od 07.08.2023. godine. (prilog broj 2.)

Prema dostavljenim podacima prema posljednjem popisu stanovništva iz 2013. godine, u odnosu na ukupan broj stanovništva nacionalne manjine su zastupljene sa 1,3% u Gradu Zavidovići,

Članom 13.14. stav (2) Izbornog zakona Bosne i Hercegovine, propisano je: „(2) Broj pripadnika nacionalnih manjina koji se neposredno biraju u općinsko vijeće, odnosno skupštinu općine i gradsko vijeće, odnosno skupštinu grada utvrđuje se statutom općine, odnosno grada pri čemu se pripadnicima svih nacionalnih manjina, koji u ukupnom broju stanovništva te izborne jedinice, prema zadnjem popisu stanovništva, učestvuju s više od 3%, garantira najmanje jedno mjesto.

Komisija za Statut i propise u skladu sa članom 13.14 stav (2) Izbornog zakona Bosne i Hercegovine prihvata u cijelosti navode iz prijedloga te se brišu odredne stava (4) i (5) člana 17. Nacrta Statuta Grada Zavidovići.

Sa usvojenim primjedbama na član 17. nacrta Statuta Grada Zavidovići, član 17. Prijedloga Statuta Grada Zavidovići, glasi:

„Član 17. (Opće odredbe)

(1) Gradsko vijeće je predstavnički organ građana Grada i organ lokalne samouprave izabran na temelju općeg biračkog prava na neposrednim izborima tajnim glasanjem na način određen Izbornim zakonom Bosne i Hercegovine.

(2) Gradsko vijeće donosi opće akte i druge akte u okviru samoupravnog djelokruga Grada te obavlja druge poslove u skladu sa ustavom, zakonom i Statutom Grada.

(3) Gradsko vijeće ima dvadeset devet (29) vijećnika.”

Primjedbe na član 18. Nacrta Statuta Grada Zavidovići

Član 18. stav 1.

Šta znači odrednica da „vijećnik vrši svoje dužnosti, prema svom slobodnom uvjerenju.“. Da li i to znači da može da u Vijeću zagovara sve negativnosti za koje on smatra da su ispravne (npr. Nacionalna mržnja, ne uvažavanje tuđeg i drugačijeg mišljenja, neravnopravnost građana, ne uvažavanje svih prava i sloboda određenim međunarodnim sporazumima i domaćim zakonodavstvom). Zato mislim da stav 1. treba u cjelosti izostaviti, jer je u stavu 3. sve rečeno u pogledu uloge vijećnika. U cjelokupnom tekstu Nacrta Statuta riječi „Gradonačelnik“ izmijeniti na način da stoji „Gradonačelnik/ca“.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata prijedlog za brisanje stava (1) člana 18. Nacrta Statuta Zavidovići uz konstataciju da je vijećnik samostalan u svom radu i da vrši svoju dužnost prema slobodnom uvjerenju, a na dobrobit svih građana.

Na prihvata se primjedba da se u cjelokupnom tekstu Nacrta Statuta riječ „Gradonačelnik“ izmijeni i upiše riječ „Gradonačelnik/ca“, obzirom da je to pitanje riješeno članom 149. Nacrta Statuta.

Primjedbe na član 33. Nacrta Statuta Grada Zavidovići

Član 33. Ovaj član ne treba da bude prepisan

Član 7. Zakonom o izboru, prestankom mandata, opozivom i zamjenom načelnika općina u FBiH, (Sl. Novine FBiH“, broj 19/08) Zašto? Zato što je navedeni zakon dao široku primjenu kod izbora, a to ne znači da nadležni organ može odrediti uži krug lica koji mogu zamijeniti načelnika. Zato mislim da član 33. u stavu 1. treba da glasi: „Gradonačelnik/ca za vrijeme privremene odsutnosti ili spriječenosti zamjenjuje rukovodeći državni službenici gradske uprave kojeg on odredi“. U slučaju ovog rješenja, treba naznačiti šta znači privremena odsutnost ili spriječenost izabranog načelnika/ce, koji su to uslovi, vrijeme trajanja itd. U članu 33. stav 2. propisana je odredba člana 7. gore pomenutnog zakona, a upravo treba suprotno.

Statut mora odrediti šta znači „osoba koju izabere Gradsko vijeće“. Da li ta osoba može biti iz reda zaposlenih u organima Grada Zavidovići ili bilo koja osoba. Takvu mogućnost ne treba ostaviti Gradskom vijeću. Statut mora to pojasniti. Mislim da bi bilo dobro u tekstu člana 33. stav 2. iza riječi „vrši“ dodati riječ „državni službenik iz reda rukovodećih državnih službenika“, ostali dio teksta da ostanu.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata prijedloge na član 33. Nacrta Statuta Grada Zavidovići. Komisija za Statut i propise smatra da je član 33. Nacrta Statuta stav (1) i (2) u skladu sa članom 7. Zakonom o izboru, prestankom mandata, opozivom i zamjenom načelnika općina u FBiH, te da se ostavi mogućnost Gradonačelniku stav (1) odnosno Gradskom vijeću stav (2), da u skladu sa članom 7. Zakonom o izboru, prestankom mandata, opozivom i zamjenom načelnika općina u FBiH, izvrši izbor za zamjenu Gradonačelnika.

Član 7. Zakonom o izboru, prestankom mandata, opozivom i zamjenom načelnika općina u FBiH („Sužbene novine FBiH“, broj: 19/08), glasi:

„Član 7.

(Zamjena načelnika)

Načelnika za vrijeme privremene odsutnosti ili spriječenosti zamjenjuje dužnosnik ili djelatnik općinskih organa uprave, kojeg on ovlasti.

Dužnost načelnika u slučaju prestanka mandata u smislu člana 5. ovog Zakona i u slučaju opoziva u smislu člana 6. ovog Zakona, do ponovnog izbora načelnika, vrši osoba izabrana od općinskog vijeća natpolovičnom većinom od ukupnog broja članova općinskog vijeća.“

Primjedbe na član 35. Nacrta Statuta Grada Zavidovići

U članu 35. u stavu 1. predlažem da se ugradi odredba sljedećeg sadržaja: Iza riječi profesionalno dodati riječ „a može i volonterski“. Ovakav prijedlog možda je smio, a može izgledati i kao politički neutemeljen. Ali zašto ne ostaviti i tu mogućnost izbora. Takva opredjeljenost kandidata za izbor Gradonačelnika/ce mogla bi imati uticaja na opredjeljenost birača kod izbora. Vrijeme trajanja rada na volonterski način moglo bi se regulisati posebnom odlukom GV. Ukoliko bi se prihvatio ovaj koncept kao alternativa i ako bi kandidat izrazio jasnu želju da funkciju Gradonačelnika obavlja volonterski, do izražaja bi došla pozicija i odgovornost u radu njegovih pomoćnika kao i ostalih državnih službenika. Finansijski elemenat bio bi takođe zadovoljen u korist budžeta grada.

Ukoliko bi se prihvatilo ovo mišljenje i prijedlog onda bi u tom smislu trebalo izmijeniti stav 2 i 3. navedenog člana.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata prijedlog da se član 35. stav (1) dopuni na način da se ostavi mogućnost volonterskog rada Gradonačelnika.

Komisija za Statut i propise je mišljenja da mogućnost volonterskog rada nije u skladu sa Zakonom o izboru, prestankom mandata, opozivom i zamjenom načelnika općina u FBiH, te da se ovo pitanje treba riješiti Zakonom.

V – Međusobni odnosi Gradskog vijeća i Gradonačelnika

Ovo poglavlje je obrađeno u poglavlju V Zakona o principima lokalne samouprave u FBiH, počev od člana 16 do člana 23. Zakona. Pažljivim čitanjem navedenog Zakona, poglavlje V samo su dva slučaja koja se trebaju uraditi Statutom. To su slučajevi iz člana 22 i 23. Zakona. Dakle, Zakon nije ostavio mogućnost da se Statutom uređuju odnosi na drugačiji način, nego je to propisano zakonom.

U članu 39. stav 1. Nacrta Statuta određen je rok čije određenje je zakon ostavio mogućnost da se utvrdi Statutom. To je uredu mada je u pitanju izvještaj o ostvarivanju politike..

Odredba stava 2 i 3. člana 39. Nacrta Statuta su materija koja se reguliše Poslovnikom o radu GV, a ne reguliše se Statutom.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata primjedbu na član 39. stav (2) i (3).

Primjedbe na član 42. Nacrta Statuta Grada Zavidovići

U članu 42. Nacrta Statuta određen je rok za odgovore na vijećnička pitanja i inicijative. Ta mogućnost data je Zakonom u članu 22. Ista je situacija i u članu 43. Nacrta Statuta. To je dobro.

IZJAŠNJENJE KOMISIJE ZA STATUT I PROPISE:

Nema konkretnih prijedloga.

Primjedbe na član 37. i 38. Nacrta Statuta Grada Zavidovići

Meni su sporni članovi 37. i 38. Nacrta Statuta. Zašto?

U članu 37. tekst počinje „ako su zakonom ili drugim propisom nije jasno određeno koji je organ nadležan za obavljanje poslova iz samoupravnog djelovanja grada.“ Smatram da je ovaj član nepotreban sa ovakvom formulacijom u Statutu grada. U članu 8. Zakona o principima lokalne samouprave, poglavlje III - samoupravni djelokrug jedinica lokalne samouprave jasno su navedene nadležnosti općine ili grada. Ne može se Statutom grada proširivati, sužavati ili određivati nadležnost mimo člana 8. Zakona. Pogotovo je sporan stav 3. člana 37. Ne može Gradonačelnik određivati nadležnost službe za upravu. Ta nadležnost je određena odlukom GV o organizaciji organa uprave. Odnos izvršne vlasti, odnosno Gradonačelnika i organa uprave na lokalnom nivou regulisan je u glavi X Zakona o organizaciji organa uprave u FBiH „Odnos organa uprave i upravnih organizacija prema organima izvršne vlasti, organima zakonodavne vlasti, ombdusmanima i pravnim licima“, u članu 90. do člana 97., regulisano je pitanje odnosa organa uprave prema organu izvršne vlasti. Iz tih razloga nema mjesta drugačijem i širem regulisanju tog odnosa. Zato predlažem da se pomenuti član Nacrta Statuta izostavi iz teksta (član 37).

U članu 69. Zakona o organizaciji organa uprave u FBiH regulisano je pitanje da Gradonačelnik može donositi akte za izvršavanje propisa koje donosi GV iz oblasti lokalne samouprave grada, ali samo onda kada su ovlašteni tim propisom. Vrste opštih akata i način njihovog donošenja utvrđuju se Statutom grada. Te je u Nacrtu Statuta određeno pa je iz tih razloga nepotrebna odredba člana 37. stav (2) Nacrta Statuta.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata primjedbu na stav (1) člana 37. Nacrta Statuta Grada Zavidovići, te se isti zadržava, ostaje ne izmijenjen, a stav (2) se briše. Djelimično usvojena primjedba na stav (2) člana 37. Nacrta Statuta.

Sa usvojenim primjedbama na član 37. Nacrta Statuta Grada Zavidovići, član 37. Prijedloga Statuta Grada Zavidovići, glasi:

**„Član 37.
(Podjela nadležnosti)**

Ako zakonom ili drugim propisom nije jasno određeno koji je organ nadležan za obavljanje poslova iz samoupravnog djelokruga Grada, svi poslovi i zadaci što se odnose na uređivanje odnosa iz samoupravnog djelokruga (normativne naravi) u nadležnosti su Gradskog vijeća, a svi izvršni poslovi i zadaci u nadležnosti su Gradonačelnika.“

Primjedbe na član 38. Nacrta Statuta Grada Zavidovići

U članu 38. Nacrta Statuta u stavu 1. iza riječi „prijedlog“ treba dodati naziv akta. Iz daljeg teksta člana 38. stav 1. proizilazi da se radi osnovama programa i politike koje treba ostvariti u

toku mandata. Stav 1. mora biti jasno izražen. Međutim, ovaj član je sporan u Nacrtu Statuta. Tko mislim. Za svoje mišljenje dat ću i obrazloženje. Odnos Gradonačelnika i Gradskog vijeća treba da se zasniva na pravima i obavezama Gradskog vijeća prema Gradonačelniku i na pravima i obavezama Gradonačelnika za ostvarivanje ne samo svoje izvršne funkcije, nego i za stvaranje ambijenta za ostvarivanje funkcije Gradskog vijeća. Navedeni odnos počiva na ustanovljenoj obavezi Gradonačelnika da podnosi Gradskom vijeću i javnosti izvještaj o sprovođenju gradske politike i svojim aktivnostima. Gradonačelnik je u obavezi da svoj rad usklađuje sa programom rada Gradskog vijeća, što ima znatnog uticaja na sadržaj godišnjeg izvještavanja o radu Gradonačelnika. Osim obaveze izvještavanja, Gradonačelnik, a ne neki njegov saradnik, dužan je Gradskom vijeću, kada se to zatraži, davati razna objašnjenja o svim pitanjima iz okvira svojih prava i obaveza, kao i odgovora na vijećnička pitanja. Ove i sve druge obaveze prema Gradskom vijeću, Gradonačelnik ne može prenijeti niti povjeriti nekom od svojih saradnika.

Iz iznijetog sam mišljenja da je ovaj član nepotreban. U prijedlog ovome, dodajem da je Gradonačelnik ovlašten da obavlja poslove regulisane članom 34. Nacrta Statuta, pa nema potrebe to ponavljati u članu 38. Nacrta Statuta.

IZJAŠNJENJE KOMISIJE ZA STATUT I PROPISE:

Komisija za Statut i propise prihvata prijedlog da se član 38. Nacrta Statuta briše, imajući u vidu da je obaveza izvještavanja propisana članom 39. Nacrta Statuta Grada Zavidovići. Član 38. Nacrta Statuta Grada Zavidovići brisan u Prijedlogu Statuta Grada Zavidovići.

Primjedbe na član 39. Nacrta Statuta Grada Zavidovići

Član 39. Nacrta Statuta „Iza stava 3. nevedenog člana mislim da je potrebno dodati stav 4. koji bi regulisao pitanje da Gradonačelnik ima pravo postaviti pitanje povjerenja pred Gradsko vijeće ako ocijeni da nije u stanju osigurati provođenje naloženih mjera Gradskog vijeća, odnosno da ne može preuzeti odgovornost za izvršavanje propisa. To može da se desi pogotovo u slučajevima kada je predlagač propisa ili drugog akta radno tijelo vijeća ili ovlašćeni broj vijećnika. Ovaj institut bio bi novina u Statutu grada. Može se i posebno regulisati kao zasebna odredba.

IZJAŠNJENJE KOMISIJE ZA STATUT I PROPISE:

Komisija za Statuta i propise ne prihvata prijedlog da se član 39. dopuni stavom (4).

Primjedbe na član 40. i 41. Nacrta Statuta Grada Zavidovići

Mislim da su članovi 40. i 41. Nacrta Statuta u koliziji: U članu 40. se govori o neustavnosti i nezakonitosti donijetih odluka, a u članu 41. se govori o odlukama koje mogu proizvesti nepopravljivu štetu. Neustavnost odluke, odnosno nezakonitost odluke, u svojoj primjeni uglavnom dovede do štete po jedinicu lokalne samouprave, tako da mislim da je član 41. višak i da ga treba izostaviti. Ovdje se postavlja pitanje odgovornosti licu koja pripremaju takve akte za Gradonačelnika, zatim odgovornost pravobranioca kada je u pitanju imovina općine, rukovodioca službe Gradonačelnika, itd.

IZJAŠNJENJE KOMISIJE ZA STATUT I PROPISE:

Komisija za Statuta i propise ne prihvata prijedlog vezan za član 40. i 41.

Komisija za Statut i propise smatra da su predmetni članovi usklađeni sa članom 20. i 21. Zakona o principima lokalne samouprave FBiH.

Primjedbe na član 48. Nacrta Statuta Grada Zavidovići

Član 48. stav 1. Nacrta Statuta.

Stav 1. djelimično je prepisan iz Zakona o organizaciji organa uprave u FBiH. Treba ga prepisati u cjelosti ili naznačiti odredbom člana navedenog zakona koji reguliše navedeno pitanje. U Zakonu o organizaciji organa uprave u FBiH navedeno je da je Gradonačelnik

odgovoran za obavljanje funkcije Gradonačelnika lično kao i za rad službi kojima rukovodi (član 62. stav 1. i 4. Zakona o organizaciji organa uprave u FBiH).

U stavu 2. člana 48. Nacrta Statuta određen je broj i naziv rukovodećih državnih službenika. Ova odredba nije statutarna materija. Članom 63. stav 3. Zakona o organizaciji organa uprave u FBiH propisano je da se radna mjesta rukovodećih državnih službenika utvrđuju Pravilnikom o unutrašnjoj organa uprave.

Član 48. stav 4. – Nacrta Statuta je nezakonit. Ne može Gradonačelnik ovlastiti državnog službenika da donosi ili potpisuje pojedinačne akte vezane za obavljanje upravnih, stručnih ili drugih poslova iz nadležnosti u skladu sa zakonom, Statutom ili propisom Gradskog vijeća. Zašto?

Zato što Gradonačelnik nije organ uprave, pa stoga i ne može prenositi prava koja po zakonu nema. Prema članu 7. Zakona o unutrašnjoj organizaciji organa uprave u FBiH, Gradonačelnik vrši koordinaciju, usklađivanje i usmjeravanje rada gradskih organa uprave (član 7. stav 2. Zakona). Navedenim članom određena je nadležnost Gradonačelnika i kako se vidi on ne obavlja poslove upravnog postupka. Nadležnost gradskih organa uprave određuje se odlukama Gradskog vijeća (član 5. Zakona o organizaciji organa uprave u FBiH), stoga, predlažem da se stav 4. i 5. člana 48. Nacrta Statuta izostave iz teksta Nacrta.

IZJAŠNJENJE KOMISIJE ZA STATUT I PROPISE:

Komisija za Statuta i propise djelimično usvaja primjedbe na član 48. Nacrta Statuta Grada Zavidovići, na način da ne prihvata prijedloge iznesene na stav(1) i (2), a prihvata primjedbe na stav (4) i (5). Stav (4) i (5) člana 48. Nacrta Statuta se brišu u skladu sa član 5. Zakona o organizaciji organa uprave u FBiH.

Sa prihvaćenim primjedbama na član 48. Nacrta Statuta Grada Zavidovići, sada član 47. Prijedloga Statuta Grada Zavidovići, glasi:

„Član 47.

(Rukovođenje gradskim službama za upravu)

(1) Gradonačelnik rukovodi radom svih gradskih službi za upravu, stručnih i drugih službi sa ovlaštenjima predviđenim Zakonom, ovim Statutom i drugim gradskim propisima.

(2) Gradonačelniku u rukovođenju gradskim organom državne službe pomažu rukovodeći državni službenici:

1. sekretar organa državne službe,
2. sekretar gradskog vijeća i
3. pomoćnici Gradonačelnika službi za upravu gradskog organa državne službe.

(3) Sekretar organa državne službe, sekretar Gradskog vijeća i pomoćnici Gradonačelnika samostalni su u svom radu, a za svoj rad i korištenje finansijskih, materijalnih i ljudskih potencijala koji su im povjereni za obavljanje poslova u okviru djelokruga rada, odgovaraju Gradonačelniku.“

Primjedbe na član 53. Nacrta Statuta Grada Zavidovići

Član 53. stav 2. je nejasan. U stavu 1. člana 53. propisan je postupak osnivanja, ukidanja i statusnih promjena javnih ustanova. Šta znači da osnivač (grad) može prenijeti svoja prava i obaveze na drugo pravno lice posebnom odlukom kojom se uređuje način zaštite prava korisnika usluga i druga pitanja od značaja za promjenu osnivača. Nejasan smisao odredbe. U obrazloženju Nacrta Statuta nisu pojašnjene navedene odredbe Nacrta Statuta.

IZJAŠNJENJE KOMISIJE ZA STATUT I PROPISE:

Komisija za Statut i propise prihvata primjebdu na stav (2) člana 53. Nacrta Statuta Grada Zavidovići.

Stav (2) člana 53. nacrta Statuta Grada Zavidovići se briše.

Sa prihvaćenim primjedbama na član 53. Nacrta Statuta Grada Zavidovići, sada član 52. Prijedloga Statuta Grada Zavidovići, glasi:

„Član 52.

(Javne ustanove)

Gradsko vijeće svojom odlukom osniva, ukida i vrši druge statusne promjene javnih ustanova, kada ocijeni da za to postoji javni interes i pravni osnov.“

Primjedbe na član 54. Nacrta Statuta Grada Zavidovići

Član 54. Nacrta Statuta.

U stavu 1. člana 54. iza riječi „preduzeća“ umjesto zareza stavlja se tačka, a ostali dio teksta se briše. Zašto? Nije potrebno, suvišno je navoditi da će se javna preduzeća osnivati iz oblasti komunalnih djelatnosti i određivati Statutom nadležnost komunalnog preduzeća. Komunalne djelatnosti propisane su Zakonom o komunalnim djelatnostima ZE-DO kantona i nema potrebe to činiti Statutom.

Što se tiče stava 2. smatram da je on nepotreban iz razloga što je stavom 1. istog člana sve rečeno. Tim prije, što u donošenju odluke o osnivanju javnog preduzeća, kao pravni osnov za donošenje navedene odluke, čini Zakon o javnim preduzećima.

IZJAŠNJENJE KOMISIJE ZA STATUT I PROPISE:

Komisija za Statuta i propise prihvata primjedbe na stav (1) i (2) člana 54. Nacrta Statuta Grada Zavidovići.

Komisija za Statut i propise u stavu (1), prihvata da se iza riječi „preduzeća“ briše ostatak teksta, a umjesto tačke Komisija za Statut i propise dopunjava tekst na način da se upisuje novi tekst, koji glasi: „kada ocijeni da za to postoji javni interes i pravni osnov“, tako da stav (1) člana 54. Nacrta Statuta glasi: „(1) Gradsko vijeće svojom odlukom osniva, ukida i vrši druge statusne promjene javnih preduzeća kada ocijeni da za to postoji javni interes i pravni osnov.“

Stav (2) člana 54. Nacrta Statuta se briše.

Sa prihvaćenim primjedbama na član 54. Nacrta Statuta Grada Zavidovići, sada član 53. Prijedloga Statuta Grada Zavidoviću, glasi:

„Član 53.

(Javna preduzeća)

(1) Gradsko vijeće svojom odlukom osniva, ukida i vrši druge statusne promjene javnih preduzeća, kada ocijeni da za to postoji javni interes i pravni osnov.

(2) Posebnom odlukom mogu se odrediti i druge djelatnosti koje su pod uvjetima određenim zakonom od javnog društvenog interesa ili Gradsko vijeće ocijeni da su od posebnog interesa za Grad.“

Primjedbe na član 81. Nacrta Statuta Grada Zavidovići

Član 81. Nacrta Statuta

Odgovornost Savjeta mjesne zajednice prema osnivaču (Gradsko vijeće) utvrđena je tako da se podnosi godišnji izvještaj o radu i finansijski izvještaj. Mislim da postavljena odgovornost nije dobra. Gradsko vijeće nije osnivač i ne bira Savjet mjesne zajednice i ne vidim razlog da Savjet podnosi izvještaj o radu Gradskom vijeću. Bilo bi bolje da Savjet MZ podnosi, odnosno obavještava o svom radu subjekte koji su ga birali. Samo zato što GV potvrđuje izbor članova Savjeta MZ, ne znači da Savjet podnosi izvještaj GV, a ne organima i tijelima koji su ga birali. Zato mislim da je član 81. nepotreban i da ga treba izostaviti iz teksta Nacrta Statuta. Pogotovo što je članom 88. Nacrta Statuta regulisano pitanje nadzora rada Savjeta MZ. U tom smislu velika je odgovornost nadležne službe za upravu u pogledu nadzora. U Nacrtu Statuta bilo bi dobro da se ugradi dio teksta koji bi se ticao odnosa mjesne zajednice i grada. Oba subjekta su

pravna lica. U praksi se dešava da organi mjesne zajednice stvaraju finansijske obaveze za mjesnu zajednicu, a da nemaju utvrđen izvor prihoda za stvorenu obavezu. U tim situacijama organi grada, posebno Gradonačelnik, finansiraju stvorene obaveze mjesne zajednice na teret budžeta. U tom smislu trebalo bi regulisati da organi mjesne zajednice (predsjednik i Savjet / ne mogu stvarati novčane obaveze koje ne mogu podmiriti iz svojih prihoda, a pogotovo ne mogu to tražiti da pokrije budžet grada. Zato smatram da u poglavlju VIII Mjesna samouprava treba ugraditi odredbe koje će regulisati pitanja sredstava mjesne zajednice. Sve to u skladu sa članom 31. Zakona o lokalnoj samoupravi u FBiH.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata primjedbu na član 81. Nacrta Statuta Grada Zavidovići.

Primjedbe na član 85. Nacrta Statuta Grada Zavidovići

Član 85. Nacrta Statuta

Ako je funkcija predsjednika i članova Savjeta MZ počasna, zašto je u stavu 2. istog člana regulisano da oni imaju pravo na naknadu troškova u skladu sa odlukom Gradskog vijeća. To pitanje treba da reguliše Statut MZ. Zato stav 2. člana 85. treba izostaviti.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata primjedbu na član 85. stav (2) Nacrta Statuta Grada.

Komisija za Statut i propise smatra da članovi Savjeta imaju pravo na naknadu troškova u vezi s radom i angažmanom u savjetu bez obzira što je funkcija predsjednika i članova počasna.

Primjedbe na član 88. Nacrta Statuta Grada Zavidovići

Član 88. Nacrta Statuta, iza riječi Grada briše se tačka, a dodaju riječi „utvrđena pravilnikom o unutrašnjoj organizaciji i sistematizaciji radnih mjesta organa uprave.

IZJAŠNJENJE KOMISIJE ZA STATUT I PROPISE:

Komisija za Statut i propise ne prihvata primjedbu na član 88. Nacrta Statuta, smatrajući da predmetna dopuna ne utiče na poboljšanje teksta člana 88. Nacrta Statuta Grada Zavidovići.

Poglavlje X – Nacrta Statuta Grada Zavidovići - Zdravstveni savjet

Primjedbe na Poglavlje 10 Statuta Grada Zavidovići

U poglavlju X Zdravstveni savjet Grada meni nije jasno zašto je to organ koji formira Gradonačelnik. U obrazloženju teksta Nacrta Statuta nema pojašnjenja o tome. Zbog jasnoće cilja norme potrebno je dati dodatno obrazloženje te odredbe. Ako Savjet podnosi Gradskom vijeću izvještaj o svom radu, a imenuje ga Gradonačelnik, tu nešto nije uredu. Jedan ga imenuje, a on odgovara drugom. Ovaj organ vjerovatno je predviđen Zakonom o Zdravstvenoj zaštiti i Zakonom o pravima, obavezama i odgovornostima.

S tim u vezi potrebno je u obrazloženju dati razloge o ovom tijelu, a ne samo konstatovati da je formiran ili to regulisati posebnom odlukom.

IZJAŠNJENJE KOMISIJE ZA STATUT I PROPISE

Komisija za Statuta i propise prihvata primjedbe koji se odnosi na Poglavlje X - Zdravstveni savjet na način da Zdravstveni savjet imenuje Gradsko vijeće na prijedlog Gradonačelnika, tako da se u članu 108. stav (1) mijenja i glasi: „(1) Zdravstveni savjet imenuje Gradsko vijeće na prijedlog gradonačelnika, na period od 4 godine“, a iza stava (1) doda novi stav (2) koji glasi: „(2) Prijedlog iz prethodnog stava utvrđuje gradonačelnik na osnovu provedene procedure Javnog poziva.“

Sa prihvaćenim primjedbama na član 108. Nacrta Statuta Grada Zavidovići, sada član 106. Prijedloga Statuta Grada Zavidovići, glasi:

„Član 106.

(Imenovanje Zdravstvenog savjeta)

(1) Zdravstveni savjet imenuje Gradsko vijeće na prijedlog Gradonačelnika, na period

od 4 (četiri) godine.

(2) Prijedlog iz prethodnog stava utvrđuje Gradonačelnik na osnovu provedene procedure Javnog poziva.

(3) Kandidat za člana Zdravstvenog savjeta treba da ispunjava slijedeće uslove:

- da je punoljetan državljanin Bosne i Hercegovine (dokaz o državljanstvu ne starije od šest mjeseci),

- da ima minimalno tri godine iskustva u instituciji, ustanovi, udruženju, nevladinoj organizaciji ili zdravstvenom sindikatu ispred kojeg se kandiduje (dokaz: potvrda izdata od strane institucije, ustanove, udruženja, nevladine organizacije, sindikata), izuzev kandidata za predstavnika pacijenata sa područja lokalne zajednice i predstavnika mladih sa područja lokalne zajednice,

- da uživa ugled i ima evidentne rezultate rada u oblasti u kojoj djeluje (dokaz: potvrda izdata od strane institucije, ustanove, udruženja, nevladine organizacije, sindikata),

- da ima prebivalište na području Grada Zavidovići (dokaz: obrazac o prijavi prebivališta),

- da nije stariji od 35 godina – samo za predstavnika mladih sa područja Grada (dokaz: izvod iz matične knjige rođenih).

(4) Prilikom imenovanja članova Zdravstvenog savjeta poštivat će se princip ravnopravne zastupljenosti oba pola.

(5) Zdravstveni savjet ima pravo na naknadu za svoj rad u skladu sa odlukom Gradonačelnika.“

Primjedbe na član 129. Nacrta Statuta Grada Zavidovići

Primjedbe: „U tekstu Nacrta Statuta treba izbjegavati naziv radnog tijela koje razmatra pitanja Statuta. Naziv radnog tijela se utvrđuje Poslovníkom, a ne Statutom. Zato mislim da je prikladnije upotrebljavati riječi nadležno radno tijelo vijeća.

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 129. Nacrta Statuta Grada Zavidovići.

Primjedbe na član 31. Nacrta Statuta Grada Zavidovići

„U članu 31. stav (7) Nacrta Statuta. Ovom odredbom propisano je da gradonačelnik ostaje na funkciji ako podnese ostavku do izbora novog gradonačelnika. U članu 5. Zakona o izboru, prestankom mandata, opozivom i zamjenom načelnika općina u FBiH, propisano je da izabranom načelniku prestaje mandat prije isteka vremena na koji je izabran u skladu sa odredbom člana 1.10 Izbornog zakona BiH.

Ostavka se podnosi Izornoj komisiji BiH. Ako ostavkom prestaje mandat, onda je stav 7. člana 31. Nacrta Statuta suprotan Zakonu. Treba konsultovat Izborni Zakon BiH. Ne može gradonačelnik ostati na funkciji ako podnese ostavku do izbora novog gradonačelnika. Statutom treba normirati postupak izbora novog gradonačelnika u slučaju ostavke, izabrati lice koje će zamjenjivati gradonačelnika u ostavci do izbora novog.“

IZJAŠNJENJE KOMISIJE ZA STATUT I PROPISE:

Komisija za Statut i propise prihvata da se stav (7) člana 31. briše.

Sa prihvaćenim primjedbama na član 31. Nacrta Statuta Grada Zavidovići, ČLAN 31. Prijedloga Statuta Grada Zavidovići, glasi:

„Član 31.

(Opće odredbe)

(1) Gradonačelnik Grada Zavidovići (u daljem tekstu: Gradonačelnik) je nosilac izvršne vlasti Grada.

(2) Mandat Gradonačelnika je četiri godine.

- (3) Gradonačelnik se bira neposredno na način i po postupku utvrđenim zakonom.
- (4) Gradonačelnik obavlja dužnost za vrijeme mandata na koji je izabran.
- (5) Gradonačelnik može podnijeti ostavku.
- (6) Gradonačelnik može biti opozvan.“

Služba za upravu društvenih djelatnosti, pitanja boraca i opću upravu, dopis broj: 04-04-2028/22-AP-3 od 05.06.2023. godine.

Predmet: Prijedlozi, mišljenja i sugestije po Nacrtu Statuta Grada Zavidovići

1.) Član 22. tačka 16. Nacrta Statuta Grada Zavidovići, treba da glasi:
„donosi odluke o raspisivanju referendumu i sazivanju zborova i foruma građana mjesnih zajednica, te daje saglasnost na prijedlog Statuta mjesnih zajednica;“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 22. tačka 16. Nacrta Statuta Grada Zavidovići

2.) Član 59. stav 3. Statuta, treba da glasi:

„Ako građani podnose inicijativu, svojim potpisom mora ga podržati najmanje dvadeset posto (20%) birača upisanih u centralni birački spisak sa područja za koje se predlaže osnivanje mjesne zajednice“.

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 59. stav (3) Nacrta Statuta Grada Zavidovići

3.) Član 59. stav 4. Statuta treba da glasi:

„Inicijativa za osnivanje mjesne zajednice razmatra se na zborovima građana na kojim građani i njihove organizacije i udruženja imaju prebivalište, odnosno sjedište, a ista je prihvaćena ako se za nju izjasni najmanje 20% birača upisanih u centralni birački spisak naselja za čije se područje prelaže osnivanje mjesne zajednice.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 59. stav (4) Nacrta Statuta Grada Zavidovići

Komisija smatra da treba da se izjasni najmanje 10% birača upisanih u centralni birački spisak naselja za čije se područje predlaže osnivanje mjesne zajednice.

4.) Član 65. Statuta mijenja se i glasi:

„ Mjesna zajednica ima Statut. Nadležna Služba Grada Zavidovići priprema nacrt Statuta mjesne zajednice, a na osnovu nacrta Statuta, Savjet mjesne zajednice utvrđuje Prijedlog Statuta koji dostavlja na saglasnost Gradskom vijeću.

Statutom mjesne zajednice utvrđuje se: poslovi i organizacija mjesne zajednice, organi mjesne zajednice, izbor predsjednika organa mjesne zajednice, odgovornost organa mjesne zajednice, radna tijela, način njihovog rada i odlučivanja, akti mjesne zajednice, postupak njihovog donošenja, javnost rada i informisanja, edukacija članova organa mjesne zajednice, saradnja sa gradskim i drugim organima i organizacijama i druga pitanja od značaja za rad mjesne zajednice.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 65. Nacrta Statuta Grada Zavidovići. Član 28. Zakona o principima lokalne samouprave FBiH, ne propisuje ko donosi statut mjesne zajednice, ali iz smisla odredbi o mjesnoj samoupravi proizilazi da je to u nadležnosti mjesne zajednice, pa će to pitanje biti potrebno urediti Odlukom o osnivanju mjesne zajednice.

5.) U članu 69. Statuta iza stava 2. dodaje se stav 3. koji glasi: „Organi mjesne zajednice rade u skladu sa Zakonom, Statutom i Poslovnikom o radu mjesnih zajednica i u svom radu obavezni su pridržavati se Etičkog kodeksa.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 69. Nacrta Statuta Grada Zavidovići.

6.) U članu 71. stav 2. Statuta, riječi „zbor građana“ zamjenjuju se riječima „zbor i forum građana.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 71. stav (2) Nacrta Statuta Grada Zavidovići.

Članom 43. Zakona o principima lokalne samouprave određeni su oblici neposrednog odlučivanja o pitanjima iz nadležnosti organa jedinice lokalne samouprave putem referenduma, mjesnog zbora građana i drugih oblika neposrednog izjašnjavanja.

7.) U članu 75. stav 1. statuta treba da glasi: „Prijedlog za člana Savjeta mjesnih zajednica vrši se u skladu sa Pravilima Komisije za provođenje izbora za članove Savjeta mjesnih zajednica Grada Zavidovići ili drugim aktom Gradskog vijeća kojim se uređuje ovo pitanje.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 75. stav (1) Nacrta Statuta Grada Zavidovići.

8.) U članu 79. stav 1. alineja 8. Statuta treba da glasi: „ – predlaže kandidata za predsjednika i zamjenika predsjednika Savjeta Gradskom vijeću koji ga imenuje svojom Odlukom, a ukoliko Savjet ne može postići konsenzus oko kandidata za predsjednika i zamjenika predsjednika, Gradsko vijeće će iz reda članova Savjeta imenovati predsjednika i zamjenika predsjednika Savjeta.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 79. stav (1) alineja 8. Nacrta Statuta Grada Zavidovići

9.) U članu 79. stav 1. alineja 9. Statuta riječi „zborove građana“ zamjenjuju se riječima „zborove i forume građana.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjedbu na član 79. stav (1) alineja 9. Nacrta Statuta Grada Zavidovići

10.) U članu 81. iza stava 1. dodaje se stav 2. i 3 koji glase: „ Gradsko vijeće na prijedlog Gradonačelnika može u slučaju nerada ili nezakonitog rada raspustiti izabrane organe mjesne zajednice ili naložiti izbor novih organa.

Do provođenja novih izbora, ali ne duže od 90 dana od dana raspuštanja, poslove organa mjesne zajednice obavljat će povjerenik koga Odlukom o raspuštanju organa imenuje Gradsko vijeće.“

IZJAŠNJENJE KOMISIJE ZA STATUT I PROPISE

Komisija za Statut i propise prihvata primjedbu na član 81. Nacrta Statuta Grada Zavidovići, da se doda novi stav (2) i (3), s tim da Komisija predlaže da se u stavu (2) iza riječi „zajednice“ brišu riječi : „ili naložiti izbor novih organa“, a upišu nove riječi „i donijeti odluku o raspisivanju izbora, za mandatni period za koji su izabrani“, tako da stav (2) glasi:

„(2) Gradsko vijeće na prijedlog Gradonačelnika može u slučaju nerada ili

nezakonotog rada raspustiti izabrane organe mjesne zajednice i donijeti odluku o raspisivanju izbora, za mandatni period za koji su izabrani. “

(3) Do provođenja novih izbora, ali ne duže od 90 dana od dana raspuštanja, poslove organa mjesne zajednice obavljat će povjerenik kojeg Odlukom o raspuštanju organa imenuje Gradsko vijeće. “

Sa prihvaćenim primjedbama na član 81. Nacrta Statuta Grada Zavidovići, sada član 80. Prijedloga Statuta Grada Zavidovići, glasi:

„Član 80.

(Odnos savjeta mjesne zajednice i Gradskog vijeća)

(1) Savjet mjesne zajednice za svoj rad odgovara Gradskom vijeću i u tom cilju obavezno mu podnosi godišnji izvještaj o radu i finansijski izvještaj.

(2) Gradsko vijeće na prijedlog Gradonačelnika može u slučaju narada ili nezakonotog rada raspustiti izabrane organe mjesne zajednice i donijeti odluku o raspisivanju izbora, za mandatni period za koji su izabrani.

(3) Do provođenja novih izbora, ali ne duže od 90 dana od dana raspuštanja, poslove organa mjesne zajednice obavljat će povjerenik kojeg odlukom o raspuštanju organa imenuje Gradsko vijeće.“

11.) U članu 82. stav 1. alineja 3. Statuta treba da glasi: „Savjet mjesne zajednice predlaže kandidata za predsjednika i zamjenika predsjednika Savjeta Gradskom vijeću koji ga imenuje svojom Odlukom.

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjebdu na član 82. stav (1) alineja 3. Nacrta Statuta Grada Zavidovići

12.) Član 83. stav 1. Statuta treba da glasi: „Predsjednik Savjeta može biti opozvan od strane Gradskog vijeća ukoliko Savjet ne djeluje duže od tri (3) mjeseca, ukoliko provodi aktivnosti suprotne Statutu Grada, krši etički kodeks i ne ostvaruje saradnju sa Gradskom upravom i Gradskim vijećem.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjebdu na član 83. stav (1) Nacrta Statuta Grada Zavidovići

13.) U članu 83. Statuta dodaje se stav 2. koji glasi: „Član Savjeta mjesne zajednice može biti opozvan po postupku i na način utvrđen statutom mjesne zajednice.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjebdu na član 83. stav (2) Nacrta Statuta Grada Zavidovići.

14.) U članu 86. stav 1., 2., 3. i 4. Statuta riječi „zbor građana“ zamjenjuju se riječima „zbor ili forum građana.“

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjebdu na član 86. stav (1), (2), (3) i (4) Nacrta Statuta Grada Zavidovići.

15.) U članu 89. stav 1. iza alineje 2. Statuta dodaje se alineja 3. „forum građana“.

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata primjebdu na član 89. stav (1) alineja 2. Statuta Grada Zavidovići.

16.) Iza člana 98., dodaje se novi član 99. koji glasi „forum građana“.

Forum građana je konsultativni vid učešća građana u djelovanju mjesne zajednice, a čine ga sva lica sa područja mjesne zajednice upisana u birački spisak.

Forum građana se organizuje za kompletnu mjesnu zajednicu s tim da moraju biti zastupljena sva naseljena mjesta u toj mjesnoj zajednici.

Forum građana donosi Odluke pismenim izjašnjenjem svih prisutnih na osnovu čega se bodovanjem sačinjava rang-lista prioriternih projekata za naredni period.

IZJAŠNJENJE KOMISIJE ZA STATUT I PROPISE

Komisija za Statut i propise ne prihvata prijedlog da se iza člana 98. dodaje novi član 99., obzirom da ne prihvata da se u Statutu Grada Zavidovići unese novi oblik neposrednog učešća građana u odlučivanju u jedinici lokalne samouprave pod nazivom „forum“.

Članom 25. Zakona o principima lokalne samouprave u FBiH, propisano je da građani u mjesnoj zajednici putem organa mjesne zajednice odlučuju o poslovima značajnim za život i rad na području mjesne zajednice.


IZVJEŠTAJ SAČINILA

Samira Pinjić, dipl. pravnik



PREDSJEDNICA KOMISIJE
ZA STATUT I PROPISE

Zerina Husić, dipl. pravnik



- (3) Мандат вијећника Градског вијећа и градоначелника је четири године.

Члан 5.

(Градско вијеће)

- (1) Орган одлучивања Града Завидовићи је Градско вијеће.
- (2) Број чланова Градског вијећа одређује се Статутом Града у складу са законом.
- (3) Градско вијеће Града Завидовићи бира се демократским путем на непосредним и тајним изборима на подручју цијелог града.

Члан 6.

(Градоначелник)

- (1) Извршни орган Града Завидовићи је градоначелник.
- (2) Градоначелник Града Завидовићи бира се у складу са Законом о избору, престанку мандата, опозиву и замјени начелника општина у Федерацији Босне и Херцеговине ("Службене новине Федерације БиХ", број 19/08).

Члан 7.

(Статут)

- (1) Град Завидовићи има Статут.
- (2) Статутом Града Завидовићи прописује се и уређује самоуправни дјелокруг Града, његова обиљежја, сједиште, јавна признања, организација, овлашћења и начин рада његових органа, међусобни односи Градског вијећа и градоначелника, облици непосредног одлучивања грађана, сарадња с другим јединицама локалне самоуправе и друга питања од значаја за Град.
- (3) Статут Града Завидовићи мора бити у складу с Уставом Федерације Босне и Херцеговине, Уставом Зенчкодобојског кантона и федералним и кантоналним законодавством.
- (4) Статут Града Завидовићи припрема и усваја Градско вијеће двотрећинском већином вијећника Градског вијећа.

Члан 8.

(Правно сљедништво)

- (1) Град Завидовићи је правни сљедник Општине Завидовићи и има законом одређене надлежности града и преузима надлежности, права, обавезе и имовину општине чији је правни сљедник.
- (2) Вијећници Општинског вијећа Завидовићи и начелник Општине Завидовићи, изабрани на Општинским изборима одржаним 15. новембра 2020. године, ступањем на снагу овог закона, настављају с радом као вијећници Градског вијећа и градоначелник Града Завидовићи.
- (3) Општински органи управе и управне организације, стручне и друге службе и други општински органи, ступањем на снагу овог закона настављају с радом као органи и службе Града Завидовићи.
- (4) Јавна предузећа и јавне установе, чији је оснивач Општина, настављају с радом као јавна предузећа и установе Града Завидовићи.

Члан 9.

(Привремена статутарна одлука)

Вијећници изабрани на Општинским изборима за Општину Завидовићи одржани 2020. године донијеше Привремену статутарну одлуку Града Завидовићи у року од два мјесеца од дана ступања на снагу овог закона, која ће важити до доношења Статута Града.

Члан 10.

(Ступање на снагу)

Овај закон ступа на снагу осмог дана од дана објављивања у "Службеним новинама Федерације БиХ".

Предсједавајући Представничког дома Парламента Федерације БиХ	Предсједавајући Дома народа Парламента Федерације БиХ
Мирсад Занмовић, с. р.	Томислав Мартиновић, с. р.

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O GRADU ZAVIDOVIĆI

Proglašava se Zakon o Gradu Zavidovići, koji je usvojio Parlament Federacije Bosne i Hercegovine na sjednici Predstavničkog doma od 21.12.2021. godine i na sjednici Doma naroda od 17.02.2022. godine.

Broj 01-02-1-119-01/22

28. februara 2022. godine
Sarajevo

Predsjednik
Marinko Čavara, s. r.

ZAKON O GRADU ZAVIDOVIĆI

Члан 1.

(Predmet Zakona)

U skladu s uvjetima iz člana 5. stav 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) ovim zakonom uspostavlja se Grad Zavidovići, određuje njegov teritorij, propisuje svojstvo, organi, način izbora gradskog vijeća i gradonačelnika, uređuje donošenje privremene statutarne odluke, donošenje statuta, raspisivanje izbora i druga pitanja od značaja za primjenu ovog zakona.

Члан 2.

(Teritorij)

Teritorij Grada Zavidovići čine sva naseljena mjesta, koja su se prema evidenciji Federalnog zavoda za statistiku nalazila u okviru Općine Zavidovići na dan stupanja na snagu ovog zakona.

Члан 3.

(Svojstvo)

Grad Zavidovići je jedinica lokalne samouprave i ima svojstvo pravne osobe.

Члан 4.

(Samoupravni organi)

- (1) Samoupravni organi Grada Zavidovići su Gradsko vijeće i gradonačelnik.
- (2) Samoupravni organi Grada Zavidovići poslove iz svoje nadležnosti vrše u skladu s ustavom, zakonom i Statutom Grada.
- (3) Mandat vijećnika Gradskog vijeća i gradonačelnika je četiri godine.

Члан 5.

(Gradsko vijeće)

- (1) Organ odlučivanja Grada Zavidovići je Gradsko vijeće.

- (2) Broj članova Gradskog vijeća određuje se Statutom Grada u skladu sa zakonom.
- (3) Gradsko vijeće Grada Zavidovići bira se demokratskim putem na neposrednim i tajnim izborima na području cijelog grada.

Član 6.

(Gradonačelnik)

- (1) Izvršni organ Grada Zavidovići je gradonačelnik.
- (2) Gradonačelnik Grada Zavidovići bira se u skladu sa Zakonom o izboru, prestanku mandata, opozivu i zamjeni načelnika općina u Federaciji Bosne i Hercegovine ("Službene novine Federacije BiH", broj 19/08).

Član 7.

(Statut)

- (1) Grad Zavidovići ima Statut.
- (2) Statutom Grada Zavidovići propisuje se i uređuje samoupravni djelokrug Grada, njegova obilježja, sjedište, javna priznanja, organizacija, ovlaštenja i način rada njegovih organa, međusobni odnosi Gradskog vijeća i gradonačelnika, oblici neposrednog odlučivanja građana, saradnja s drugim jedinicama lokalne samouprave i druga pitanja od značaja za Grad.
- (3) Statut Grada Zavidovići mora biti u skladu s Ustavom Federacije Bosne i Hercegovine, Ustavom Zeničko-dobojskog kantona i federalnim i kantonalnim zakonodavstvom.
- (4) Statut Grada Zavidovići priprema i usvaja Gradsko vijeće dvotrećinskom većinom vijećnika Gradskog vijeća.

Član 8.

(Pravno sljedništvo)

- (1) Grad Zavidovići je pravni sljednik Općine Zavidovići i ima zakonom određene nadležnosti grada i preuzima nadležnosti, prava, obaveze i imovinu općine čiji je pravni sljednik.
- (2) Vijećnici Općinskog vijeća Zavidovići i načelnik Općine Zavidovići, izabrani na Općinskim izborima održanim 15. novembra 2020. godine, stupanjem na snagu ovog zakona, nastavljaju s radom kao vijećnici Gradskog vijeća i gradonačelnik Grada Zavidovići.
- (3) Općinski organi uprave i upravne organizacije, stručne i druge službe i drugi općinski organi, stupanjem na snagu ovog zakona nastavljaju s radom kao organi i službe Grada Zavidovići.
- (4) Javna preduzeća i javne ustanove, čiji je osnivač Općina, nastavljaju s radom kao javna preduzeća i ustanove Grada Zavidovići.

Član 9.

(Privremena statutarne odluka)

Vijećnici izabrani na Općinskim izborima za Općinu Zavidovići održanim 2020. godine donijet će Privremenu statutaru odluku Grada Zavidovići u roku od dva mjeseca od dana stupanja na snagu ovog zakona, koja će važiti do donošenja Statuta Grada.

Član 10.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući
Predstavničkog doma
Parlamenta Federacije BiH
Mirsad Zaimović, s. r.

Predsjedavajući
Doma naroda
Parlamenta Federacije BiH
Tomislav Martinović, s. r.

392

Temeljem članka 14.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O GRADU STOLAC

Prolašava se Zakon o Gradu Stolac, koji je usvojio Parlament Federacije Bosne i Hercegovine na sjednici Zastupničkog doma od 21.12.2021. godine i na sjednici Doma naroda od 17.2.2022. godine.

Broj 01-02-1-120-01/22
28. veljače 2022. godine
Sarajevo

Predsjednik
Marinko Čavara, v. r.

ZAKON

O GRADU STOLAC

Članak 1.

(Predmet Zakona)

U skladu s uvjetima iz članka 5. stavak 2. Zakona o načelima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) ovim zakonom uspostavlja se Grad Stolac, određuje njegov teritorij, propisuje svojstvo, tijela, način izbora gradskog vijeća i gradonačelnika, uređuje donošenje privremene statutarne odluke, donošenje statuta, raspisivanje izbora i druga pitanja od značaja za primjenu ovoga zakona.

Članak 2.

(Teritorij)

Teritorij Grada Stolac čine sva naseljena mjesta, koja su se prema evidenciji Federalnog zavoda za statistiku nalazila u okviru Općine Stolac na dan stupanja na snagu ovoga zakona.

Članak 3.

(Svojstvo)

Grad Stolac je jedinica lokalne samouprave i ima svojstvo pravne osobe.

Članak 4.

(Samoupravna tijela)

- (1) Samoupravna tijela Grada Stolac su Gradsko vijeće i gradonačelnik.
- (2) Samoupravna tijela Grada Stolac poslove iz svoje nadležnosti vrše sukladno ustavu, zakonu i Statutu Grada.
- (3) Mandat vijećnika Gradskog vijeća i gradonačelnika je četiri godine.

Članak 5.

(Gradsko vijeće)

- (1) Tijelo odlučivanja Grada Stolac je Gradsko vijeće.
- (2) Broj članova Gradskog vijeća određuje se Statutom Grada sukladno zakonu.
- (3) Gradsko vijeće Grada Stolac bira se demokratskim putem na neposrednim i tajnim izborima na području cijeloga grada.

Članak 6.

(Gradonačelnik)

- (1) Izvršno tijelo Grada Stolac je gradonačelnik.
- (2) Gradonačelnik Grada Stolac bira se u skladu sa Zakonom o izboru, prestanku mandata, opozivu i zamjeni načelnika općina u Federaciji Bosne i Hercegovine ("Službene novine Federacije BiH", broj 19/08).

Članak 7.

(Statut)

- (1) Grad Stolac ima Statut.



Broj: 01-04-2940/22-AP-13

Datum: 05.04.2023. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 13. i 18. Privremene Statutarne Odluke Grada Zavidovići („Službeni glasnik Općine Zavidovići“, broj 4/2022), a u vezi sa članovima 106. i 120. Poslovnika o radu Gradskog vijeća Zavidovići – prečišćeni tekst („Službeni glasnik Grada Zavidovići“, broj 7/22 i 1/23), Gradsko vijeće Zavidovići na 12. sjednici održanoj dana 05.04.2023. godine, razmatralo je Nacrt Statuta Grada Zavidovići, pa nakon rasprave donijelo

ZAKLJUČAK

1. Gradsko vijeće Zavidovići prihvata Nacrt Statuta Grada Zavidovići.
2. Nacrt Statuta Grada Zavidovići, upućuje se na javnu raspravu, koja će se održati u Velikoj sali gradskih organa Zavidovići, a čiji termin održavanja će utvrditi Komisija za Statut i propise.
3. Zadužuje se Komisija za Statut i propise da u periodu od 60 dana, organizuju provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.
4. O rezultatima javne rasprave i pretresu na sjednici Gradskog vijeća Komisija za Statut i propise dužna je podnijeti izvještaj Gradskom vijeću.
5. Komisija za Statut i propise će prilikom utvrđivanja Prijedloga Statuta Grada Zavidovići, uzeti u obzir primjedbe i mišljenja iznijeta tokom provedene javne rasprave, kao i mišljenja i prijedloge iznijete tokom pretresa na Gradskom vijeću, te će obrazložiti razloge zbog kojih eventualno nije prihvatila pojedine prijedloge i mišljenja koji su iznijeti u javnoj raspravi.
6. O realizaciji ovog zaključka staraće se Komisija za Statut i propise i Stručna služba Gradskog vijeća.



PREDSJEDAVAJUĆI
GRADSKOG VIJEĆA

Admir Fojnica, prof.

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANCIJA - FINANSIJA
POREZNA UPRAVA FEDERACIJE BOSNE I HERCEGOVINE
KANTONALNI POREZNI URED ZENICA

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF FINANCE
TAX ADMINISTRATION
ZENICA CANTONAL TAX OFFICE

Na osnovu člana 169. Zakona o upravnom postupku Federacije BiH ('Službene novine Federacije BiH', broj: 2/98 i 48/99), člana 16. stav 4. Zakona o Poreznoj upravi Federacije Bosne i Hercegovine ('Službene novine Federacije BiH', broj: br: 33/02, 28/04, 57/09, 40/10, 27/12, 7/13, 71/14 i 91/15) i člana 36. Pravilnika o dodjeljivanju identifikacionih brojeva, registraciji i identifikaciji i evidencijama poreznih obveznika na teritoriji Federacije BiH ('Službene novine Federacije BiH', broj: 69/17, 17/18 i 32/20), Porezna uprava Federacije BiH u porezne svrhe izdaje:

UVJERENJE O REGISTRACIJI POREZNOG OBVEZNIKA

Identifikacioni broj poreznog obveznika (glavni broj)

4218234570005

Naziv:


Grad Zavidovići

Sa adresom:

Mehmed-paše Sokolovića broj 9, ZAVIDOVIĆI, ZENIČKO-DOBOJSKI KANTON

Datum izdavanja: 29.06.2022.

00001012378005



Po ovlaštenju rukovodioca Kantonalnog ureda

Harun Rizvanović, dipl. ecc.

Harun Rizvanović

ovjeruje se da je ovaj prepis fotokopija istovjetan sa
njegovim izvornikom, ovjerenim ili prošim prepisom
napisanim mašinom, mastilom, olovkom ili fotokopiran
koji se sastoji od _____ tabaka a nalazi se kod _____

Izvorna isprava ovjereni prepis

Taksa za ovjeru po Tar. broju _____ od _____

naplaćena je i poništena


Osiobodeno od plaćanja takse po tar. broju _____

ačke _____ ZOTA-a i odluke OAT

BRAD ZAVIDOVSKI 2023/23

u broj _____

24-11-2023 202



Broj: 05-28-9-842-2/23

Datum: 07-08-2023

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Stručna služba Gradskog vijeća**

Predmet: Zastupljenost nacionalnih manjina u Gradu Zavidovići, prema zadnjem popisu stanovništva, dostavlja se

Veza: Vaš akt broj 01 - 04 - 2940/22 – AP - 21

Poštovani,

Aktom veze od dana 25.07.2023. godine obratili ste se Federalnom zavodu za statistiku sa zahtjevom za dostavu podataka o zastupljenosti pripadnika nacionalnih manjina u ukupnom broju stanovništva općine Zavidovići prema podacima posljednjeg Popisa stanovništva iz 2013. godine, a u skladu sa članom 3. Zakona o zaštiti prava pripadnika nacionalnih manjina BiH ("Službeni glasnik BiH", br. 12/03 i 76/05).

U prilogu dostavljamo tražene podatke.

S poštovanjem,



DIREKTOR

Doc. dr. Emir Kremić

Prilog: tabela sa traženim podacima

Stanovništvo općine **Zavidovići** prema etničkom/nacionalnom izjašnjavanju prema podacima Popisa 2013. godine, tj. **nacionalne manjine** u skladu sa članom 3. Zakona o zaštiti prava pripadnika nacionalnih manjina BiH ("Službeni glasnik BiH", br. 12/03 i 76/05)

	Broj osoba
Ukupno nacionalne manjine	457
Albanac/Albanska	29
Crnogorac/Crnogorka	6
Čeh/Čehinja	2
Italijan/Italijanka	1
Jevrej/Jevrejka	0
Mađar/Mađarka	1
Makedonac/Makedonka	2
Nijemac/Nijemica	2
Poljak/Poljakinja	0
Rom/Romkinja	411
Rumun/Rumunka	0
Rus/Ruskinja	1
Rusin/Rusinka	1
Slovak/Slovakinja	0
Slovenac/Slovenka	1
Turčin/Turkinja	0
Ukrajina/Ukrajinka	0

Napomena: Evidentirane su osobe koje su se o svojoj etničkoj / nacionalnoj pripadnosti izjasnile onako kako je to navedeno u Zakonu o zaštiti prava pripadnika nacionalnih manjina BiH.

Broj stanovnika općine Zavidovići prema podacima Popisa 2013. godine	35.988
Broj stanovnika općine Zavidovići prema etničkom/nacionalnom izjašnjavanju prema podacima Popisa 2013. godine, tj. nacionalne manjine u skladu sa članom 3. Zakona o zaštiti prava pripadnika nacionalnih manjina BiH	457
Učešće nacionalnih manjina u odnosu na ukupan broj stanovnika općine, %	1,3

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Stručna služba Gradskog vijeća
Broj: 01-04-2940/22-AP-21
Datum: 25.07.2023. godine

FEDERACIJA BOSNE I HERCEGOVINE
FEDERALNI ZAVOD ZA STATISTIKU
SEKTOR ZA STATISTIKU STANOVNIŠTVA I DRUŠTVENE STATISTIKE
Zelenih beretki 26
71 000 SARAJEVO
Fax 033 – 226 151
e-mail fedstat@fzs.ba

PREDMET: Zastupljenost nacionalnih manjina u Gradu Zavidovići, prema zadnjem popisu stanovništva, traži se

Gradsko vijeće Zavidovići u postupku je izrade Statuta Grada Zavidovići.

Da bi pravilno primijнили odredbe poglavlja 13A, član 13.14 stav (1) i (2) Izbornog zakona Bosne i Hercegovine, („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), koji glasi:

„(1) Pripadnici nacionalnih manjina imaju pravo na zastupljenost u općinskom vijeću, odnosno u skupštini općine i gradskom vijeću, odnosno skupštini grada srazmjerno procentu njihovog učešća u stanovništvu prema posljednjem popisu u Bosni i Hercegovini.

(2) Broj pripadnika nacionalnih manjina koji se neposredno biraju u općinsko vijeće, odnosno skupštinu općine i gradsko vijeće, odnosno skupštinu grada utvrđuje se statutom općine, odnosno grada pri čemu se pripadnicima svih nacionalnih manjina, koji u ukupnom broju stanovništva te izborne jedinice, prema zadnjem popisu stanovništva, učestvuju s više od 3%, garantira najmanje jedno mjesto.“, ***potreban je da nam dostavite podatak o zastupljenosti nacionalnih manjina u ukupnom broju stanovništva Općine Zavidovići sada Grada Zavidovići, prema zadnjem popisu stanovništva iz 2013 godine.***

Član 1.1a stav (8) Izbornog zakona Bosne i Hercegovine, glasi:

„(8) Pripadnik nacionalne manjine" podrazumijeva državljanina Bosne i Hercegovine koji ne pripada nijednom od tri konstitutivna naroda. Nacionalnu manjinu čine ljudi istog ili sličnog etničkog porijekla, iste ili slične tradicije, običaja, vjerovanja, jezika, kulture i duhovnosti i bliske ili srodne historije i drugih obilježja

Član 3. Zakona o zaštiti prava pripadnika nacionalnih manjina Bosne i Hercegovine („Službeni glasnik BiH“, broj:12/03, 76/05), glasi:

„Nacionalna manjina, u skladu sa ovim zakonom, je dio stanovništva-državljana BiH koji ne pripadaju ni jednom od tri konstitutivna naroda, a sačinjavaju je ljudi istog ili sličnog etničkog porijekla, iste ili slične tradicije, običaja, vjerovanja, jezika, kulture i duhovnosti i bliske ili srodne povijesi i drugih obilježja.

BiH štiti položaj i ravnopravnost pripadnika nacionalnih manjina: Albanaca, Crnogoraca, Čeha, Italijana, Jevreja, Mađara, Makedonaca, Nijemaca, Poljaka, Roma,

Rumuna, Rusa, Rusina, Slovaka, Slovenaca, Turaka, Ukrajinaca i drugih koji ispunjavaju uvjete iz stava 1. ovog člana.“

Molimo da nam podatak dostavite što prije.
S poštovanjem.

DOSTAVLJENO:

1. Naslovu,
2. U spis.

SEKRETAR GRADSKOG VIJEĆA

Samira Pinjić, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Stručna služba Gradskog vijeća

Broj: 01-04-2940/22-AP-16

Datum: 05.04.2023. godine

KOMISIJA ZA STATUT I PROPISE

-ovdje-

PREDMET: Izvod iz Zapisnika sa 12. sjednice Gradskog vijeća Zavidovići, održane 05.04.2023. godine, dostavlja se.


U prilogu akta dostavljamo Vam Izvod iz Zapisnika sa 12. sjednice Gradskog vijeća Zavidovići, održane 05.04.2023. godine po Nacrtu Statuta Grada Zavidovići, na daljnje postupanje.

S poštovanjem.

DOSTAVLJA SE:

1. Naslovu
2. a/a

SEKRETAR
GRADSKOG VIJEĆA
Samira Pinjić, dipl. pravnik



PRILOG:

1. Izvod iz Zapisnika sa 12. sjednice
Gradskog vijeća Zavidovići
održane 05.04.2023. godine



IZVOD IZ ZAPISNIKA
sa 12. sjednice Gradskog vijeća održane 05.04.2023. godine

Ad.2. – Nacrt Statuta Grada Zavidovići

Presjedavajući Admir Fojnica: Tačka 2. dnevnog reda Nacrt Statuta Grada Zavidovići, molim izvjestioca za uvodno izlaganje ukoliko je tu i ukoliko ima potrebe? Treba? Da.

Sekretar Gradskog vijeća Samira Pinjić: Esselamu alejkum i dobar dan, sve vas srdačno pozdravljam i želim vam ugodan i uspješan radni dan. Nacrt Statuta koji se danas nalazi pred vama pripremila je Komisija za Statut i propise, na osnovu odluke Gradskog vijeća o pristupanju izradi Statuta Grada Zavidovići. Osnovni razlog pristupanja izradi novog Statuta je donošenje Zakona o proglašenju Grada Zavidovići. Ukoliko ste pratili izmjene i dopune koje se odnose na važeći Statut, ja ću samo ukazivati na one članove gdje je preložena određena izmjena. Pa krenut ću od člana, samo malo, to je član 17. Znači, Komisija za Statut i propise ostala je kod broja vijećnika, zadržala je 29 vijećnika. Prema Izbornom zakonu, obzirom na broj glasača upisanih u izvod iz centralnog biračkog spiska Grad Zavidovići bi mogao da ima od 25 do 31 vijećnika, pa evo za razmišljanje, znači trenutno u članu 17. to je 29 vijećnika. Stav 4. Nacionalne manjine na području Grada Zavidovići su sa jednim mjestom u sastavu gradskog vijeća, zastupljene u sastavu, zastupljene su sa jednim mjestom u sastavu gradskog vijeća, pardon. Ovdje je Komisija za Statut i propise predložila usaglašavanje sa Izbornim zakonom, to je član 1. 1 tačka 8. i član Izbornog zakona koji se odnosi na reguliranje kandidacionog postupka za nacionalne manjine. Prema popisu stanovništva iz 2013. godine u Gradu Zavidovići, Ostalih ima 3,55% i u ovom slučaju pripada im najmanje jedno mjesto. Zatim, dalje što bih željela da ukažem, novinu koju smo predvidjeli ovdje, to je član 23. Javnost rada. Stav 1. glasi: Rad Gradskog vijeća je javan. Stav 2. Javnost rada Gradskog vijeća obezbjeđuje se prijenosom sjednica Gradskog vijeća putem sredstava javnog informisanja i u skladu sa tehničkim mogućnostima. Do sada nismo imali ovakvu odredbu, a imajući u vidu opredjeljenje Gradskog vijeća da njihov rad prate sredstva javnog informisanja putem slušanih i gledanih medija, Komisija za Statut i propise bila je stava da se ovakva jedna odredba unese u Statut Grada Zavidovići. Dalje što ću ukazati to je, to je, na član 32. kad je u pitanju Načelnik. Član 32. Opoziv, samo malo, pardon, član 31. stav 7., ovo je novina, znači u stavu 7. piše ako Gradonačelnik podnese ostavku, dužan je ostati na dužnosti do izbora novog Gradonačelnika. Znači, ovdje podcrtavam ovu novinu, da razmislite o ovom prijedlogu. U skladu i u smislu ono što je regulisano Statutom, znači imamo onu posebnu odredbu koja se tiče, povezana je sa članom 33., a da Gradsko vijeće određuje lice koje će zamjenjivati, a evo imamo i ovakvih rješenja, koja su po meni dosta praktična zbog kontinuiteta. Zatim član 34. Nadležnost Gradonačelnika. Želim da obratite pažnju na tačku 11. stav 1., tačka 11. gdje kažu utvrđuju organizaciju službi za upravu i drugih službi Grada. Ova odredba bi trebala da bude prebačena u nadležnost Gradskog vijeća jer je ona u koliziji sa članom 44. stav 2. Evo i na ovaj način da ukažemo kod javne rasprave, jer će i ovo biti dio javne rasprave, pa da komisija obrati pažnju na ovu odredbu. Član 38. Ovdje smo malo razradili kod međusobnog odnosa Gradskog vijeća i

Gradonačelnika kod izvještavanja. Recimo u članu 38. Osnove programa i politike stav 1. U roku od 3 mjeseca od konstituirajuće sjednice Gradskog vijeća, Gradonačelnik dostavlja gradskom vijeću prijedlog koji sadrži osnove programa i politike koje treba ostvariti u toku mandata. Gradsko vijeće razmatra programe iz prethodnog stava ovog člana u roku od najmanje 30 dana. Stav 3.: Gradsko vijeće prati provođenje programa u okviru izvještaja aktivnostima Gradonačelnika svake godine, najkasnije do 31. marta tekuće godine za prethodnu kalendarsku godinu. Gdje je praktično se, gdje se praktično traži od Gradonačelnika da izloži svoj četverogodišnji program i on bi bio praćen u realizaciji sve četiri godine. Zatim još jednu opasku, to je član 45. i član 51. gdje imamo ponavljanje, to je stav 2.: Gradske službe za upravu u okviru prava i dužnosti grada samostalno obavljaju poslove iz svoje nadležnosti i za svoj rad odgovorni su Gradonačelniku. U istovjetnom tekstu ova se odredba pojavljuje u članu 51, pa bi jedna od ovih odredaba trebala biti brisana, a jedna zadržana. Posebno ukazujem za potrebnim da obratite pažnju na poglavlje 8 - Mjesna samouprava. Znači, ovdje je pokušano na neki način da se daju određena rješenja, tamo gdje se u praksi primijetilo da ima određenih poteškoća. U principu to je postupak osnivanja mjesne zajednice, postupak izbora savjeta mjesne zajednice i sam izbor predsjednika savjeta. Kao i nadzor na radom mjesnih zajednica. Pa u tom smislu da iskoristite period javne rasprave i da date korisne primjedbe imajući u vidu rad na terenu. Znači ono što bi doprinijelo, a da bude u skladu sa pozitivnim zakonskim propisima. Što je još novina u ovom dijelu, kad je u pitanju mjesna samouprava. To je ova procedura izbor Savjeta mjesne zajednice, gdje se praktično pokušalo sada iz prakse uvesti rad ove komisije koja radi na provođenju izbora za Savjete članova, Savjeta mjesnih zajednica, s tim da se sad, recimo u članu 73. stav 5. Procedura o načinu provođenja izbora za Savjet mjesne zajednice propisuje se Pravilnikom o načinu provođenja izbora za Savjet mjesne zajednice koji donosi Gradsko vijeće na prijedlog Gradonačelnika. Znači ovaj Pravilnik bi praktično sa donošenjem od strane Gradskog vijeća, objavom u Službenom glasniku predstavljao proceduru, ujednačenu proceduru, zvaničnu, javnu kod provođenja izbora za članove Savjeta mjesne zajednice, jer znate da su izbori neposredni, svake četiri godine i da je to dosta ozbiljan, težak posao koji iziskuje određena finansijska sredstva i u skladu s tim treba ga i odrediti ispravno. Zatim predloženo je isto tako procedura zakazivanja konstituirajuće sjednice, to vam je član, član 82. tu su ponuđene određene novine, ko zakazuje sjednicu i u slučaju ako se ne može zakazati da, da ovaj to bude najstariji član ili da bude onaj ko je ostvario najveći broj bodova, ali ima li potrebe da vam to sad čitam? Nema. Nema, znači obratite pažnju na član 82. Poglavlje - Zdravstveni savjet Grada. Ako se sjećate na jednoj od ranijih sjednica ovo vijeće je donijelo odluku o pristupanju izmjeni Statuta Općine Zavidovići u dijelu Mjesne samouprave i Zdravstvenog savjeta. Odredbe koje su na snazi u Statutu Općine Zavidovići prenešene su u Statut Grada Zavidovići. Ideja je bila ta da javna rasprava da da određen, da poluči određene rezultate i da se na osnovu dosadašnjeg rada Savjeta, Zdravstvenog savjeta ponude određena kvalitetna rješenja za rad Savjeta. U principu ostali dio je manje više identičan važećem Statutu Općine Zavidovići. I evo, ako budem mogla odgovoriti, ako bude određenih pitanja.

Presjedavajući Admir Fojnica: Zahvaljujem. Otvaram raspravu po predmetnoj tački. Ko želi? Gospodin Šimšić.

Vijećnik Igor Šimšić: Još jednom pozdravljam sve prisutne. Prije svega raduje me činjenica da smo ovako važan dokument dobili na vrijeme i razmatranje. Isto tako pozivam sve društveno-političke subjekte u našoj zajednici da uzmu učešće u procesu koji slijedi, do krajnjeg donošenja ovog krovnog dokumenta našeg Grada. Otprilike klub vijećnika SDP-a će naravno aktivno sudjelovati i u javnoj raspravi i kroz vijeće kao dijela javne rasprave, a isto tako vjerujem predložiti će i neka svoja rješenja na ovaj dokument. Zahvaljujemo sekretaru na opširnom obrazlaganju pojedinih članova, stavova i sadržina istih, otprilike smo u istom fonu bili kao i vi. Imali smo nedoumice po par pitanja. Znači naročito odredbe člana 17., Opšte odredbe koja govori o Gradskom vijeću, o brojnosti vijećnika i o ovom stavu 4. o nacionalnim

manjinama. Sad postaviti pitanje da li se ovdje odnosi na popis iz 2013., je li to zaključena priča o popisu iz 2013.? Jeste. Oke. Dalje, stav 5.: Ukoliko se ne može izvršiti dodjela mandata, oke i tu se slažem da ova sadržina treba stajati, međutim, mi trebamo poznavati kako se vrši formiranje sa liste nacionalnih manjina i smatram da možda ovaj stav neće ni trebati, jer će biti izabrani u svakom slučaju. Znači, jednostavno ne postoji ni neka teorijska mogućnost da neće, one su odvojene liste, to ste upoznati sa svim. Znači, da bi se prihvatila, mora biti bilo ko iz nacionalne manjine, znači, jedan glas tog istog čovjeka, možda ovaj stav 5. može da se briše. Po meni mislim, jer neće prihvatiti ni CIK listu za nacionalne manjine na području našeg Grada, samim tim, ne može se predati prazna lista, ako bude bilo ko bit će izabran. Ukoliko se ne može izvršiti dodjela mandata, zašto se ne može izvršiti dodjela mandata? Ukoliko niko ne dobije taj mandat, sa liste nacionalnih manjina, taj mandat ostaje upražnjen. Da, ali kako ne može dobiti, teorijski ne može dobiti. E to, zbog toga i potenciram ovu priču, ali imate listu koja se predaje, koja se verifikuje, koji ima bilo koji, znači mora jedan glas dobiti, u bilo kakvom slučaju, znači nema, mora biti izabran, ali oke, nema veze. Još jedna naša sugestija, kada takođe pričamo o članu, počeo sam jedan, mislim da u članu 25. koji govori o konstituirajućoj sjednici, isto naravno poglavlje Vijeće. Mislim da ovdje u stavu 6. predsjedavajući Gradskog vijeća bira se u skladu sa Ustavom Federacije BiH, mislim da ovdje trebamo dopuniti ovaj sadržaj, u skladu sa našim Statutom. Ovo mi je nekako opširno, suženo i doći ćemo tu da počnemo tumačiti Ustav Federacije, mi ovdje, koji većina nisu niti nadležni, a ni ne poznavaju tu materiju. Što se tiče ovog člana 31. takođe u poglavlju Gradonačelnika i što ste govorili o stavu 7. da Gradonačelnik podnese ostavku dužan je ostati do na dužnosti do izbora novog Gradonačelnika, mislim da dolazi u koliziju sa članom 33. i naročito ovdje u slučaju prestanka mandata iz razloga propisanih zakonom. Tamo zakon ne govori to, da može, da, da je u obavezi, a ovdje piše dužan je ostati, znači tu ne može baš tako, tu možda da razmišljamo. Ovo samo sugestije, možda ja griješim, ali mislim da, da. Sljedeće, neću duljiti, neću uzimati vrijeme, što se tiče Mjesne zajednice, u potpunosti se slažem sa vama. Izmjene su, takođe Zdravstveni savjet, mislim da ćemo i kroz javnu raspravu, a evo ovdje i da uputim ovu priču cijelu, da ćemo mi djelovati, predložiti neka rješenja, vidjet ćemo da li će to kolege ili već prihvatiti od prerađivača, smatram i pozivam sve relevantne subjekte da uzmu, jer ovo nam je krovni dokument našeg Grada. I stvarno bi bilo lijepo da svi uzmemo učešće i da damo neke sugestije i da konačno napravimo dokument koji će biti vodilja nama u svemu.

Predsjedavajući Admir Fojnica: Zahvaljujem. Gospodin Kaknjašević.

Vijećnik Ferid Kaknjašević: Evo ja ću dati jedan skromni doprinos, kratki. Hvala sekretaru što nas je ovako ipak na određen način usmjerio na promjenu članova koji su važni. Dakle, ostaje bez obzira, ovo se nadovezujem na Igorovu diksusiju, ostaje dilema, da će ovaj stav 5.: Ukoliko se ne može izvršiti dodjela mandata pripadnicima nacionalnih manjina, na osnovu izbornog rezultata, taj mandat ostaje upražnjen, da li će on biti popunjen do 29.? To je, malo nam tu morate pojasniti. Znači, jedno im je zagarantovano, znači 28 su Ostalim, mislim ovaj pripadnici konstitutivnih naroda. Vi ste rekli procenat 3,9 ne znam baš da li je toliki sad procenta, to je bilo, izvinjavam se onda, to je to. Zato kažem da vidimo, vi ste nas uputili u Izborni zakon, ja ga sad ovdje nemam, ali možda bi bilo dobro ako Vi imate, da razjasnimo tu dilemu. U članu gdje se govori o javnosti rada Gradskog vijeća, ja mislim da bi ovaj član ili stav koji nisam sad na njemu, u skladu sa tehničkim mogućnostima. To mi malo zvuči, vjerujte malo kao u prošlosti, kao da smo u prošlosti, kao da imamo toliko problema sa prenosom, da ne možemo organizirati, razumijete, jednu kameru, staviti, prenositi, ne znam ni ja, toliko je napredovala tehnologija. Mislim da ovo ne bi imalo smisla, u skladu sa tehničkim mogućnostima, možda ovo u skladu sa finansijskim mogućnostima, nečijim. Možda drugačije da se to formuliše, jer mi je, nelogično mi je da se danas tehnički to ne može organizovati. To je moja primjedba. Dalje, ovdje nije bilo riječ uopšte o elektronskom glasanju. Možda i o tome razmislimo, ali vidim da stav, nijedan član zakona, mi smo ušli u proceduru elektronskog glasanja, da ga postavimo sad, kad već imamo mogućnost da li će to biti obavezni vid glasanja

ili dopunski ili u slučajevima pandemije kako se dešavalo itd.itd. Jer vidimo da je tu napredak. Slažem se sa ovim članom, mislim da je i zakonski da organizaciju službi u organima uprave utvrđuje Gradsko vijeće, a mislim da je i do sada bilo tako. Što se tiče Zdravstvenog savjeta, pošto sam ja i sam član Zdravstvenog savjeta i aktivno sam uzeo učešće u radu Zdravstvenog savjeta, Vi ste rekli da se moraju ponuditi neka kvalitetnija rješenja ako neko ima, ovaj, neko rješenje koje bi bilo kvalitetnije, ja bi volio danas ili Gradonačelnik ili Vi sekretaru ili neko od vijećnika, da danas već na ovoj sjednici kažemo da mi to uvesti. Svakako da ima problema u radu Zdravstvenog savjeta u smislu tome da čak ni pojedini, kako bi rekao, stručne osobe u Zdravstvenom savjetu, mislim na ljekare, tehničare, koji su u Zdravstvenom savjetu, ne uzimaju baš tako učešće u radu. To je po meni nekakva kritika. Ne znam, možda sam i ja jedan od njih, možda i nisam, ali daleko manje učešće uzimaju nezdravstveni članovi Zdravstvenog savjeta, dakle, ovi koji su iz opcije predstavnika građana i organizacija, udruženja itd, vjerujte da su jako pasivni i vjerujte da nekako da su oni tu samo da se pojave, da kažu, da postoje neki problemi, ustvari niko probleme nikakve ne iznosi i kad pitate ima li pritužbi na rad doktora, ne znam ni ja, organizacije zdravstvene zaštite svi šute. A mislim da je svrha Zdravstvenog savjeta i jeste upravo to da se uredi taj odnos organizacije zdravstvene zaštite, odnos ljekar – pacijent, odnosno prava, najviše se taj Zdravstveni savjet odnosi na poštovanje i provođenje prava pacijenata. Dakle, to jeste njegova svrha i problemi u tom smislu. Mislim da je to najviše nekakava njegova svrha i bila, ali meni se čini da su se tu najmanje nekako angažovali Zdravstveni savjet. Evo, to su moje neke primjedbe. Hvala.

Predsjedavajući Admir Fojnica: Zahvaljujem. Gospodin Haris Hodžić.

Vijećnik Haris Hodžić: Uvaženi predsjedavajući, opaska na izlaganje uvaženog kolege Kaknjaševića, da ne koristimo replike. Kolega kaže tehnički, izražava sumnju da se tehnički ne može organizovati snimanje sjednica. Može itekako, to mi dobro znamo, samo nema interesa da se to organizuje, da se vidi šta se radi, prvo od Gradonačelnika i do ostalih vijećnika koji daju potporu uvaženom Gradonačelniku. Kad je u pitanju Nacrt Statuta Grada Zavidovići, ne bi se ponavljao o stvarima koje su kolege već kazale. Svoje izlaganje koje će biti dio javne rasprave usmjerit ću na par poglavlja, čisto da dam svoj konstruktivni prijedlog. Jedan od prijedloga, evo pozivam i službu kad je u pitanju međusobni odnosi Gradonačelnika - Gradskog vijeća, evo predlažem službi da i sama zna, da u prethodnom periodu, ja sam takođe i svjedok toga, da na vijećnička pitanja se ne odgovara ni od strane službe ni od Gradonačelnika. Evo ja imam nekoliko vijećničkih pitanja na koja još uvijek nisam dobio odgovor, suprotno Pravilniku o radu, suprotno Statutu Grada Zavidovići, suprotno Zakonu o lokalnoj samoupravi. Sve se krši i dalje nema nikakve sankcije, ni za Gradonačelnika, ni za gradsku službu koja ne dostavlja odgovor na vijećničko pitanje. Znači, prijedlog da se kroz, evo, Statut ako može i neka sankcija uvede ili da se na neki način to riješi. Jer nema, ja ne vidim rezultat toga, evo imamo i kroz postojeći Statut to definisano, ali niko to ne poštuje. Morat ćemo ovo na neki način riješiti, pa stoga predlažem da se poduzmu neke mjere. Kad je u pitanju poglavlja 8 - Mjesna samouprava, pozdravio bih određene promjene i dao bi određene prijedloge za dopunu članova, kad je u pitanju član 78. Prestanak mandata članu Savjeta mjesne zajednice, dodano je opće opoziva, nije definisano šta je u pitanju, ali evo, pozdravljam svakako taj problem. Pretpostavljam da će se ovo na neki način Statutom Mjesne zajednice definisati u smislu šta je to opoziv, ali ja predlažem, evo ako, ne bi bilo loše da i kroz Nacrt Grada Zavidovići regulišemo opciju opoziva, u smislu da opoziv, da ingerenciju opoziva damo samo zboru građana, a ne nikako Savjetu mjesne zajednice. To je jedna opaska, a druga je da, takođe član 78. stav 2. ovog člana treba dopuniti u smislu sljedećeg. Naime, ovaj stav kaže da ako članu Savjeta mjesne zajednice prestane mandat prije vremena za koji je biran, Gradsko vijeće će svojom odlukom dodijeliti mandat sljedećem kandidatu koji je dobio najveći broj glasova nakon provedenih izbora za Savjet mjesne zajednice. Ovdje ponovo nije donešeno rješenje za problem koji sam i prethodni put, na raspravama kad smo imali izvještaj Mjesnih zajednica, jeste to da imamo liste unutar Savjeta mjesnih zajednica koje su donijele samo po

jednog kandidata i kada prestane mandat tom članu mjesne zajednice, ne može se popuniti sljedeći kandidat, je li novi član Mjesne zajednice, jer niko iza njega ne dolazi, nije se niko prijavio. Pa iz tog razloga trebamo to definisati, ponovo vratiti, znači ingerencije dati zboru građana, pa ja sam nekako to i definisao: "Ukoliko nakon prestanka mandata članu Savjeta mjesne zajednice na listi iza njega nema drugih kandidata o dodjeli mandata odlučivat će zbor mještana, građana naseljenog mjesta iz kojeg je izbornim procesom došao član Savjeta kojem je prestao mandat." Eto toliko, kratko. Evo nadam se da će ovo biti sastavni dio javne rasprave i da će na neki način polučiti rezultatu.

Presjedavajući Admir Fojnica: Zahvaljujem. Replika. Imamović.

Vijećnik Imamović Armin: Ovaj, obzirom da mene 6000 pratioca na direktnom, pa da kažem, ovo po pitanju direktnog prenosa. Ja se sjećam kad sam uzeo mandat, da je bilo, zašto Načelnik toliko plaća za direktne prenose, pa smo prekinuli te direktne prenose. Sada nam odgovaraju direktni prenosi, da budemo lijepi i pametni i da gratis džaba dajemo, dobivamo ono svoje klipove, kako smo mi fini i pametni. Nemojte toga, građani znaju da direktan prenos samo trebaju da vi nešto kažete kao patriota.

Presjedavajući Admir Fojnica: Zahvaljujem. Gospodin Bošnjaković Hakija.

Vijećnik Bošnjaković Hakija: Evo i ja ću vrlo kratko. Pred nama je znači Nacrt Satatuta Grada Zavidovići, vrlo bitan dokument, koji evo čekamo, znamo da za usvajanje ovog dokumenta potrebna je 2/3 većina, u pitanju je Satatut Grada. Prije svega zahvalio bih se sekretaru na ovim pojašnjenjima, odnosno na izdvajanju nekih tačaka koje su najbitnije, najznačajnije. I ostalo je sve bitno, odnosno ove izmjene koje su nam nejasne. Ne bih se ponavljao, otprilike mi svi isto pričamo, ovo danas kolege koje su izlazile, bit će javna rasprava, ali i mene ovo, na kraju bih zamolio kad bi se svi diskutanti, da sekretar izađe i proba nam pojasniti, mene baš zanima, evo ove nacionalne manjine, to 3,55 koliko treba dobiti, ovo što kolega Igor kaže, je li to jedan glas dovoljno njima da prođu ili ako mi možete to pojasniti sekretaru, čisto da imam. I ovo sad, po ovome 29 vijećnika, jedno mjesto dobiva nacionalna manjina, mada evo Vi ste rekli na početku mi možemo podići na 31 vijećnik, na 30, a možemo i smanjiti do 25, je li tako nama pripada kao Gradu Zavidovići obzirom na broj stanovnika. Za sad ne bih više ništa, evo bit će javna rasprava, pa ćemo se uključiti nadam se aktivnije. Hvala.

Presjedavajući Admir Fojnica: Zahvaljujem. Odgovori.

Sekretar Gradskog vijeća Samira Pinjić: Ja bih samo malo pojašnjenje vezano za nacionalne manjine. Članom 13., 14. Izbornog zakona stav 2. kaže: Broj pripadnika nacionalnih manjina koji se neposredno biraju u Općinskom vijeću, odnosno Skupštini općine, Gradsko vijeće, odnosno Skupštinu grada utvrđuje se Statutom Općine, odnosno Grada, pri čemu se pripadnicima svih nacionalnih manjina koji u ukupnom broju stanovništva te izborne jedinice, prema zadnjem popisu stanovništva učestvuju sa više od 3% garantuje najmanje jedno mjesto. Izborni zakon je definisao i pojam nacionalne manjine. Tačka 8.1.1 a) Pripadnik nacionalne manjine podrazumijeva državljanina Bosne i Hercegovine koji ne pripada ni jednom od tri konstitutivna naroda. Nacionalnu manjinu čine ljudi istog ili sličnog etničkog porijekla, iste ili slične tradicije, običaja, vjerovanja, jezika, kulture i duhovnosti i bliske ili srodne historije i drugih obilježja. Znači, zadnji popis to je 2013.godina. Ja imam ovdje i zvanične podatke, ako Vas interesuju. Prema statističkim podacima popisa stanovništva u Bosni i Hercegovini iz 2013. godine objavljenim u „Službenom glasniku Bosne i Hercegovine broj 60/2016“ od 16.08.2016. godine, tačka 3.3. - Stanovništvo prema etničkoj, nacionalnoj, izjašnjavanju i spolu nivo Općine u Federaciji Bosne i Hercegovina, Općina Zavidovići ima ukupno stanovnika 35.988, od toga Bošnjaci 32.735 ili 90,96%, Hrvati 1.204 ili 3,35%, Srbi 573 ili 1,59%, nisu se izjasnili 162 ili 0,45% i Ostalih 1.278 ili 3,55%. Bez odgovora, imam i tih, 36 ili 0,10%. Znači, u ovom slučaju nama bi bio zadatak da uskladimo sa Izbornim zakonom i to bi bilo najmanje jedno mjesto, prema zastupljenosti Ostalih. Stav 5.: Ukoliko se ne može izvršiti dodjela mandata, znači u ovih 29 vijećnika ulazi jedno mjesto garantovano za nacionalnu manjinu. Kad se provede izborni postupak ukoliko rezultati izbora budu takvi, da imamo

kandidata, on se popunjava. Ukoliko nema kandidata mjesto ostaje upražnjeno. Znači, ne može biti dodijeljeno nikom drugom. Suština je u tome. Vidite nešto, hipotetički ne možemo reći nema kandidata. Ovo je rezultat izbora. Kad se provedu izbori, ukoliko se ne može izvršiti dodjela mandata CIK dodjeljuje mandat kad se provedu izbori. Ukoliko se desi jednostavno da nema kandidata, da se nije prijavio ili da nije prošao ili ne znam evo, ukoliko CIK ne dodijeli mandat nacionalnoj manjini mandat ostaje upražnjen. Znači, ostali dijele ostala mjesta.

Presjedavajući Admir Fojnica: Zahvaljujem. Gospodin Fehrić.

Vijećnik Šemso Fehrić: Pozdravljam prisutne kolege. Presjedavajućem čestitam, obzirom da ga nisam vidio do danas. Poštovani Gradonačelnice, kolege, mediji i ja malo uključit ću se u ovu raspravu, pa neke stvari koje sam primijetio, ako mogu nekoliko minuta da to obrazložim. Prije svega smatram da je greška ne uvoditi ili ne navesti elektronsko glasanje, bez obzira kad će ono doći ovdje na red, mislim da u dogledno vrijeme u ovoj Sali treba biti elektronsko glasanje. Kako ćemo se i kad ćemo se odlučiti za to stvarno ne znam. Mislim da bi ovo u sklopu rekonstrukcije ove sale trebalo i to predvidjeti, međutim eto, haman da smo i to zakasnili. Dalje, nisam vidio i nisam čuo ovdje iko da problematizuje ili da postavlja pitanje da li je 29 vijećnika praktično dovoljno ili ne. Pa eto ja ne bih to, možda, mislim u odnosu na ovaj popis, pošto smo ranije imali više stanovništva, možda malo smanjiti taj broj vijećnika, ali eto otom potom, da bar o tome malo razmislimo. Nisam dobro razumio kolegicu sekretara, ako se ne popuni teoreski ili hipotetički da se ne popuni ovo mjesto manjina, odlučivanje dalje 28 će biti parno, trebalo bi biti neparno za odlučivanje, ako već postoji vjerovatnoća da se taj član ne popuni. To bi trebalo isto tako predvidjeti nekim stavom u Statutu. Ono što smatram još bitnijim ovaj član 23. koji govori o javnosti rada vijeća, mislim da ovdje treba staviti koji mediji. Mi ovdje do sad smo na neki način tražili neke varijante kako da ide, a da ne ide, ali u suštini ako kažemo treba radio prenos - radio prenos, ako treba tv prenos - tv prenos, live stream ne treba da bude, niko to ne obavezuje, ali mislim da uz pomoć kamera može se snimiti. Evo i kamera jedna ovdje, može i ona snimati čak, pa se može to staviti na web portal na stranicu. Uglavnom to, tehničke stvari nisu baš problematične ovdje, čisto mislim da je volja u pitanju. Dalje, posebno ovdje ću malo obrazložiti Mjesnu samoupravu. U poglavlju 8. pod broj, član 58. - Osnivanje Mjesnih zajednica, imamo tri stava gdje se pojašnjava principijelno koja područja mogu dobiti Mjesnu zajednicu, kako se mora organizovati, međutim smatram da ovdje trebaju biti ipak kriteriji, malo jasniji. Prvenstveno mislim na broj stanovnika, pa čak možda i na teritoriju, površinu teritorije koju određena Mjesna zajednica može da pokriva. Zašto to govorim, u članu 77., član 77. - Popunjavanje Savjeta mjesnih zajednica, kaže ovako, da pet članova Savjeta u mjesnim zajednicama do hiljadu stanovnika, sedam članova od hiljadu do dvije hiljade stanovnika i devet članova preko dvije hiljade stanovnika. Znači, mjesne zajednice sa dvije hiljade stanovnika imaju devet članova Savjeta mjesne zajednice, a mi imamo mjesne zajednice koje imaju pet hiljada čini mi se i više, po ovom kriteriju one bi trebale imati sedamnaest, devetnaest članova Savjeta. Znači, mi ovdje bi trebali, evo ja predlažem, da Mjesna zajednica ne može imati više od tri hiljade stanovnika, to je za mene neki plafon gdje jedna Mjesna zajednica ima nadležnost i može voditi brigu o tolikom broju stanovnika. Ako imamo problem sa brojem stanovnika, ja bi to onda stavio da se teritorijalno odredi površina, preko neke površine ne može da bude veća od toga. U susjednim gradovima imamo oko deset kvadratnih kilometara, jednu, da su u principu, ne baš 100%, ali Mjesna zajednica pokriva oko deset kvadratnih kilometara bez obzira o broju stanovnika i mislim da je to sasvim razuman kriterij. Jer kažem, evo ja pripadam Mjesnoj zajednici Branioci grada četiri - pet hiljada stanovnika i koji god je predsjednik tamo bio nikad ga nisam ja vidio, ne znam ni gdje je taj, niko ne dolazi. Neke aktivnosti uglavnom samoorganizovane. Znači, smatram da ne može toliki broj stanovnika voditi jedna Mjesna zajednica, ne može kvalitetno to raditi, to barem što se mene tiče. Prema tome molio bih ove, ili ove, učešće ću uzeti u Nacrtu, odnosno u raspravi koja se bude tamo dešavala i pismeno ću dostaviti svoje prijedloge, ali ovo su neka moja viđenja koja sam ad hoc napravio u odnosu na materijale koje sam dobio.

Presjedavajući Admir Fojnica: Vrijeme. Ja Vam se zahvaljujem gospodine Fehriću. Gospodin Avdičević Zahid.

Vijećnik Zahid Avdičević: Evo otprilike kolege su kazale ono što je i meni bila dilema, međutim, ovdje sam primijetio možda, što se tiče Statuta Grada Zavidovići, to su problemi koji nam dolaze sa terene, a tiču se Mjesne samouprave. Kolega Hodžić je jednim dijelom dotakao i to je možda jedan od problema. Međutim, ima jedan drugi problem, gdje se član Savjeta izabere u Mjesnu zajednicu, jednostavno ne dolazi na sjednice, a nemamo nikakvih sankcija mi kao zajednica prema njemu i možda na tom fonu da se uradi nešto kroz Statut Grada, a ne kroz Statut Mjesne zajednice, koji bih rekao da je malo slabiji što se tiče toga od Statuta Grada. Možda u Statutu tu da malo povedemo računa i za te osobe koje ne dolaze, međutim član 77. ovdje što kolega Fehrić kaže, mislim da sam ja malo pričao, evo narednih četiri - pet godina, mislim da broj Mjesnih zajednica je ogroman na području Grada Zavidovići i mislim da ga treba smanjiti, da treba povećati broj članova za one Mjesne zajednice koje prelaze četiri hiljade stanovnika, a to govorim iz ličnog iskustva. Evo, Mjesna zajednica Kovači, imate četiri - pet naseljenih mjesta, imaju jednog člana Savjeta i mislim da je to malo i mislim da bi one mjesne zajednice koje broje preko četiri hiljade stanovnika, trebale da broje preko 11 članova Savjeta, a što se tiče smanjenja Mjesnih zajednica, jednostavno da Mjesna zajednica ne bi trebala brojati preko tri hiljade stanovnika i mislim da je vrlo teško naći, evo imat ćemo izbore nekad tamo ljetos, da ćemo jedva sabrati članove Savjeta za ovih postojećih 21. Pa ćemo vidjeti u kojem pravcu će to ići, ali evo to su neke sugestije gdje bi služba trebala da obrati pažnju na neke kaznene odredbe, što se tiče ne dolaska na sjednice Savjeta i što se tiče same kandidature. Evo, da se izabere jedan kandidat do kraja mandata, jednostavno nemaš čovjeka iz te podružnice koji bi mogao prenijeti probleme prema mjesnoj zajednici, to odmah stvara problem i radu Savjeta mjesne zajednice, a ovdje posebno da se obrati, znači za ove Mjesne zajednice koje broje preko četiri hiljade stanovnika je devet članova Savjeta je malo za tu površinu.

Presjedavajući Admir Fojnica: Zahvaljujem. Gospodin Idriz Alihodžić.

Pomoćnik gradonačelnika Idriz Alihodžić: Dame i gospodo, Esselamu alejkum i dobar dan. U uvodnom izlaganju sekretar Gradskog vijeća između ostalog pomenuo da je ova služba pokrenula, Služba društvenih djelatnosti i opće uprave pokrenula tada, sada već i Služba boračke uprave pokrenula inicijativu za izmjene i dopune Statuta Grada Zavidovići i Vijeće je donijelo odluku o pristupanju tih izmjena i dopuna Statuta Općine Zavidovići, u međuvremenu se dogodila i promjena statusa iz Općine u Grad i onda se evo čekalo da se to sve zajedno uradi. Tragom toga ova služba je pripremila tekst izmjena Statuta, odnosno tekst novog Statuta Grada Zavidovići, bar u dijelu Mjesne samouprave, nešto u dijelu nadležnosti rada Gradskog vijeća u odnosu Gradonačelnika, Vijeća i u radu Zdravstvenog savjeta. U vašim materijalima, ono što vjerujete nije mi drago kad sam to primijetio, imao sam primjedbu i na komisiji za takve (...1.:46:55) nisam bio upravo iz tog razloga prisutan. Mi smo imali sve materijale, ne spominju se mjeseci uloženog truda u prijedlog teksta Nacrta Statuta Grada Zavidovići koji je uradila služba kojom rukovodim. Znači kolege koje rade pogotovo u Odsjeku društvenih djelatnosti, dobro smo i studiozno se bavili i ovim pitanjima u saradnji sa UNDP-om i u saradnji sa drugim jedinicama lokalne samouprave, višim nivoima vlasti itd. Kao što vam je poznato, mi već dvije godine intenzivno provodimo jedan projekat sa razvojnim programom UN-a, sa misijom OEC-a itd. Gdje smo, upravo kroz te programe i projekte se radi na osnaživanju uloga Mjesnih zajednica, odnosno uloga Mjesne samouprave, ali i poboljšanje načina organizacije upravljanja, komunikacije itd, itd. Tragom toga su predlagali određene izmjene kojih sad ovdje nema, a znate kad u prijedlogu dobijete puno nekih novina u odnosu na Nacrt, vijeće se pita, vijećnik se može pitati, pa dobro šta se to radilo do Nacrta jel. Šta je sad naknadna pamet, ne nije mi ćemo kroz javnu raspravu, naravno kao služba dužni smo to uraditi, ponuditi i javnosti i mi ponovo sugerisati određene stvari, kada je riječ, bar o ove dvije oblasti, koje su direktno u nadležnosti Službe za upravu društvenih djelatnosti, pitanja boraca i

opću upravu. Ono što je nas kao sve službe, evo ovdje nije pomenuto kao pitanje, pitanje inicijativa. Šta je vijećnička inicijativa? Da li na nešto što se odnosi iz nadležnosti Gradskog vijeća ili imali smo situacija, nekad je to bilo i smiješno, kaže inicijativa i pitanje građana, a čita se pismo, onda mi pišemo, mjesec dana tražimo odgovore, služba ne radi druge poslove, dostavljamo odgovore i na kraju padne. Ili maloprije smo prisustvovali inicijativi koja je totalno nezakonita, čak pojedinačno izglasavanje je bilo, mislim nemojte me pogrešno shvatiti je li, treba da ako ćemo unaprijediti svi, ubrzamo rad, itd, itd. Jednostavno možda to definisati da je to u nadležnosti one službe iz koje dolazi. Kolege vijećnici Zahid i koga imamo ovdje još, znaju da smo već na terenu počeli primjenjivati nešto što se zove forumi građana. Jedan izvrstan alat koji određuje plan rada za narednu godinu i ulaganja u Mjesnoj zajednici. Prošlo je vrijeme kada je mogao sam predsjednik ili sa dva člana Savjeta ili sa svojom ženom u kući, pa onda potpisati da je bio zbor, napraviti plan investicija na području Mjesne zajednice za narednu godinu. Sad se to rješava na forumima građana koji su različito, različit sistem odlučivanja u odnosu na zborove građana kakve imamo do sad definisane. Dodatno ćemo objasniti razliku između foruma i zbora i ponuditi možda rješenje i jedne i druge, i jednog i drugog instituta, evo odlučivanja ili primjenjivanja u odlučivanju u mjesnim zajednicama. Inače, ovo su mi neke stvari koje nas čekaju, možda ćemo ići jedan korak unaprijed, jer se ove stvari koliko nam je poznato pripremaju za izmjenu i po onom Zakonu lokalne samouprave, gdje se već najavljuju izmjene u nekom novom smislu. Kandidatura, pred vijećem će biti težak zadatak da se opredijeli. Evo kandidatura za člana Savjeta. Kaže kako se kandiduju, on prikupi potpise, prijavi kandidaturu, ali kaže može kandidovati i politička stranka, pa će na Savjet mjesne zajednice odražavati politiku ili ne znam, nešto drugo, da će biti građanski čisto, apolitično itd. A sad imamo mješavinu, mješavinu dvoje, pa onda se događa da imamo Savjeta koji tri godine ne mogu profunkcionisati. Pola Savjeta jedna politička opcija, pola Savjeta druga, jedan uvijek onaj treći neovisni ne dođe i nema sjednica. Opozivi, neko je spomenuo opozive, bavili smo se i tim pitanjem, nije ovdje dotaknuto. Mi smo radili čak da predložimo da opozivom i određenim odnosima bavi direktno i Gradonačelnik. Znae, evo završit ću, samo da znači upoznamo. Mislim da opozivom se može, naravno na prijedlog foruma ili zbora, ali baviti samo Gradsko vijeće, ne zbor građana, zbor građana je diskutabilna stvar, na kojoj je 90% ljudi koje će neko nazvati telefonom i reći doći i javi se, ne možemo to tako uraditi, a Zdravstveni savjet, doktor je otprilike sve rekao, šta primjećujemo i šta želimo da unaprijediti u radu Zdravstvenog savjeta što takođe nije uvršteno u ovaj Nacrt, a bilo je dostavljeno, razrađeno poprilično, no, pred nama je, pa ćemo ako Bog da to i uraditi. Jedino što bi možda trebalo uraditi, dati nam više vremena, da li je dovoljno 30 dana, da li ne, a mislim da bi došli do nekog kvalitetnog rješenja morat će se istražiti neki kompromis itd. Dobro, zahvaljujem se na strpljenju, evo probio sam i vrijeme.

Presjedavajući Admir Fojnica: Zahvaljujem. Replika Hodžić.

Vijećnik Haris Hodžić: Ovo više čisto, obzirom da niste gospodine imali dovoljno vremena da objasnite, a poslije ste pričali o jako bitnoj stvari opoziva u članstvu Savjeta mjesne zajednice. Ovo je vrlo bitno da to pojasnite, a drugo replika vezano za kad ste govorili za zbor građana i forum, zbor mještana i forum građana. Ne možemo kad je u pitanju opoziv da formiramo forum građana gdje može doći svako, je li tako? Zbor mještana tiče se opoziva jednog dijela naseljenog mjesta unutar mjesne zajednice i vrlo je bitno da taj dio naseljenog mjesta odlučuje ko će ga je li mijenjati tog člana koji je dao ostavku, prestalo mu članstvo u Savjetu mjesne zajednice. Znači, ne može forum građana, ne mogu sad svi odlučivati, samo onaj dio koje je predstavljao taj član Savjeta mjesne zajednice. Evo ovdje još malo oko opoziva.

Presjedavajući Admir Fojnica: Zahvaljujem. Odgovor. Alihodžić.

Pomoćnik gradonačelnika Idriz Alihodžić: Opoziv, forum ili zbor je li. Je li to bilo pitanje? Ja sam rekao jedno ili drugo, vidjet ćemo treba da se razradi, da se definišu uloge zbora i uloge foruma. Ako se radi o opozivu sa jednog područja, logično je ovo što govorite. Nisam isključio

ni pred nama je razraditi ćemo, odnosno dati neka svoja mišljenja. Ne tvrdim da smo upravu ili, ali mislim da ćemo vrlo pažljivo vagati i trebamo odvagati ove stvari. Treba da imamo lanac jedan, bez mogućnosti prekida u funkcionisanju, znate, bez mogućnosti prekida u funkcionisanju. Ne može se dogoditi da predsjednik, vi mislite šta hoćete, nigdje na planeti ni u svijetu da neko ko drži pečat Grada ili Općine, na terenu, prima sredstva iz budžeta, ima iznad sebe odgovornog za sve šta će mu biti, a tog istog ma ni 2% ne zarezivati, ni predsjedavajućeg vijeća, ni vijećnika, ni gradonačelnika, to ne može biti, to ne može biti. Možemo replicirati dokle hoćemo, ali gospodo imamo velikih problema i idu u pravcu zloupotreba. Mora postojati sistem funkcionisanja države, u nas je sve ono nešto beskrajne slobode i može ko šta hoće. Ova oblast mora da ima određene prepoznatljive stvari sistema države i odgovornosti. To sam htio da vam kažem iz iskustva, neke stvari ne štimaju, naravno nije niko ovdje za tiraniju. Moraju se provesti izbori, mora se poštovati volja građana. Ali mora postojati odgovornost.

Presjedavajući Admir Fojnica: Druga replika Hodžić.

Vijećnik Haris Hodžić: Uvaženom pomoćniku, znači kad je u pitanju odnos je li Gradonačelnika i predsjednika Mjesnih zajednica, znači vrlo je bitno da kada budete radili Nacrt Budžeta da ne možete definisati i dati nama, ja lično neću podržati, to bi bilo pogubno da mi kao vijećnici podržimo, da Gradonačelnik o tome odlučuje. Pa ni članovi Mjesnih zajednica ne biraju Načelnika, isto da sada deset Mjesnih zajednica predsjednika kažu, oke nama se ne sviđa Gradonačelnik, hajmo ga smijeniti. Može li to tako, ne može. Ko bira, ko daje opoziv Gradonačelnika, Gradsko vijeće. Znači, Gradsko vijeće, samo Gradsko vijeće mora, Mjesne zajednice moraju odgovarati Gradskom vijeću. Ingerencija mora biti samo u Gradskom vijeću. Ne Gradonačelnik, to je izvršna vlast. Još ste nešto pomenuli, evo, ne mogu se sjetiti, nema veze, nije ni bitno.

Presjedavajući Admir Fojnica: Zahvaljujem. Ispravka krivog navoda.

Vijećnik Džinić Hamdo: Ja bih pomoćniku Gradonačelnika dakle sugerisao, ovo je stvarno interesantna tema, mislim da će ona najviše pažnje i polučiti, a organizacija i rad Mjesnih zajednica, stvarno imamo s tim problema, mi to svi dobro znamo. Čini mi se da ćemo otići u sferu nečega, da ćemo radi odgovornosti pojedinca koji vode mjesne zajednice, svesti na neki minimum. Ako budemo formirali što više nekakvih tijela i nekakvih, evo sad recimo forum građana, pa imate zbor građana, pa imate Savjet i u tako nekim malim zajednicama, svi će nešto tako odlučivati i biti neko i nešto. Dakle, moramo nekako to smanjiti, na što manji broj svih tih tijela ili predstavničkih ili ne znam ni ja, tamo ne znam šta još ima, zakonodavno, da se svede na najmanju moguću mjeru radi funkcionisanja same mjesne zajednice. Mislim da ćemo otići u neku drugu krajnost, ako budemo što više toga formirali. Evo, hvala.

Presjedavajući Admir Fojnica: Replika Fehrić.

Vijećnik Šemso Fehrić: Htio sam samo malo dodati ovdje, ako mogu. Na gospodina Idriza nadovezat ću se, Vlada FBiH, uputila je u formi Nacrta prijedlog Zakona o izmjenama i načelima lokalne samouprave Federacije. Mislim da bi elemente iz tog prijedloga trebalo pokušati ugraditi i u ovaj Statut. Ja ga nisam detaljno proučio, ali ima nekih stvari koje treba ugraditi. Hvala.

Presjedavajući Admir Fojnica: Odgovor na pitanje.

Viši stručni saradnik za poslove mjesnih zajednica Selma Džaferović: Sve Vas srdačno pozdravljam. Htjela sam samo da odgovorim Fehriću. Što se tiče izmjena Zakona o principima lokalne samouprave, sve mi prijedloge koje smo uvrstili u izmjene ovog dijela Mjesne samouprave u Statutu su skoro uvrštene. Druga stvar, gospodinu Kaknjaševiću, rekli ste za tijela, forum građana nije tijelo, znači imamo tijelo predsjednik Mjesne zajednice i Savjet, kao što kolega Hodžić kaže, njih biraju građani. I zaista mi to kad smo predlagali, na koji način se mogu opozvati i na koji način se mogu smijeniti i mi smo razmišljali o tome, da neko ko nije učestvovao u izboru nekoga, naravno ne bi trebao ni da ga smjenjuje. To je isto, ne znam, da dođe služba i da evo ne znam, nama se ne sviđa par vijećnika i mi bi njih smijenili. Međutim, mi ih nismo ni izabrali. Forum građana je grupa stanovnika jedne Mjesne zajednice, znači da li

po podružnicama, svih podružnica na jednom mjestu. Taj forum građana ustvari, predstavlja jedno tijelo koje odlučuje o izboru nekih prioritetnih projekata i o nekim rješenjima glavnih i ključnih pitanja koji se recimo rade na toj sjednici Savjeta. Nama taj forum građana je bio uslov da bismo mogli aplicirati na projekat, druge faze projekta UNDP-a jačanje uloge mjesnih zajednica i taj forum građana, evo Zahid i Haris su prisustvovali jednom takvom forumu. Znači, to je jedan instrument gdje predsjednik Mjesne zajednice i pet, tri ili sedam, nebitno članova Mjesne zajednice, ne mogu sami odlučiti šta će to biti recimo neki projekat koji je njima od važnosti i da kažu, ne znam evo, mi ćemo u ovom dijelu, u ovoj godini raditi ovaj dio puta, a ostali mještani Mjesne zajednice se ne pitaju i kao kad oni dođu na red. Ne, iz svih produžnica Mjesne zajednice su prisutni, sad koliko je njima u interesu, koliko će njih doći, neka dođe dvadeset, pedeset, nebitno i radi se na principu da svi imaju bodove. Znači i svaki od prisutnih predlaže projekat i taj projekat se piše na papir i dobiju bodove, dobiju pet, deset bodova i glasaju za projekat koji će biti uvršten na listu prioritetnih projekata ili tih radova koji se planiraju raditi. Na osnovu te liste, tih prioritetnih projekata, ta lista će se moći dostavljati u gradsku upravu i na osnovu tih prioriteta, svih Mjesnih zajednica, pravit će se plan recimo tih nekih kapitalnih ulaganja gdje će se znati šta je prioritet svake Mjesne zajednice, a možda bi se na taj način i smanjile te neke vijećničke inicijative i pitanja i predlaganja nečega što je već uvršteno negdje, ali evo neko dođe i kaže ja predlažem ovo, pa kasnije izađe, ne znam napolje, pa hvali se, evo ja sam to pogurao, a ustvari to je već bilo predloženo. Znači, na osnovu tih stvari, pravi se lista prioritetnih projekata, po željama, evo da kažem tako, po željama mještana, a ustvari, te želje iznose na forumu gdje glasaju kao na evroviziji ili na izboru za miss, što ne znači da najljepši pobijedi. Obično, znate ono kako kažu kad je bilo za izbor za miss, izgleda da se ovaj put biralo preko radija. Eto, toliko.

Presjedavajući Admir Fojnica: Odgovor. Sekretar Gradskog vijeća.

Sekretar Gradskog vijeća Samira Pinjić: Htjela bih samo da se referiram na diskutante, a vezano je za predložene izmjene i dopune Zakona o principima lokalne samouprave. Osnovni stav koji je zauzela Komisija za Statut i propise bila je taj: Da se u Statut i u Statutarnu materiju unose i primjenjuju samo zakonske norme koje su na snazi. Ono što je u planovima i pregovorima, za izmjene i dopune zakona, ne može biti Statutarna materija. Takođe, sam naziv forum građana nije zakonska kategorija. Mi imamo prema Zakonu o principima lokalne samouprave, zakon poznaje mjesni zbor. I zbor građana je definisan Zakonom o principima lokalne samouprave kao tijelo na nivou Mjesne zajednice. Znači utvrđena su mu prava i odgovornosti i način na koji mogu odlučivati. Iz tog razloga smatram da je stav Komisije za Statut i propise ispravan u tom dijelu. Znači, samo ono što je na snazi, a ne ono što je u planu za izmjene i dopune Zakona. Hvala.

Presjedavajući Admir Fojnica: Replika. Gospodin Alihodžić.

Pomoćnik gradonačelnika Idriz Alihodžić: Ova priča o forumu i zboru zaživjela. Zaživio forum širom Bosne i Hercegovine. Ako zakon nije predvidio po nazivu nešto, a nije nezakonito, da li se to nije nezakonito, pa nema ime smije primijeniti, da bi nam bolje bilo. O tome je samo riječ i pitanje. Zato mislim da sam upravu sa forumom.

Presjedavajući Admir Fojnica: Zahvaljujem. Dakle, ovo je bio odgovor. Kolega Bošnjaković. Diskusija u ime kluba.

Vijećnik Bošnjaković Hakija: Evo, morao sam da izađem, ovo se komplikuje oko mjesnih zajednica. Očigledno je da je to jedan od najzanimljivijih dijelova Statuta. Ja dobijam poruke sa terena od nekih predstavnika mjesnih zajednica, pa sugerišu ovo, sugerišu ono, neke stvari idu kroz Pravilnike, neke ne idu. Sad ovaj kroz Statut. Meni sad kad se ovaj forum ubacuje postade sve komplikovanije. Ja koliko vidim, mislim ja bih radije prihvatio ovo od sekretara što je objasnila i bit će javna rasprava, bit će forum, meni jednostavno malo mi sve to komplikuje situaciju. Shvatio sam ja o čemu se radi, ali evo imamo stav Komisije za Statut i propise, valjda i to treba nešto znači i da se uvažava. Pored ovoga druga stvar koju bih, da mi sekretar samo odgovori, mislim jasno je to vjerovatno, ali evo imam u glavi malo dileme, ovo

1200 Ostalih sa popisa stanovništva zadnjeg. Znači, to su svi oni koji su se prijavili kao Ostali mogu se prijaviti na ovu listu ili je to nešto drugo. To me zanima imam dilemu ako je 1200, rekli ste 1200 Ostali koji su se izjasnili kao Ostali, da li oni mogu na ovu listu za nacionalne manjine da se prijave. Hvala.

Presjedavajući Admir Fojnica: Zahvaljujem.

Sekretar Gradskog vijeća Samira Pinjić: Vidite nešto, po Izbornom zakonu, pripadnik nacionalne manjine podrazumijeva državljanina Bosne i Hercegovine koji ne pripada ni jednom od tri konstitutivna naroda. Nacionalnu manjinu čine ljudi istog ili sličnog etničkog porijekla, iste ili slične tradicije, običaja, vjerovanja, jezika, kulture, duhovnosti i bliske ili srodne historije i drugih obilježja. Znači, svi oni koji su u Ostalima čine taj procenat koji obezbjeđuje jedno mjesto ili više mjesta u Zastupničkom tijelu.

Presjedavajući Admir Fojnica: Zahvaljujem. Ima li iko više? Gospodin Gradonačelnik.

Gradonačelnik Hašim Mujanović: S obzirom da se radi o Nacrtu Statuta i da je sekretar dobro elaborirala, dakle, ali smatram da i zbog racionalnosti vremena tačaka dnevnog reda i svega onog što mi danas imamo, ja neću danas uzimati toliko učešće, ali želim samo s obzirom na bitnost te materije, da iznesem samo neke svoje kratko, impresije. Naime, pitanje popisa stanovništva, koji je popis relevantan, koji se primjenjuje i da li je ovaj popis stanovništva relevantan? Ovo govorim, imamo jedne podatke koji su službeni, koji su kod nas zavedeni, da mi kažemo u Zavidovićima imamo 35.900 stanovnika, a da imamo 33.500 glasača upisanih u birački spisak. Dakle, to su određene nelogičnosti koje dalje impliciraju određene stvari. Druga stvar, popis koji je relevantan s obzirom na prava pripadnika naroda. Dakle, po upisu '91 jedna su prava, po upisu iz 2013. druga su prava. Ja govorim znači, da mi do konačnog nekog tog rješenja prijedloga Statuta imamo i definisane stvari, da ne bismo ušli poslije u problem. Sljedeće pitanje koje zaista jeste bitno, a Vi ste podobro obradili tu temu jeste pitanje Mjesne samouprave. Mjesna zajednica je zaseban pravni subjekat i to zaista ozbiljan pravni subjekat, možda nismo ni svjesni značaja tog subjekta. Zašto? Zato što Mjesna samouprava nikom ne odgovara za svoj rad ili svoje propuste. Mjesna samouprava ima nepokretnu imovinu, Mjesna samouprava može, dakle ima upisano zemljišne parcele ili zemljišne posjede sa kojima slobodno raspolaže i nikome ne polaže račun. Mjesna samouprava sve ono što uradi, dakle može formalno podnijeti izvještaj vijeću kao što i uradi. A ja postavljam pitanje šta ćemo sa Mjesnim zajednicama koje su prošle kroz parničnu proceduru, gdje su ih stranke parnični subjekti ili neko tužili za naknadu štete koju su pričinile. I imamo sad recimo evo Mjesnu zajednicu Lovnica kojoj je žiro račun blokiran godinama, šta ćemo sa takvima. Dakle, to je jedanostavno nešto što trebamo voditi računa da bismo to negdje ugrađivali. Ono što posebno zaista će biti predmet pažnje, hoće li taj zakon biti usvojen ili neće. Zakon o izmjenama Zakona o principima lokalne samouprave, ali zaista ozbiljan u namjeri da se sekretari i predsjednici Mjesnih zajednica profesionalizuju, da budu u statusu državnog službenika. Možete zamisliti da mi danas imamo 21 Mjesnu zajednicu, da tu budu državni službenici. Znači koji bi to bio udar na budžet. Eto, toliko čisto samo da se vodi računa da znam i da razradimo te dileme do prijedloga.

Presjedavajući Admir Fojnica: Zahvaljujem. Javlja li se više iko. Ne javlja. Zaključujem raspravu i predlažem da predlažem zaključak.

1. Gradsko vijeće Zavidovići prihvata Nacrt Statuta Grada Zavidovići.
2. Nacrt Statuta Grada Zavidovići, upućuje se na javnu raspravu, koja će se održati u Velikoj sali gradskih organa Zavidovići, a čiji termin održavanja će utvrditi Komisija za Statut i propise.
3. Zadužuje se Komisija za Statut i propise da u periodu od 60 dana, organizuju provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Komisija za Statut i propise dužna je podnijeti izvještaj Gradskom vijeću.
5. Komisija za Statut i propise će prilikom utvrđivanja Prijedloga Statuta Grada Zavidovići, uzeti u obzir primjedbe i mišljenja iznijeta tokom provedene javne rasprave, kao i mišljenja i prijedloge iznijete tokom pretresa na Gradskom vijeću, te će obrazložiti razloge zbog kojih eventualno nije prihvatila pojedine prijedloge i mišljenja koji su iznijeti u javnoj raspravi.
6. O realizaciji ovog zaključka staraće se Stručna služba Gradskog vijeća.

Otvaram raspravu po zaključku. Ko se javlja? Niko. Zaključujem raspravu. Ko je ZA? PROTIV? UZDRŽANI? Konstatujem da je zaključak sa 21 glas ZA, 0 PROTIV i 0 UZDRŽANIH, usvojen. Nacrt Statuta Grada Zavidovići upućuje se na javnu raspravu.

ZAPISNIK SAČINILA

Karanović Elma

OVJERAVA SEKRETAR

GRADSKOG VIJEĆA

Samira Pinjić, dipl. pravnik





Komisija za Statut i propise

Broj: 01-04-2940/22-AP-20

Datum: 19.05.2023. godine

ZAPISNIK

sa Javne rasprave po Nacrtu Statuta Grada Zavidovići, održane dana 09.05.2023. godine

Sjednica održana 09.05.2023. godine u velikoj sali zgrade Grada Zavidovići.

Sjednica je počela sa radom u 15.30 sati.

Prisutni članovi komisije: Zerina Husić, Amir Tursić, Emira Đerzić, i Sead Čamdžić.

Odsutni članovi komisije: Naida Hajderovac .

Ostali prisutni: Samira Pinjić – sekretar Gradskog vijeća, Keserović Ramiz, Seferović Redžo, Hasančić Čašif, Momković Salih, Saletović Šemso i Hašim Abidović.

Zapisnik i ostale administrativno – tehničke poslove vodila je Elma Karanović.

Uvodnu riječ podnijela je Zerina Husić, predsjednica Komisije za Statut i propise:

„Esselamu alejkum i dobar dan, sve Vas srdačno pozdravljam. Hvala što ste se odazvali pozivu Javne rasprave po Nacrtu Statuta grada. Ovlašteni predlagač Javne rasprave je Komisija za statut i propise, od kojih su prisutni predsjednik komisije Zerina Husić, tu je zamjenik predsjednika gospodin Amir Tursić, članovi komisije: gospođa Emira Đerzić i gospodin Sead Čamdžić, tu su i sekretar Gradskog vijeća gospođa Samira Pinjić i zapisničar gospođica Elma Karanović.

Gradsko vijeće Zavidovići na sjednici održanoj 05.04.2023.godine usvojilo je Nacrt Statuta Grada Zavidovići, te donijelo zaključak kojim se navedeni akt upućuje na Javnu raspravu. U skladu s tim kao što je navedeno u obavještenju o održavanju Javne rasprave po Nacrtu Statuta Grada Zavidovići, svi prisutni svoje prijedloge, sugestije i mišljenja mogu izložiti pismeno, odnosno usmeno za govornicom. Nacrt Statuta pripremila je komisija za Statut i propise, na osnovu Odluke Gradskog vijeća o pristupanju i izradi Statuta Grada Zavidovići. Osnovni razlog pristupanju izradi novog Statuta je donošenje Zakona o proglašenju Grada Zavidovići. Što se tiče izmjena i dopuna koje se odnose na važeći Statut, imamo nekoliko članova gdje je priložena određena izmjena koje se odnose na važeći Statut. To bi bilo to što se tiče uvodnog izlaganja. Ukoliko se neko javlja, znači Vaša mišljenja, sugestije i primjedbe iznosite za govornicom. Hvala.“

Šemso Saletović:

„Ja sam Šemso Saletović, član sam Savjeta MZ Branioci grada. Ovdje ću se obratiti po tri tačke, teme ovoga Nacrta. Dvije su u moje lično ime kao građanina Grada Zavidovića, a jedna je u ime MZ Branioci grada. U svoje lično ime, gdje ću sada kazati, čitajući član 5 gdje sam vidio, naseljena mjesta koja pripadaju Gradu Zavidovićima, mada mi je upalo u oko mjesto Svinjašnica. Ja sam se rodio u mjestu Smailbašići, skoro je to bilo, prije 70 godina, sad će dva mjeseca, pa 70 godina i to je bio mjesni ured, Hajderovićima pripadao. Osnivanjem mjesnih zajednica, dobili su MZ koja se zvala Svinjašnica i ona je trajala mislim da do okončanja rata '95 godine ili '96. Tako da je Savjet MZ donio odluku. Mijenjaju ime svoje u Krivaja – Smailbašići, a jedno jedino selo koje se zvalo, mi ga zvali Svinjašnica, muslimansko selo, gdje

su živjeli, Begovići, Abidovići i ne znam koji su još. Oni su predili ime u Fazlići i to ima 20-ak i vjerovatno i kusur godina. Ja sad znam da se to treba rješavati na nivou Federacije, naseljena mjesta, ali mi je malo upalo u oči da za 20 i kusur godina nije administracija iz Grada odnosno Općina Zavidovića uputila u proceduru da se gore izbaci to mjesto Svinjašnica. Jer gore ima samo jedna rječica Svinjašnica koja se ulijeva u Krivaju. Ona srpska sela su napuštena. Ne znam koliko ima gore, sad ima li dva, tri. Ustvari, u Lazničima jedan čovjek, ne znam sad koliko, ne bavim se time, ali bi sugerisao da administracija općinska, pokrene inicijativu, da se izbriše gore gdje je naseljeno mjesto, da li su Fazlići, Smailbašići, Šadići, ne znam ni to, e tako. Jer mi imamo stalno federalnog poslanika iz Zavidovića, imamo ga i sada koji je šef kluba jake stranke koga se može pozvati i zamoliti da on to gore izlobira, ako vi to uradite i pošaljete. Toliko po ovome. Hvala Vam. Sad ću ponovo u ime mjesne zajednice. Vjerovatno, ono nije 100% da se poklapa sa ovim Nacrtom, ali pošto je predviđeno finansiranje MZ, ovim Statutom, ja ću morati kazati, kako neko ko je radio broj stanovnika po mjesnim zajednicama. MZ Dubravici su dodati minimum, sad da se ne bavim tačno brojevima, minimum 800 stanovnika koji im ne pripada. Na tu temu sa ja sa rahmetli Muharemovićem koji je bio predsjednik MZ Branioci grada, se bili najavili kod pomoćnika Alihodžića. I on je bio dogovorio da dođemo. Kad smo došli kao nešto je ispalo hitno i on ne može sa nama razgovarati, osim da sam nam kaže, mi smo dobili od cipsa podatke i to je to, ja nemam više sa Vama. Otišli smo kod neke gospođe, Selma ja mislim da se zove koja radi na ovim pitanjima isto kaže, mi smo dobili od cipsa adrese i mi smo po cipsu stavili. Ja sam uputio Komisiji za rad mjesnih zajednica u pisanoj formi koju sam predao 12.10.2021. godine. Nikad nisam dobio nikakav odgovor od te komisije da li je nešto ili nije. A ja ću vam sad kazati kako se to desilo sa više stanovnika Dubravice i kako je lahko vidjet da to nije uredu. Ako uzmete dvije tabele, jednu broj stanovnika, a jednu broj upisanih građana, birača. Svugdje ćete vidjeti u MZ da je otpilike više birača, jer to su ljudi od 18 godina do smrti, nego što je omladine i djece. Samo se u MZ Dubravici imaju prijavljenih 800 i nekoliko birača za glasanje, a imaju 2000 birača, pardon 2000 stanovnika. Ispadne da oni imaju 1,5 puta više djece, što je nelogično do 18 godina, djece i omladine, nego stanovnika koji su upisani u centralni birački spisak. I Vi bi bar Komisija za Statut i propise, ako niko nije htio postupati po mojim zahtjevima Komisiji za rad MZ. Da vi, ovo sam dobio sad podatke kad su došla finansiranje MZ, pa se vidi da u MZ Dubravica ima 2200 stanovnika, a imam od Općinske izborne komisije ovdje, kojoj sam tražio pozivajući se na Zakon o pristupu informacija, da oni imaju 800 i nešto birača, jer glasaju na samo jednom biračkom mjestu u Dubravici. E tu imaju sad dvije teze. Jedna je teza zavjere koju ja ne podržavam i to nije moja teza, već to su ljudi koji negdje kažu, da vijećnik iz Dubravice stalno pravi vijećničku većinu u Općinskom vijeću, sad Gradskom vijeću i da je za svoj nagrađen viškom stanovnika. A drugi je koji ja zastupam, neznanje osobe koja je to radila. I sad ću Vam kazati kako. Kažu dobili su iz cipsa podatke, adrese oke. Dobili su osobu X iz ulice Branioci Dubravice, to je jedna mala ulica, unazad par godina je dobila i ime, koja ide od pruge, uzbrdo prema Dubravici. U cijeloj svojoj dužini, ona u MZ Branioci grada, neko sretne stanovnike, napiše da se u Dubravici, jer se spominje Branioci Dubravice. Dubravački put takođe, sve građane stavljaju po broju u MZ Dubravica, a oni glasaju na drugim mjestima u radničkom univerzitetu jer to su građani MZ Branioci grada. Mislim da bi to trebali ispraviti, ako ništa u toku godine, da iduće godine kadu budete radili finansiranje stranaka da MZ Dubravica nema 2000 stanovnika, već maksimalno 1200 stanovnika. Eh treće su sad govoriti, ovo je u moje ponovo lično ime, radi se o broju i rasporedu pripadnika, odnosno članova Savjeta MZ. Na ovu temu sam ja prošle godine, mislim da je bio 14. April, sa pomoćnikom pričao kako su napravili anomaliju u MZ Branioci grada. Sad ću Vam to lijepo objasniti. Naselje koje mi zovemo Sutjeska, to su ulice Stjepana Radića, pa sve dole sjevernije do Davulijskog puta. U centralnom spisku imaju 1800 i nešto birača upisanih, a imaju samo jednog predstavnika u MZ. Dalje dole od Davulijskog puta Ulica Čumurana ima jednog predstavnika, to je uredu, Majdan ima jednog predstavnika i Čumurana i Majdan glasaju u jednom biračkom mjestu u nekom poslovnom

prostoru u Majdanu. Imaju 710 birača upisanih u centralni birački spisak, što je i to negdje uredu. Ali vidite sad ovo, selo Ridžali ima jednog predstavnika, selo Džebe ima jednog predstavnika i malo im to gornje selo ima jednog predstavnika, ta tri sela glasaju u čitaonici u Ridžalima i po evidenciji Općinske izborne komisije imaju 420 birača upisanih u centralni birački spisak. I sad pogledajte, ovamo imamo 1800 birača gdje predstavlja jedan član, a tamo 420 birača predstavljaju tri člana i Božijom voljom i taj jedan uzeo ga Bog sebi 2021. godine Edhema i oni nemaju predstavnika u Savjetu MZ. Na tu temu sam ja sa pomoćnikom pričao, da treba nešto mijenjati, a pokušavao sam u tri navrata u Savjetu MZ staviti tu tačku i uvijek većinom glasova ovih koji se sad spominju Ridžali, Džebe, gornje selo, Majdan nikad nisu htjeli da raspravljaju o tome, da donesu odluku koja će biti, kao što je sad predviđeno po broju birača upisanih u centralnih birački spisak, jer oni daju legitimitet ljudima u Savjetu MZ. Ja sam sa zadovoljstvom ovdje vidio da otprilike u dva člana, u članu 75. i članu 76. predviđeno da se zadovolji, ne znam tamo ima piše i nacionalno i ne znam ni ja, spolno i upisano u centralni birački spisak. Da ne bih puno dužio ja sam samo napisao još jednu koju ću Vam ostaviti da u članu 148. koji je predvidio da poslije stupanja ovoga Statuta, da su MZ dužne donijeti nove svoje Statute, tako sam napisao, ja ću ovdje, a ostavit ću i Vama. Da se u članu 148. u tački 2. poslije riječi Statut Umjesto tačke stavi zarez i doda i da se donese odluka o broju članova naseljenih područja (mjesnih podružnica) po kriterijumu broj birača upisanih u centralni birački spisak. Ja ću Vam ovdje ostaviti papir, ja znam da zakonodavac ne voli plaho da mu se članovi razvlače, ali mislim da ne bi bilo s goreg da se ovo ubaci, jer ima kriterij koji bi poslužio da MZ izrađujući nove Statute o tome broje. Drugo imao bi samo još dva pitanja za ove iz Komisije za Statut i propise. A bolje za sekretara. Da li su predviđeni izbori u MZ prije donošenja novi Statuta MZ ili poslije donošenja ili je rok 6 mjeseci da se donesu Statuti opći MZ, a ne znam kad će biti usvojen Statut. Možete li mi na to pitanje odgovoriti?

Prilog

Saletović Šemso
Lovački put 2
Zavidovići
Tel.: 061-246-810

Grad Zavidovići
Gradsko vijeće
Komisija za Statut i propise

Primjedbe na Nacrt Statuta Grada Zavidovići

U članu 75. u tački (3) piše: Prilikom predlaganja i izbora članova Savjeta mjesne zajednice treba se voditi računa da sastav članova održava približno nacionalnu strukturu stanovništva, da spolovi budu ravnopravno zastupljeni i da su adekvatno zastupljena naseljena mjesta mjesne zajednice.

U članu 76. tačka (2) piše: Broj članova Savjeta mjesne zajednice utvrđuje se Statutom, mjesne zajednice, prema broju građana upisanih u centralni birački spisak na području mjesne zajednice, s tim da svako mjesno područje ili više manjih naselja u Savjetu mjesne zajednice mora biti adekvatno zastupljeno, što će biti utvrđeno Statutom MZ.

Ovo su kriteriji za određivanje broja članova MZ, a nisu navedeni kriteriji za određivanje naseljenih područja (mjesne podružnice).

Zato predležem da se u članu 148. u (2) tački poslije riječi Statut umjesto tačke stavi zarez i doda: I da se donese odluka o broju članova naseljenih područja (mjesnih podružnica), po kriterijumu „broj birača upisanih u centralni birački spisak“.

Zavidovići 09.05.2023.

Saletović Šemso“

Samira Pinjić:

„Pozdravljam sve prisutne. Javna rasprava je do 05.06.2023.godine, znači mi bi imali prostora za obradu i da ponudimo ispred Komisije za Statut i propise Prijedlog Statuta. Smatram da bi bilo poželjno i da bi bilo ispravno da se prvo usvoji novi Statut grada, pa da se onda raspišu izbori za Savjete MZ.“

Šemso Saletović:

„Možda niste razumjeli, pitanje je, ja znam da kad se statut usvoji. Statut je propisao 6 mjeseci mjesnim zajednicama da donesu svoje Statute. Svaka mjesna zajednica donosi svoj Statut i u njemu određuju broj članova. Ovo govorim zato što bi bilo dobro, iako tamo piše da se u pravilu vrše izbori isti dan. Ako se ne bi vršili da se izdvoji mjesna zajednica Branioci grada dok ne donese novi Statut koji bi odgovarao novom Statutu grada.“

Samira Pinjić:

„Postoji određeni vremenski period za donošenje Statuta grada i za usaglašavanje, ali smatram da bi bilo dobro da se izvrši donošenje novog Statuta grada i usklađivanja, pa da se raspišu onda izbori.“

Šemso Saletović:

„I sad još jedno pitanje za, može mi odgovoriti i zamjenik predjednika Komisije za Statut i propise. Šta će se desiti sa mjesnom zajednicom ako u svom Statutu ne ispoštuje odredbe člana Statuta grada Zavidovića? „

Samira Pinjić:

„Vidite nešto, neće se desiti da ne ispoštuje.“

Šemso Saletović:

„Ovdje je svjesno anomalija napravljena. Tako da ta većina od 5 njih što sam spominjao, Ridžale, Džebe, gornje selo, Majdan i Čumurana, imaju ukupno oko 30% biračkog tijela, a imaju 55% u Savjetu, znači 5 od 9. I oni uvijek glasaju, njih ne možete osuditi, ako glasa protiv, za. Zato kažem šta će biti ako oni sad ne donesu i ne isprave. Recimo naselje od 1800 registrovanih birača hoće li možda sad imati i više, tamo se prave dvije ili tri ove zgrade što rade, tamo će biti useljeni novi stanari, pa će imati još više birača. I šta onda ako oni ne budu htjeli ispoštovati.“

Samira Pinjić:

„To su sada hipotetička pitanja. Postoje određeni mehanizmi za nadzor rada Savjeta, što će biti propisano i Statutom.“

Šemso Saletović:

„Hvala Vam. Nisam baš u potpunosti time još zadovoljan, ali ću ja kao član Savjeta ponovo truditi se da napravimo novi raspored, novu odluku koja će odgovarati u potpunosti Statutu Grada Zavidovići. Ako je 1800 birača, od 9 najmanje 3 predstavnika u Savjetu mjesnih zajednica.“

Samira Pinjić:

„Zavisi kako će biti propisani kriteriji u Statutu.“

Šemso Saletović:

„Kriteriji su ako usvojite i ovo što sam ja napisao. A spominje se i u Statutu da su obično najčešći kriteriji broj upisanih birača u centralni birački spisak. Ja znam da nije vršen popis po




Broj: 01-04-2940/22-AP-46
Datum: 29.05.2025. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 13. i 18. Privremene Statutarne Odluke Grada Zavidovići („Službeni glasnik Općine Zavidovići“, broj 4/2022), a u vezi sa članom 125. stav (1) i (2) Poslovnika o radu Gradskog vijeća Zavidovići – prečišćeni tekst („Službeni glasnik Grada Zavidovići“, broj 7/22 i 1/23), Gradsko vijeće Zavidovići na 7. sjednici održanoj dana 29.05.2025. godine, razmatralo je Prijedlog Statuta Grada Zavidovići, sa Izvještajem o provedenoj javnoj raspravi, pa nakon rasprave donijelo

ZAKLJUČAK

1. Gradsko vijeće Zavidovići odbija Prijedlog Statuta Grada Zavidovići sa Izvještajem o provedenoj javnoj raspravi, broj: 01-04-2940/22-AP-24 od 26.10.2023. godine.
2. Zaključak stupa na snagu danom donošenja.

Akt pripremio: 
(Samira Pinjić, dipl. pravnik)



PREDSJEDAVAJUĆA
GRADSKOG VIJEĆA


Amira dr Hadžić, spec. radiolog



Komisija za Statut i propise

Broj: 01-04-2940/22-AP-31

Datum: 13.11.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) člana 127. stav (1) Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19), člana 44. i 126. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23) člana 2. Odluke o pristupanju izradi Statuta Grada Zavidovići („Službeni glasnik Grada Zavidovići“, broj: 1/22) i Zaključka Gradskog vijeća Zavidovići broj: 01-04-2940/22-AP-13 od 05.04.2023. godine, Komisija za Statut i propise na 37. sjednici održanoj dana 13.11.2023. godine, razmatrala je Amandman Komisije za poslove mjesnih zajednica na Prijedlog Statuta Grada Zavidovići, pa nakon rasprave donijela

ZAKLJUČAK

1. Komisija za Statut i propise prihvata Amandman Komisije za poslove mjesnih zajednica na član 80. stav (2) Prijedloga Statuta Grada Zavidovići sa Izvještajem o provedenoj javnoj raspravi.

Obrazloženje

Komisija za poslove mjesnih zajednica podnijela je amandman na član 80. stav (2) prijedloga Statuta Grada Zavidovići sa Izvještajem o provedenoj javnoj raspravi.

Amandman je podnesen blagovremeno od strane ovlaštenog predlagача u smislu člana 126. stav (2) i (3), a u vezi sa članom 123. stav (1) alineja 3) Poslovnika o radu +Gradskog vijeća Zavidovići.

Analizom predmetnog amandmana, stav Komisije za Statut i propise je da isti osnovan zbog razloga navedenih u obrazloženju amandmana.

3. Mišljenje o amandmanu Komisije za poslove mjesnih zajednica na član 80. stav (2) Prijedloga Statuta Grada Zavidovići sa Izvještajem o provedenoj javnoj raspravi dostavlja se predsjedavajućem radi uvrštavanja u dnevni red sjednice Gradskog vijeća.

4. O realizaciji ovog Zaključka starat će se Stručna služba Gradskog vijeća.

ZAMJENIK PREDsjedNICE KOMISIJE
ZA STATUT I PROPISE

Amir Tursić, dipl. pravnik





Komisija za poslove mjesnih zajednica

Broj: 01-04-2940/22-AP-29

Datum: 02.11.2023. godine

Na osnovu člana 40. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za poslove mjesnih zajednica na 6. sjednici održanoj dana 02.11.2023. godine, razmatrala je Prijedlog Statuta Grada Zavidovići sa Izvještajem o provedenoj javnoj raspravi, pa nakon rasprave donijela

ZAKLJUČAK

1. Komisija za poslove mjesnih zajednica prihvata Prijedlog Statuta Grada Zavidovići sa Izvještajem o provedenoj javnoj raspravi.

2. Komisija za poslove mjesnih zajednica podnosi amandman na član 80. stav (2) Prijedlog Statuta Grada Zavidovići sa Izvještajem o provedenoj javnoj raspravi, koji glasi:

AMANDMAN

Član 80. stav (2) Prijedloga Statuta Grada Zavidovići, mijenja se i glasi:

„(2) Gradsko vijeće na prijedlog Gradonačelnika može u slučaju nerada ili nezakonitog rada raspustiti izabrani Savjet mjesne zajednice i donijeti odluku o raspisivanju izbora, za mandatni period za koji je izabran.“

O b r a z l o ž e n j e

Komisija za poslove mjesnih zajednica predlaže da se u članu 80. stav (2) Prijedloga Statuta Grada Zavidovići, koji glasi: (2) Gradsko vijeće na prijedlog Gradonačelnika može u slučaju nerada ili nezakonitog rada raspustiti izabrane organe mjesne zajednice i donijeti odluku o raspisivanju izbora, za mandatni period za koji su izabrani.“, mijenja u cijelosti i glasi: „(2) Gradsko vijeće na prijedlog Gradonačelnika može u slučaju nerada ili nezakonitog rada raspustiti izabrani Savjet mjesne zajednice i donijeti odluku o raspisivanju izbora, za mandatni period za koji je izabran.“

Sa predloženom izmjenom stava (2) člana 80. Prijedloga Statuta Grada Zavidovići, poboljšava se tekst predmetnog stava i isti se usaglašava sa članom 72. i 73., a u vezi sa članom 67. i 81. prijedloga Statuta Grada Zavidovići.

3. Prijedlog Statuta Grada Zavidovići sa Izvještajem o provedenoj javnoj raspravi, dostavlja se predsjedavajućem radi uvrštavanja u dnevni red sjednice Gradskog vijeća Zavidovići.

4. O realizaciji ovog zaključka starat će se Stručna služba Općinskog vijeća.

PREDSJEDNIK KOMISIJE

Hakija Mujahović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za društvene djelatnosti,
ljudska prava, mlade i
ravnopravnost spolova**

Broj: 01-04-2940/22-AP-30

Datum: 02.11.2023. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 47. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za društvene djelatnosti, ljudska prava, mlade i ravnopravnost spolova na 19. sjednici održanoj dana 02.11.2023. godine, razmatrala je Prijedlog Statuta Grada Zavidovići sa Izvještajem o provedenoj javnoj raspravi, pa nakon rasprave donijela

ZAKLJUČAK

1. Komisija za društvene djelatnosti, ljudska prava, mlade i ravnopravnost spolova prihvata Prijedlog Statuta Grada Zavidovići sa Izvještajem o provedenoj javnoj raspravi.
2. Prijedlog Statuta Grada Zavidovići sa Izvještajem o provedenoj javnoj raspravi, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.



PREDSJEDNIK KOMISIJE

Haris Ibrić



Komisija za Statut i propise

Broj: 01-04-2940/22-AP-27

Datum: 26.10.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) člana 127. stav (1) Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19), člana 44. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23) člana 2. Odluke o pristupanju izradi Statuta Grada Zavidovići („Službeni glasnik Grada Zavidovići“, broj: 1/22) i Zaključka Gradskog vijeća Zavidovići broj: 01-04-2940/22-AP-13 od 05.04.2023. godine, Komisija za Statut i propise na 35. sjednici održanoj dana 26.10.2023. godine, utvrđivala je tekst Prijedloga Statuta Grada Zavidovići, pa nakon rasprave donijela

ZAKLJUČAK

1. Komisija za Statut i propise utvrđuje tekst Prijedloga Statuta Grada Zavidovići sa Izvještajem o provedenoj javnoj raspravi.
2. Komisija za Statut i propise zadužuje Stručnu službu Gradskog vijeća da u skladu sa članom 10. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 114. stav 3., a u vezi sa članom 124. stav 3. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), dostavi Gradonačelniku Grada Zavidovići tekst Prijedloga Statuta Grada Zavidovići, radi davanja mišljenja po istom.
3. Prijedlog Statuta Grada Zavidovići sa Izvještajem o provedenoj javnoj raspravi dostavlja se predsjedavajućem radi uvrštavanja u dnevni red sjednice Gradskog vijeća.
4. O realizaciji ovog Zaključka starat će se Stručna služba Gradskog vijeća.

**PREDSJEDNICA KOMISIJE
ZA STATUT I PROPISE**

Zerina Husić, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Stručna služba Gradskog vijeća
Broj: 01-04-2940/22-AP-28
Datum: 30.10.2023. godine



GRADONAČELNIK

doc. dr. Hašim Mujanović

PREDMET: Mišljenje po Prijedlogu Statuta Grada Zavidovići sa Izvještajem o provedenoj javnoj raspravi, traži se.

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), članom 127. stav (1) Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19), člana 44. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23) i člana 2. Odluke o pristupanju izradi Statuta Grada Zavidovići („Službeni glasnik Grada Zavidovići“, broj: 1/22), Komisija za Statut i propise utvrdila je tekst Prijedloga Statuta Grada Zavidovići sa Izvještajem o provedenoj javnoj raspravi.

Na osnovu člana 114. stav (3), a u vezi sa članom 124. stav (3) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), dostavljamo Gradonačelniku Grada Zavidovići Prijedlog Statuta Grada Zavidovići, radi davanja mišljenja.

S poštovanjem.

PRILOG:- Prijedlog Statuta Grada Zavidovići, broj: 01-04-2940/22-AP-24 od 26.10.2023. godine.

DOSTAVLJENO:

1. Naslovu,
2. U spis.

SEKRETAR GRADSKOG VIJEĆA

Samira Pinjić, dipl pravnik



30.10.2023.



Gradsko vijeće kojim je na 3.sjednici održanoj dana 30.06.2022. godine razmatralo Izvještaj o radu finansijskom poslovanju mjesnih zajednica za 2021.godinu te isti usvojilo sa završnom ocjenom i prijedlogom da se kroz izmjene Statuta Grada reguliše oblast mjesne samouprave čime bi se postigao efikasniji rad mjesnih zajednica, riješile nedorečenosti, nadležnosti, ovlaštenja i saradnja MZ sa Gradom (Zaključak br: 01-11-1809/22-AP-4)

Dana 12.07.2021.godine potpisano je pismo sporazuma između Razvojnog Programa Ujedinjenih Nacija i Općine Zavidovići o imlementaciji projekta: "Jačanje uloge mjesnih zajednica u BiH" kojim je započeta druga faza projekta u kome učestvuje 5 mjesnih zajednica koje su odabrane od UNDP.

Kao jedan od uslova aplikacije na javni poziv za navedeni projekat i odabir pojedinačnih projekata po mjesnim zajednicama, navodi se da je organ odlučivanja u mjesnoj zajednici forum građana – forum građana je konsultativni vid učešća građana u djelovanju mjesne zajednice, a čine ga sva lica sa područja mjesne zajednice upisana u birački spisak. Forum građana se organizuje za kompletnu mjesnu zajednicu s tim da su zastupljena sva naseljena mjesta te mjesne zajednice. Učesnici foruma raspravljaju o svim pitanjima koja su od interesa za njihovu zajednicu. Ovakav načinotvorenog razgovora ima svoje prednosti jer:

- svaki glas ima istu težinu,
- procedure su transparentne,
- odluke se donose demokratskim putem,
- rezultati rasprave na forumima se demokratski zbrajaju i ažuriraju.

U predloženoj izmjeni člana 79. Statuta Grada Zavidovići predlaže se drugačiji način imenovanja predsjednika i zamjenika predsjednika Savjeta mjesne zajednice, te smatramo da nije u suprotnosti sa prijedlogom Zakona o principima lokalne samouprave i praksom koja je primjenjena u drugim jedinicama lokalne samouprave. U toku je priprema i izmjena Nacrta Zakona o lokalnoj samoupravi od strane UNDP-a gdje se predlaže ovakva mogućnost.

Sve izmjene i dopune Statuta predložene su zbog boljeg funkcionisanja mjesnih zajednica, bolje koordinacije u radu mjesnih zajednica i Grada Zavidovići i postizanja boljih rezultata u radu mjesnih zajednica, pa samim tim i rada Grada Zavidovići.

S poštovanjem,



POMOĆNIK GRADONAČELNIKA

Idriz Alihodžić, prof.

Dostavljeno:
Naslovu,
U spis.

Obradila:

(Selma Džaferović, dipl.politolog)

organizacija i rad organa, način odlučivanja i druga pitanja od značaja za rad mjesne zajednice.

Član 29.

Organi mjesnih zajednica bit će obavezno konsultovani o pitanjima o kojima vijeće jedinice lokalne samouprave odlučuje dvotrećinskom većinom i u postupku donošenja planova jedinice lokalne samouprave, kao i o drugim pitanjima o kojima je zatražena konsultacija od vijeća ili načelnika/ce jedinice lokalne samouprave.

Organi mjesnih zajednica mogu davati inicijative o pitanjima iz nadležnosti mjesne zajednice, jedinice lokalne samouprave i institucija koje vrše javne ovlasti.

Član 30.

Odlukom vijeća jedinice lokalne samouprave može se svim ili pojedinim mjesnim zajednicama povjeriti obavljanje određenih poslova iz izvornog djelokruga lokalne samouprave, uz osiguranje za to potrebnih sredstava.

Član 31.

Sredstva za rad mjesne zajednice, odnosno drugog oblika mjesne samouprave su:

- 1) mjesne zajednice imat će prihode srazmjerne ovlaštenjima predviđenim zakonom i statutom;
- 2) sistem finansiranja mjesnih zajednica mora biti dovoljno raznovrstan i evolutan kako bi mogao slijediti, koliko je praktički moguće, promjene stvarnih troškova obavljanja poslova izovlaštenja mjesne zajednice;
- 3) sredstva osigurana iz sredstava samodoprinosu;
- 4) sredstva za usluge koja svojim aktivnostima ostvaruje mjesna zajednica;
- 5) pokloni i druga sredstva.

Mjesna zajednica koristi sredstva u skladu sa svojim programima i planovima.

Član 32.

Nadzor nad radom organa mjesne zajednice vrši vijeće jedinice lokalne samouprave na način utvrđen statutom.

RAZLOZI DONOŠENJA ODLUKE

U radu 21 mjesne zajednice na području Grada Zavidovići, već dugi niz godina, a naročito u mandatnom period od 2019.-2023.godine, uočeno je niz problema u radu Savjeta mjesnih zajednica i otežanoj koordinaciji sa nadležnom Službom Grada Zavidovići.

Naime, problem počinje od neusklađenosti Statuta mjesnih zajednica sa Zakonom i Statutom Grada Zavidovići što dovodi do kršenja statutarnih odluka, samovolje u radu, narušenih međuljudskih odnosa u većini Savjeta, koji rezultiraju podnošenjem zahtjeva za smjenu predsjednika mjesne zajednice, neredovnog održavanja sjednica i slično što rezultira radom Savjeta mjesnih zajednica suprotno odredbama Zakona i Statuta.

Uvidom u Statute mjesnih zajednica uočen je niz propusta prilikom njihovog donošenja, a što je rezultat pravne neukosti članova Savjeta mjesnih zajednica.

Kako bi se prevazišli navedeni problemi, neophodno je dopuniti i izmijeniti Statut Grada Zavidovići, a onda na osnovu Statuta Grada Zavidovići i Zakona obavezati nadležnu Službu Grada Zavidovići da pripremi Nacrt Statuta mjesne zajednice koji će Savjet mjesne zajednice prihvatiti kao Prijedlog Statuta mjesne zajednice i isti dostaviti na saglasnost Gradonačelniku i Gradskom vijeću Grada Zavidovići.

Na ovaj način sve mjesne zajednice imale bi isti Statut usklađen sa odredbama Zakona i Statuta Grada Zavidovići, što bi u mnogome olakšalo rad Savjeta mjesnih zajednica, bolju koordinaciju sa nadležnom Službom Grada Zavidovići, onemogućila bi se samovolja u radu članova i predsjednika Savjeta mjesnih zajednica.

rješenjima, sa grupom ljudi koja ima neki zajednički cilj.

Rezultati foruma su najčešće preporuke koje imaju snagu većine koja je artikulisala datu interes. Na osnovu preporuka vrlo često se razvijaju projektne ideje koje doprinose razvoju lokalne zajednice.

Učesnici foruma raspravljaju o svim pitanjima koja su od interesa za njihovu zajednicu.

PRAVNI OSNOV

Sadržan je u Zakonu o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06 i 51/09),

Član 24.

Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave koju osniva vijeće, te u gradskim četvrtima i drugim oblicima mjesne samouprave u skladu sa statutom jedinice lokalne samouprave.

Odlukom o osnivanju mjesne zajednice utvrđuju se: naziv, sjedište, područje mjesne zajednice, mjesna područja, odnosno drugi dijelovi mjesne zajednice, kao i druga pitanja u vezi sa ostvarivanjem mjesne samouprave.

Član 25.

Građani u mjesnoj zajednici putem organa mjesne zajednice odlučuju o poslovima značajnim za život i rad na području mjesne zajednice, a naročito:

- pokreću i učestvuju u javnoj raspravi kod pripreme i donošenja urbanističkih planova na području mjesne zajednice, pokreću inicijative, daju mišljenja i učestvuju u izgradnji komunalnih objekata i objekata u općoj upotrebi;
- pokreću i učestvuju u raspravama o inicijativama i aktivnostima za razvoj privrede i društvenih djelatnosti;
- brinu o zaštiti osoba kojima je potrebna pomoć i u tu svrhu pokreću saradnju sa stručnim organima u oblasti socijalne zaštite;
- staraju se o razvoju kulture i sporta i stvaraju uvjete za dostupnost ustanova i objekata kulture i sporta svim građanima, a pogotovo mladim;
- stvaraju uvjete i preduzimaju mjere za očuvanje i zaštitu prirodnih i radom ostvarenih vrijednosti čovjekove sredine;
- drugim poslovima utvrđenim statutom i pravilima mjesnih zajednica vodeći računa o vrsti i obimu potreba, raspoloživim sredstvima, kao i interesima građana u cjelini.

Član 26.

Mjesna zajednica može biti osnovana za jedno naseljeno mjesto, više međusobno uvezanih manje naseljenih mjesta, ili za veći dio naselja koji u odnosu na ostale dijelove naselja čini cjelinu.

Inicijativu za osnivanje mjesne zajednice mogu pokrenuti građani, udruženja građana sa područja naseljenog mjesta za čije se područje predlaže osnivanje nove mjesne zajednice, vijeće ili načelnik/ca jedinice lokalne samouprave.

Mjesna zajednica osniva se na način i po postupku utvrđenom statutom jedinice lokalne samouprave u kojoj se osniva mjesna zajednica.

Član 27.

Mjesna zajednica ima svojstvo pravnog lica u okviru prava i dužnosti utvrđenih statutom i odlukom o osnivanju.

Član 28.

Statutom mjesne zajednice, u skladu sa statutom jedinice lokalne samouprave i aktom o osnivanju, utvrđuju se poslovi koje obavlja mjesna zajednica, organi, kao i postupak izbora,

7.) U članu 75. stav 1. statuta treba da glasi: „Prijedlog za člana Savjeta mjesnih zajednica vrši se u skladu sa Pravilima Komisije za provođenje izbora za članove Savjeta mjesnih zajednica Grada Zavidovići ili drugim aktom Gradskog vijeća kojim se uređuje ovo pitanje.“

8.) U članu 79. stav 1. alineja 8. Statuta treba da glasi:

„ – predlaže kandidata za predsjednika i zamjenika predsjednika Savjeta Gradskom vijeću koji ga imenuje svojom Odlukom, a ukoliko Savjet ne može postići konsenzus oko kandidata za predsjednika i zamjenika predsjednika, Gradsko vijeće će iz reda članova Savjeta imenovati predsjednika i zamjenika predsjednika Savjeta.“

9.) U članu 79. stav 1. alineja 9. Statuta riječi „zborove građana“ zamjenjuju se riječima „zborove i forume građana.“

10.) U članu 81. iza stava 1. dodaje se stav 2. i 3 koji glase:

„ Gradsko vijeće na prijedlog Gradonačelnika može u slučaju nerada ili nezakonitog rada raspustiti izabrane organe mjesne zajednice ili naložiti izbor novih organa.

Do provođenja novih izbora, ali ne duže od 90 dana od dana raspuštanja, poslove organa mjesne zajednice obavljat će povjerenik koga Odlukom o raspuštanju organa imenuje Gradsko vijeće.“

11.) U članu 82. stav 1. alineja 3. Statuta treba da glasi:

„ Savjet mjesne zajednice predlaže kandidata za predsjednika i zamjenika predsjednika Savjeta Gradskom vijeću koji ga imenuje svojom Odlukom.

12.) Član 83. stav 1. Statuta treba da glasi:

„Predsjednik Savjeta može biti opozvan od strane Gradskog vijeća ukoliko Savjet ne djeluje duže od tri (3) mjeseca, ukoliko provodi aktivnosti suprotne Statutu Grada, krši etički kodeks i ne ostvaruje saradnju sa Gradskom upravom i Gradskim vijećem.“

13.) U članu 83. Statuta dodaje se stav 2. koji glasi:

„Član Savjeta mjesne zajednice može biti opozvan po postupku i na način utvrđen statutom mjesne zajednice.“

14.) U članu 86. stav 1., 2., 3. i 4. Statuta riječi „zbor građana“ zamjenjuju se riječima „zbor ili forum građana.“

15.) U članu 89. stav 1. iza alineje 2. Statuta dodaje se alineja 3. „forum građana“.

16.) Iza člana 98. statuta dodaje se novi član 99. koji glasi „forum građana“

Forum građana je konsultativni vid učešća građana u djelovanju mjesne zajednice, a čine ga sva lica sa područja mjesne zajednice upisana u birački spisak.

Forum građana se organizuje za kompletnu mjesnu zajednicu s tim da moraju biti zastupljena sva naseljena mjesta u toj mjesnoj zajednici.

Forum građana donosi Odluke pismenim izjašnjavanjem svih prisutnih na osnovu čega se bodovanjem sačinjava rang lista prioriternih projekata za naredni period.


Forum građana je organ odlučivanja i konsultovanja koji se povremeno, po potrebi sastaje o pitanjima od interesa za Grad, mjesnu zajednicu i naseljeno mjesto u mjesnoj zajednici po pitanjima koja po značaju prevazilaze nadležnost Savjeta mjesne zajednice.

Forum se ne bira po proceduri izbora Savjeta mjesne zajednice nego se saziva javnim pozivom a čine ga punoljetni građani/grādanke mjesne zajednice sa prebivalištem u toj mjesnoj zajednici.

Forum građana je širok participativni proces razgovora o zajedničkim problemima i

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravljanje društvenih djelatnosti,
pitanja boraca i opću upravu



Broj: 04-04-2028/22-AP-3

Dana: 05.06.2023.godina

- Gradonačelnik,
 - Stručna služba gradskog vijeća
- O V D J E

Predmet: Primjedbe na Nacrt Statuta Grada Zavidovići

Na osnovu tačke 5. Zaključka Gradskog vijeća Zavidovići, broj: 01-04-2940/22-AP-13 od 05.04.2023. godine, Služba za upravljanje društvenih djelatnosti, pitanja boraca i opću upravu dostavlja primjedbe na Nacrt Statuta Grada Zavidovići

1.) Član 22. tačka 16. Nacrta Statuta Grada Zavidovići, treba da glasi:
„donosi odluke o raspisivanju referenduma i sazivanju zborova i foruma građana mjesnih zajednica, te daje saglasnost na prijedlog Statuta mjesnih zajednica;“

2.) Član 59. stav 3. Statuta, treba da glasi:
„Ako građani podnose inicijativu, svojim potpisom mora ga podržati najmanje dvadeset posto (20%) birača upisanih u centralni birački spisak sa područja za koje se predlaže osnivanje mjesne zajednice“.

3.) Član 59. stav 4. Statuta treba da glasi:
„Inicijativa za osnivanje mjesne zajednice razmatra se na zborovima građana na kojim građani i njihove organizacije i udruženja imaju prebivalište, odnosno sjedište, a ista je prihvaćena ako se za nju izjasni najmanje 20% birača upisanih u centralni birački spisak naselja za čije se područje prelaže osnivanje mjesne zajednice.“

4.) Član 65. Statuta mijenja se i glasi:
„Mjesna zajednica ima Statut. Nadležna Služba Grada Zavidovići priprema nacrt Statuta mjesne zajednice, a na osnovu nacrta Statuta, Savjet mjesne zajednice utvrđuje Prijedlog Statuta koji dostavlja na saglasnost Gradskom vijeću.
Statutom mjesne zajednice utvrđuje se: poslovi i organizacija mjesne zajednice, organi mjesne zajednice, izbor predsjednika organa mjesne zajednice, odgovornost organa mjesne zajednice, radna tijela, način njihovog rada i odlučivanja, akti mjesne zajednice, postupak njihovog donošenja, javnost rada i informisanja, edukacija članova organa mjesne zajednice, saradnja sa gradskim i drugim organima i organizacijama i druga pitanja od značaja za rad mjesne zajednice.“

5.) U članu 69. Statuta iza stava 2. dodaje se stav 3. koji glasi:
„Organi mjesne zajednice rade u skladu sa Zakonom, Statutom i Poslovníkom o radu mjesnih zajednica i u svom radu obavezni su pridržavati se Etičkog kodeksa.“

6.) U članu 71. stav 2. Statuta, riječi „zbor građana“ zamjenjuju se riječima
„zbor i forum građana.“

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

19-05-2023

Primljeno:

Org. jed.	Kl. ozna.	Red. broj	Br. priloga
01			

Broj: 02-45-6/23-AP-52
Datum: 18.05.2023. godine

GRADSKO VIJEĆE ZAVIDOVIĆI
- O v d j e -

PREDMET: Prijedlozi i sugestije po Nacrtu Statuta Grada Zavidovići, dostavlja se

Zaključkom Gradskog vijeća Zavidovići broj 01-04-2940/22-AP-13 od 05.04.2023. godine prihvaćen je Nacrt Statuta Grada Zavidovići i isti upućen u javnu raspravu. Nakon izvršene analize dostavljenog Nacrta Statuta Grada Zavidovići dajem sljedeće prijedloge i sugestije po istom:

- U članu 17. stav (3) Nacrta Statuta, broj vijećnika Gradskog vijeća Zavidovići treba smanjiti sa 29 na 25 vijećnika. Smatram da zbog sadašnjeg broj stanovnika Grada Zavidovići broj vijećnika Gradskog vijeća Zavidovići treba da bude 25 vijećnika.

- Zastupljenost nacionalnih manjina u sastavu Gradskog vijeća Zavidovići nije zabranjena Nacrtom Statuta Grada Zavidovići, te smatram da to ne treba posebno isticati u članu 17. stav (4) i (5) Nacrta Statuta. Nacionalne manjine u Bosni i Hercegovini su ravnopravne sa konstitutivnim narodima Bosne i Hercegovine kad je u pitanju izborni proces u jedinicama lokalne samouprave. Nadalje sam mišljenja da ne treba ostaviti mogućnost da mjesto vijećnika predviđeno za nacionalne manjine ne bude popunjeno, zbog funkcionisanja Gradskog vijeća Zavidovići sa manjim brojem vijećnika u odnosu na propisani broj.

- Dio Nacrta Statuta Grada Zavidovići kojim se definiše mjesna samouprava ne odgovara sadašnjim trendovima koji postoje u ovoj oblasti. Gradonačelnik je u proteklom periodu putem nadležne Službe za upravu društvenih djelatnosti, pitanja boraca i opću upravu dostavljao prijedloge koji nisu uvaženi u Nacrtu Statuta Grada Zavidovići, te predlažem da isti budu prihvaćeni u javnoj raspravi i ugrađeni u Prijedlog Statuta.

- Odredbama člana 105. – 109. Nacrta Statuta Grada Zavidovići propisano je osnivanje i rad Zdravstvenog savjeta Grada Zavidovići, te je potrebno doraditi na način da se Prijedlogom Statuta samo propiše postojanje istog, a da se sva druga pitanja regulišu posebnom odlukom. Naime, zbog potrebe da se ova oblast dodatno normira u narednom periodu, kao bi rad Zdravstveni svajet bio što više svrsishodniji, bili bi suočeni da se vrlo često vrše izmjena i dopuna Statuta Grada Zavidovići zbog Zdravstvenog savjeta.


- Izradu Prijedloga Statuta Grada Zavidovići treba izraditi u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine ZDK“, broj: 5/08) u dijelu označavanja cijelina propisa sa dijelovima, poglavljima i odjeljcima. Također je potrebno uskladiti unutrašnju podjelu članova u dijelu označavanja tačaka i alineja. Nadalje je potrebno da obrazloženje Prijedloga Statuta Grada Zavidovići sadrži sve dijelove propisane Jedinstvenim pravilima za izradu pravnih propisa u Zeničko-dobojskom kantonu.

S poštovanjem.

Dostavljeno:

1. Naslovu,
2. U spis.

[Signature]



GRADONAČELNIK

doc. dr. Hašim Mujanović

[Signature]

mogu stvarati novčane obaveze koje ne mogu podmiriti iz svojih prihoda, a pogotovo ne mogu to tražiti da pokrije budžet grada. Zato smatram da u poglavlju VIII Mjesna samouprava treba ugraditi odredbe koje će regulisati pitanja sredstava mjesne zajednice. Sve to u skladu sa članom 31. Zakona o lokalnoj samoupravi u FBiH.

Član 85. Nacrta Statuta

Ako je funkcija predsjednika i članova Savjeta MZ počasna, zašto je u stavu 2. istog člana regulisano da oni imaju pravo na naknadu troškova u skladu sa odlukom Gradskog vijeća. To pitanje treba da reguliše Statut MZ. Zato stav 2. člana 85. treba izostaviti.

Član 88. Nacrta Statuta, iza riječi Grada briše se tačka, a dodaju riječi „utvrđena pravilnikom o unutrašnjoj organizaciji i sistematizaciji radnih mjesta organa uprave.

U poglavlju X Zdravstveni savjet Grada meni nije jasno zašto je to organ koji formira Gradonačelnik. U obrazloženju teksta Nacrta Statuta nema pojašnjenja o tome. Zbog jasnoće cilja norme potrebno je dati dodatno obrazloženje te odredbe. Ako Savjet podnosi Gradskom vijeću izvještaj o svom radu, a imenuje ga Gradonačelnik, tu nešto nije uredu. Jedan ga imenuje, a on odgovara drugom. Ovaj organ vjerovatno je predviđen Zakonom o Zdravstvenoj zaštiti i Zakonom o pravima, obavezama i odgovornostima.

S tim u vezi potrebno je u obrazloženju dati razloge o ovom tijelu, a ne samo konstatovati da formiran ili to regulisati posebnom odlukom.

U tekstu Nacrta Statuta treba izbjegavati naziv radnog tijela koje razmatra pitanja Statuta. Naziv radnog tijela se utvrđuje poslovnikom, a ne Statutom. Zato mislim da je prikladnije upotrebljavati riječi nadležno radno tijelo vijeća.

Član 31. stav 7. Nacrta Statuta. Ovim odredbom propisano je da gradonačelnik ostaje na funkciji ako podnese ostavku do izbora novog gradonačelnika. U članu 5. Zakona o izboru, imenovanju i opozivu i razrješavanju načelnika općina u FBiH, propisano je da razrješavanjem načelnika prestaje mandat koji je ista osoba imenovana na koji je izabran u skladu sa odredbom člana 1.10 istog Zakona. Ostavka se podnosi istom tijelu u FBiH. Ako ostavkom prestaje mandat, onda je stav 7. člana 31. Nacrta Statuta suprotan Zakonu. Treba konsultovati istom Zakonu FBiH. Isti može gradonačelnik ostati na funkciji ako podnese ostavku do izbora ~~novog~~ gradonačelnika. Statutom treba normirati postupak izbora novog gradonačelnika u slučaju ostavke, te ~~da~~ ista lica koje ~~se~~ razrješavaju gradonačelnika u ostavci do izbora novog.

Katardžić Hajrudin

u FBiH propisano je da se radna mjesta rukovodećih državnih službenika utvrđuju pravilnikom o unutrašnjoj organa uprave.

Član 48. stav 4. – Nacrta Statuta je nezakonit. Ne može Gradonačelnik ovlastiti državnog službenika da donosi ili potpisuje pojedinačne akte vezane za obavljanje upravnih, stručnih ili drugih poslova iz nadležnosti u skladu sa zakonom, Statutom ili propisom Gradskog vijeća. Zašto?

Zato što Gradonačelnik nije organ uprave, pa stoga i ne može prenositi prava koja po zakonu nema. Prema članu 7. Zakona o unutrašnjoj organizaciji organa uprave u FBiH, Gradonačelnik vrši koordinaciju, usklađivanje i usmjeravanje rada gradskih organa uprave (član 7. stav 2. Zakona). Navedenim članom određena je nadležnost Gradonačelnika i kako se vidi on ne obavlja poslove upravnog postupka. Nadležnost gradskih organa uprave određuje se odlukama Gradskog vijeća (član 5. Zakona o organizaciji organa uprave u FBiH), Stoga, predlažem da se stav 4. i 5. člana 48. Nacrta Statuta izostave iz teksta Nacrta.

Član 53. stav 2. je nejasan. U stavu 1. člana 53. propisan je postupak osnivanja, ukidanja i statusnih promjena javnih ustanova. Šta znači da osnivač (grad) može prenijeti svoja prava i obaveze na drugo pravno lice posebnom odlukom kojom se uređuje način zaštite prava korisnika usluga i druga pitanja od značaja za promjenu osnivača. Nejasan smisao odredbe. U obrazloženju Nacrta Statuta nisu pojašnjene navedene odredbe Nacrta Statuta.

Član 54. Nacrta Statuta.

U stavu 1. člana 54. iza riječi „preduzeća“ umjesto zareza stavlja se tačka, a ostali dio teksta se briše. Zašto? Nije potrebno, suvišno je navoditi da će se javna preduzeća osnivati iz oblasti komunalnih djelatnosti i određivati Statutom nadležnost komunalnog preduzeća. Komunalne djelatnosti propisane su Zakonom o komunalnim djelatnostima ZE-DO kantona i nema potrebe to činiti Statutom.

Što se tiče stava 2. smatram da je on nepotreban iz razloga što je stavom 1. istog člana sve rečeno. Tim prije, što u donošenju odluke o osnivanju javnog preduzeća, kao pravni osnov za donošenje navedene odluke, čini Zakon o javnim preduzećima.

Član 81. Nacrta Statuta

Odgovornost Savjeta mjesne zajednice prema osnivaču (gradsko vijeće) utvrđena je tako da se podnosi godišnji izvještaj o radu i finansijski izvještaj. Mislim da postavljena odgovornost nije dobra. Gradsko vijeće nije osnivač i ne bira Savjet mjesne zajednice i ne vidim razlog da Savjet podnosi izvještaj o radu Gradskom vijeću. Bilo bi bolje da Savjet MZ podnosi, odnosno obavještava o svom radu subjekte koji su ga birali. Samo zato što GV potvrđuje izbor članova Savjeta MZ, , ne znači da Savjet podnosi izvještaj GV, a ne organima i tijelima koji su ga birali. Zato mislim da je član 81. nepotreban i da ga treba izostaviti iz teksta Nacrta Statuta. Pogotovo što je članom 88. Nacrta Statuta regulisano pitanje nadzora rada Savjeta MZ. U tom smislu velika je odgovornost nadležne službe za upravu u pogledu nadzora. U Nacrtu Statuta bilo bi dobro da se ugradi dio teksta koji bi se ticao odnosa mjesne zajednice i grada. Oba subjekta su pravna lica. U praksi se dešava da organi mjesne zajednice stvaraju finansijske obaveze za mjesnu zajednicu, a da nemaju utvrđen izvor prihoda za stvorenu obavezu. U tim situacijama organi grada, posebno Gradonačelnik, finansiraju stvorene obaveze mjesne zajednice na teret budžeta. U tom smislu trebalo bi regulisati da organi mjesne zajednice (predsjednik i Savjet/ ne

ali samo onda kada su ovlašteni tim propisom. Vrste opštih akata i način njihovog donošenja utvrđuju se Statutom grada. Te je u Nacrtu Statuta određeno pa je iz tih razloga nepotrebna odredba člana 37. Nacrta Statuta.

U članu 38. Nacrta Statuta u stavu 1. iza riječi „prijedlog“ treba dodati naziv akta. Iz daljeg teksta člana 38. stav 1. proizilazi da se radi osnovama programa i politike koje treba ostvariti u toku mandata. Stav 1. mora biti jasno izražen. Međutim, ovaj član je sporan u Nacrtu Statuta. Tko mislim. Za svoje mišljenje dat ću i obrazloženje. Odnos Gradonačelnika i Gradskog vijeća treba da se zasniva na pravima i obavezama Gradskog vijeća prema Gradonačelniku i na pravima i obavezama Gradonačelnika za ostvarivanje ne samo svoje izvršne funkcije, nego i za stvaranje ambijenta za ostvarivanje funkcije Gradskog vijeća. Navedeni odnos počiva na ustanovljenoj obavezi Gradonačelnika da podnosi Gradskom vijeću i javnosti izvještaj o sprovođenju gradske politike i svojim aktivnostima. Gradonačelnik je u obavezi da svoj rad usklađuje sa programom rada Gradskog vijeća, što ima znantnog uticaja na sadržaj godišnjeg izvještavanja o radu Gradonačelnika. Osim obaveze izvještavanja, Gradonačelnik, a ne neki njegov saradnik, dužan je Gradskom vijeću, kada se to zatraži, davati razna objašnjenja o svim pitanjima iz okvira svojih prava i obaveza, kao i odgovora na vijećnička pitanja. Ove i sve druge obaveze prema Gradskom vijeću, Gradonačelnik ne može prenijeti niti povjeriti nekom od svojih saradnika.

Iz iznijetog sam mišljenja da je ovaj član nepotreban. U prijedlog ovome, dodajem da je Gradonačelnik ovlašten da obavlja poslove regulisane članom 34. Nacrta Statuta, pa nema potrebe to ponavljati u članu 38. Nacrta Statuta.

Član 39. Nacrta Statuta „Iza stava 3. nevedenog člana mislim da je potrebno dodati stav 4. koji bi regulisao pitanje da Gradonačelnik ima pravo postaviti pitanje povjerenja pred Gradsko vijeće ako ocijeni da nije u stanju osigurati provođenje naloženih mjera Gradskog vijeća, odnosno da ne može preuzeti odgovornost za izvršavanje propisa. To može da se desi pogotovo u slučajevima kada je predlagač propisa ili drugog akta radno tijelo vijeća ili ovlašćeni broj vijećnika. Ovaj institut bio bi novina u Statutu grada. Može se i posebno regulisati kao zasebna odredba. Mislim da su članovi 40. i 41. Nacrta Statuta u koliziji: U članu 40. se govori o neustavnosti i nezakonnosti donijetih odluka, a u članu 41. se govori o odlukama koje mogu proizvesti nepopravljivu štetu. Neustavnost odluke, odnosno nezakonitost odluke, u svojoj primjeni uglavnom dovede do štete po jedinicu lokalne samouprave, tako da mislim da je član 41. višak i da ga treba izostaviti. Ovdje se postavlja pitanje odgovornosti licu koja pripremaju takve akte za Gradonačelnika, zatim odgovornost pravobranioca kada je u pitanju imovina općine, rukovodioca službe Gradonačelnika, itd.

Član 48. stav 1. Nacrta Statuta.

Stav 1. djelimično je prepisan iz Zakona o organizaciji organa uprave u FBiH. Treba ga prepisati u cjelosti ili naznačiti odredbom člana navedenog zakona koji reguliše navedeno pitanje. U Zakonu o organizaciji organa uprave u FBiH navedeno je da je Gradonačelnik odgovoran za obavljanje funkcije Gradonačelnika lično kao i za rad službi kojima rukovodi (član 62. stav 1. i 4. Zakona o organizaciji organa uprave u FBiH).

U stavu 2. člana 48. Nacrta Statuta određen je broj i naziv rukovodećih državnih službenika. Ova odredba nije statutarna materija. Članom 63. stav 3. Zakona o organizaciji organa uprave

33.stav 2. iza riječi „vrši“ dodati riječ „državni službenik iz reda rukovodećih državnih službenika“, ostali dio teksta da ostane.

U članu 35. u stavu 1. predlažem da se ugradi odredba sljedećeg sadržaja: Iza riječi profesionalno dodati riječ „a može i volonterski“. Ovakav prijedlog možda je smio, a može izgledati i kao politički neutemeljen. Alizašto ne ostaviti i tu mogućnost izbora. Takva opredjeljenost kandidata za izbor Gradonačelnika/ce mogla bi imati uticaja na opredjeljenost birača kod izbora. Vrijeme trajanja rada na volonterski način moglo bi se regulisati posebnom odlukom GV. Ukoliko bi se prihvatio ovaj koncept kao alternativa i ako bi kandidat izrazio jasnu želju da funkciju Gradonačelnika obavlja volonterski, do izražaja bi došla pozicija i odgovornost u radu njegovih pomoćnika kao i ostalih državnih službenika. Finansijski elemenat bio bi takođe zadovoljen u korist budžeta grada.

Ukoliko bi se prihvatilo ovo mišljenje i prijedlog onda bi u tom smislu trebalo izmijeniti stav 2 i 3. navedenog člana.

V – Medusobni odnosi Gradskog vijeća i Gradonačelnika

Ovo poglavlje je obrađeno u poglavlju V Zakona o principima lokalne samouprave u FBiH, počev od člana 16 do člana 23. Zakona. Pažljivim čitanjem navedenog Zakona, poglavlje V samo su dva slučaja koja se trebaju uraditi Statutom. To su slučajevi iz člana 22 i 23. zakona. Dakle, zakon nije ostavio mogućnost da se Statutom uređuju odnosi na drugačiji način, nego je to propisano zakonom. U članu 39. stav 1. Nacrta Statuta određen je rok čije određenje je zakon ostavio mogućnost da se utvrdi Statutom. To je uredu mada je u pitanju izvještaj o ostvarivanju politike..

Odredba stava 2 i 3. člana 39. Nacrta Statuta su materija koja se reguliše Poslovníkom o radu GV, a ne reguliše se Statutom.

U članu 42. Nacrta Statuta određen je rok za odgovore na vijećnička pitanja i inicijative. Ta mogućnost data je Zakonom u članu 22. Ista je situacija i u članu 43. Nacrta Statuta. To je dobro. Meni su sporni članovi 37. i 38. Nacrta Statuta. Zašto? U članu 37. tekst počinje „ako su zakonom ili drugim propisom nije jasno određeno koji je organ nadležan za obavljanje poslova iz samoupravnog djelovanja grada.“ Smatram da je ovaj član nepotreban sa ovakvom formulacijom u Statutu grada. U članu 8. Zakona o principima lokalne samouprave, poglavlje III- samoupravni djelokrug jedinica lokalne samouprave jasno sunavedene nadležnosti općine ili grada. Ne može se Statutom grada proširivati, sužavati ili određivati nadležnost mimo člana 8. zakona. Pogotovo je sporan stav 3. člana 37. Ne može Gradonačelnik određivati nadležnost službe za upravu. Ta nadležnost je određena odlukom GV o organizaciji organa uprave. Odnos izvršne vlasti, odnosno Gradonačelnika i organa uprave na lokalnom nivou regulisan je u glavi X Zakona o organizaciji organa uprave u FBiH „Odnos organa uprave i upravnih organizacija prema organima izvršne vlasti, organima zakonodavne vlasti, ombdusmanima i pravnim licima“, u članu 90 do člana 97, regulisano je pitanje odnosa organa uprave prema organu izvršne vlasti. Iz tih razloga nema mjesta drugačijem i širem regulisanju tih odnosa. Zato predlažem da se pomenuti član Nacrta Statuta izostavi iz teksta (član 37).

U članu 69. Zakona o organizaciji organa uprave u FBiH regulisano je pitanje da Gradonačelnik može donositi akte za izvršavanje propisa koje donosi GV iz oblasti lokalne samouprave grada,

IV- ORGANI GRADA

U članu 15. stav 1. tačka 2) , treba da glasi: 2. „Gradonačelnik/ca“ – ravnopavnost spolova.

U članu 16. isto uraditi iz istog razlogakao u članu 15. „Gradonačelnik/ca“.

Član 17. stav 3 – Broj vijećnika u Gradskom vijeću sada je 29. Obzirom na broj stanovnika grada, ovaj broj vijećnika trebalo bi preispitati u razgovoru sa političkim strankama. Lično mislim da bi broj vijećnika trebao biti manji zbog:

-prostora i smještaja

-organizacije rada

-davanja veće uloge u radu radnih tijela Gradskog vijeća

-troškovi sjednica (treba preći na moderniji način organizacije rada), jer je sadašnja organizacija rada stara više od 15 godina, ako ne i više.

-sve što se predvidi u Nacrtu može se regulisati poslovnikom i to sada treba iskoristiti.

Član 17. stav 4. i stav 5.

Pojam nacionalne manjine u Zavidovićima. Do sada nije bilo slučaja da je nacionalna manjina imala svoju izbornu listu. Shodno tome, stav 4. se ne može ni primijeniti. Ako je to tako, stav 5. Nacrta Statuta, određuje broj vijećnika od 28. Tako mislim da stav 4. i 5. treba izostaviti Statutom, a primijeniti Izborni zakon BiH, mada su u pitanju nacionalne manjine. Treba tražiti rješenje na taj način.

Član 18. stav 1.

Šta znači odrednica da „vijećnik vrši svoje dužnosti, prema svom slobodnom uvjerenju.“. Da li i to značilo da može da u Vijeću zagovara sve negativnosti za koje on smatra da su ispravne (npr. Nacionalna mržnja, ne uvažavanje tuđeg i drugačijeg mišljenja, neravnopravnost građana, ne uvažavanje svih prava i sloboda određenim međunarodnim sporazumima i domaćim zakonodavstvom). Zato mislim da stav 1. treba u cjelosti izostaviti, jer je u stavu 3. sve rečeno u pogledu uloge vijećnika. U cjelokupnom tekstu Nacrta Statuta riječi „Gradonačelnik“ izmijeniti na način da stoji „Gradonačelnik/ca“.

Član 33. Ovaj član ne treba da bude prepisan

Član 7. Zakonom o izboru, prestankom mandata, opozivom i zamjenom načelnika općina u FBiH „ , (U Sl. Novine FBiH“, broj 19/08) Zašto? Zato što je navedeni zakon dao široku primjenu kod izbora, a to ne znači da nadležni organ može odrediti uži krug lica koji mogu zamijeniti načelnika. Zato mislim da član 33. u stavu 1. treba da glasi: „Gradonačelnik/ca za vrijeme privremene odsutnosti ili spriječenosti zamjenjuje rukovodeći državni službenici gradske uprave kojeg on odredi“. U slučaju ovog rješenja, treba naznačiti šta znači privremena odsutnost ili spriječenost izabranog načelnika/ce, koji su to uslovi, vrijeme trajanja itd. U članu 33. stav 2. propisana je odredba člana 7. gore pomenutnog zakona, a upravo treba suprotno. Statut mora odrediti šta znači „osoba koju izabere Gradsko vijeće“. Da li ta osoba može biti iz reda zaposlenih u organima Grada Zavidovići ili bilo koja osoba. Takvu mogućnost ne treba ostaviti Gradskom vijeću. Statut mora to pojasniti. Mislim da bi bilo dobro u tekstu člana

U članu 2. stav 3. je nejasno formulisan. Kaže se da je grad pravni sljednik Općine Zavidovići i ima zakonom određene nadležnosti. Grad ima nadležnosti i na osnovu drugih propisa, a ne samo na osnovu zakona. (npr. Statut, poslovnik, prenesene nadležnosti itd.) Dalje se kaže da Grad preuzima nadležnost, prava, obaveze i imovinu općine čiji je pravni sljednik.

Izraz „pravni sljednik“ je pojam koji je uobičajen u nasljednom pravu. Mislim da je neprimjeren u organizaciji vlasti. Zato mislim da stav 3. Nacrta Statuta treba izostaviti, jer su ta pitanja u datoj razradi našla svoje mjesto. U članu 3. Nacrta Statuta, a u nazivu člana stoji (temeljna prava i slobode grada). Mislim da naziv nije dobar iz razloga što se postavlja pitanje koja su to temeljna prava i slobode grada. Očito je da to nisu samo prava i obaveze iz stava 1 i 2. člana 3, jer su u razradi radi o temeljnim slobodama i osnovim pravima građana, a ne grada. Zato u nazivu člana treba izostaviti riječ „grada“, stav 1 i 2. treba izmijeniti u cjelosti, na način što bi član 3 glasio: „Grad će osigurati primjenu najviše razine međunarodno priznatih prava i sloboda utvrđenih u Ustavu BiH i Ustavu FBiH“, kao i u dokumentima navedenih u dodatku Ustava FBiH i Ustava BiH. Ovo je ustavna formulacija Ustava FBiH i mislim da je bolja i primjerenija formulacija nego što je data u članu 3. Nacrta Statuta.

II – Statusna obilježja grada

U članu 4. stav 2. regulisano je da je sjedište Grada Zavidovići, ulica „Mehmed paše Sokolovića“ broj 9, 72220 Zavidovići. Ovakva formulacija je nedorečena. Mislim da bi trebalo da stoji da je sjedište grada „Naseljeno mjesno Zavidovići“, a ne samo Zavidovići. Naziv Zavidovići određen je Zakonom o nazivima naseljenih mjesta i trebalo bi konsultovati taj zakon. Ovakav prijedlog proizilazi i iz člana 5. Nacrta Statuta u kojem je navedeno da teritorij grada čine naseljena mjesta, spominje se naseljeno mjesto Zavidovići. Kada je u pitanju ulica Mehmed paše Sokolovića, u postojećem Statutu je ulica Safvet bega Bašagića broj 1. Nije mi poznato da je mijenjana odluka o nazivima ulica, treba to provjeriti. U članu 8. Nacrta Statuta govori se o pečatu grada, mislim da iza stava 1. člana 8. Nacrta Statuta treba formulisati novi stav 2. koji glasi: Stav 2. „Pečat grada okruglog je oblika čija veličina, sadržaj i način upotrebe se uređuje posabnom odlukom Gradskog vijeća Zavidovići.“ Ponuđeni stavovi 2. 3. i 4. Nacrta Statuta da se izostave kod formulisanja prijedloga. Predloženi način ekonomičniji je, lakši je i jednostavnije mijenjati odluku o navedenim pitanjima, nego mijenjati Statut ukoliko dođe do izmjene elemenata sadržaja, grba itd. Sem toga, u ponuđenom tekstu stav 4. član 8. Nacrta Statuta predviđeno je da uslovi i način upotrebe pečata Grada Zavidovići propisuje se posebnom odlukom Gradskog vijeća. U članu 8. nema uopšte odrednice o veličini pečata. Zato mislim da bi posebna odluka Gradskog vijeća trebala regulisati i veličinu, sadržaj i način upotrebe. Tim prije što bi se kod izmjena odluke o nazivima organa uprave mijenja odluka, a ne Statut, što je jednostavnije. Ovdje je ostavljeno jedno pitanje o kojem da se razmisliti kod izrade prijedloga Statuta, a koje nije ponuđeno u Nacrtu Statuta. Osim grba i zastave, grad može imati i druga znamenja. O ovim drugim znamenjima treba da odluku donese Gradsko vijeće. Predlažem da se takva odredba ugradi u Statut grada. Npr. Znamenja o turističkim destinacijama, manifestacijama sportskog, kulturnog, naučnog i drugog djelovanja grada. U članu 9. stav 1. iza riječi „bosanski“ dodati riječ „jezik“, iza riječi „hrvatski“ dodati riječ „jezik“, što je sa ostalim jezicima. Ako nisu službena, treba ostaviti mogućnost da se mogu koristiti kao sredstva komunikacije i nastave (npr. Romski jezik) . Zato predlažem da se iza stava 2. člana 9. doda stav 3. koji bi glasio: „ Ostali jezici mogu se koristiti kao sredstva komunikacije i nastave“. Predložena odredba je kategorija Ustava FBiH, propisana u poglavlju I član 6. stav 2.

Katardžić Hajrudin

Zavidovići

Kulina bana 3.

Grad Zavidovići

-Stručna služba Gradskog vijeća-

Predmet: Prijedlozi, mišljenja i sugestije po Nacrtu Statuta Grada Zavidovići

Uvod Statuta Grada Zavidovići

U uvodu Nacrta Statuta, pravni osnov donošenja navedeno je više pravnih akata. Smatram da ne treba navoditi toliko pravnih propisa kao osnov za donošenje Statuta. Dovoljno je navesti samo dva pravna osnova i to: Ustav FBiH u poglavlju VI- Općinske vlasti, član 4. stav 1. a), a ne član 2 stav 2. poglavlja VI. Predlažem da pravi osnov za donošenje Statuta Grada Zavidovići treba poglavlje VI Ustav FBiH, član 4 stav 1. a) koji reguliše da Općinsko vijeće priprema i dvotrećinskom većinom glasova usvaja Statut Općine. Osim toga, pravnog osnova u uvodu treba ostati i Zakon o principima lokalne samouprave u FBiH (član 13), koji samo potvrđuje ustavnu odredbu. Ostale pravne akte treba izostaviti u uvodu, a naznačiti ih prilikom pisanja obrazloženja, dajući na taj način jaču pravnu snagu i cilj donijetom aktu i Zakon o Gradu Zavidovići samo potvrđuje Ustavnu odredbu člana 4. stav 1. a) i člana 13. Zakona o principima lokalne samouprave u FBiH, te nije potrebno u uvodu to ponavljati.

I – OPĆE ODREDBE

U članu 1. propisano je šta je predmet Statuta. Predmet propisa sadrži informacije o cilju propisa, a u formulisanju predmeta propisa treba spomenuti osnovni sadržaj propisa koji važe za cijeli sadržaj pravnog propisa. U članu 7. Zakona o Gradu Zavidovići u stavu 2. regulisano je pitanje šta se Statutom propisuje. Tu odredbu trebamo je u cijelosti prenijeti u član 1 Nacrta Statuta Grada Zavidovići. Očito je da postoji nesklad između člana 7. stav 2. Zakona o Gradu Zavidovića i člana 1. Nacrta Statuta. U članu 1. Nacrta Statuta nedostaje „Obilježja grada“, a naznačena su u članu 7. stav 2. Zakona o Gradu Zavidovići nedostaje u članu 1. „Sjedište, javna priznanja, organizacija, ovlaštenja i način rada njegovih organa. Kada se to uradi, onda u tom rasporedu ići u dalju razradu. U članu 2. Nacrta Statuta data je definicija grada. Ovako postavljen a definicija daje mogućnost dvojakog tumačenja. Prvo grad kao jedinica lokalne samouprave regulisan je poglavljem VII Gradske vlasti Ustav FBiH, članom 1. stav 1. i očito je da Grad Zavidovići ne spada u tu kategoriju grada. Dakle, to je Ustavom Federacije BiH. Ako bi ostala formulacija kako je predloženo u Nacrtu Statuta, proizilazilo bi da Grad Zavidovići crpi nadležnost grada koja su regulisana u Ustavu FBiH u poglavlju VII- Gradske vlasti, što očito nije slučaj. Dakle, uspostava Grada Zavidovići ima pravno utemeljenje u članu 5. stav 2. Zakonom o principima lokalne samoupravue u FBiH. Uspostavljen je Federalnim zakonom u stavu 1. člana 1. Po mome mišljenju treba izbrisati riječi „sa pravima i obavezama utvrđenim Ustavom i zakonom“. Iza stava 1. dodati nov stav 2. koji glasi: „ Grad ima vlastite nadležnosti uspostavljene Ustavom i zakonom i ima pravo baviti se svim pitanjima od značaja grada koja nisu iz isključive gradske nadležnosti.

- Grad Zavidovići
- gradsko vijeće
- stručna služba gradskog vijeća

BOSNA I HERCEGOVINA
FEDERACIJA BOSNE I HERCEGOVINE
ZENICKO-DUBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 01-06-2023		
Org. jed. broj	Red. broj	Br. priloga

u prilogu dostavljam prijedlog, mišljenja i
sugestije po novom Statutu grada Zavidovića.

Katko

Član 59. (Postupak osnivanja mjesnih zajednica)

(1) Mjesna zajednica se osniva na način i po postupku utvrđenim zakonom i Statutom Grada.

(2) Inicijativu za osnivanje mjesne zajednice mogu pokrenuti građani i njihove organizacije i udruženja građana s područja naseljenog mjesta na kojem imaju prebivalište, odnosno sjedište, klubovi vijećnika, **samostalni i nezavisni vijećnici** i Gradonačelnik.

(3) Ako građani podnose inicijative, svojim potpisom mora istu podržati najmanje 100/o birača upisanih u centralni birački spisak područja za koje se predlaže osnivanje mjesne zajednice. Osim podataka o podnosiocu inicijative za osnivanje mjesne zajednice, prijedlog sadrži podatke o:

- nazivu i sjedištu mjesne zajednice,
- području naseljenog mjesta za koje se traži osnivanje mjesne zajednice,
- granice obuhvata
- obrazložen razlog podnošenja inicijative.

(4) Inicijativa za osnivanje mjesne zajednice razmatra se na zborovima građana na kojima građani i njihove organizacije i udruženja imaju prebivalište, odnosno sjedište, a ista je prihvaćena ako se za nju izjasni najmanje 10 % birača upisanih u centralni birački spisak naselja za čije se područje predlaže osnivanje mjesne zajednice.

(5) Inicijativa i odluka zbora građana o prihvatanju inicijative dostavlja se Gradskom vijeću.

Član 63. (Izdvajanje)

Odluku o izdvajanje dijela mjesne zajednice i spajanje dijela mjesne zajednice sa drugom mjesnom zajednicom Gradsko vijeće donosi prostom većinom, a odlučivanje o spajanju kompletnih mjesnih zajednica vrši se na način i po postupku utvrđenom za osnivanje mjesne zajednice.

Zavidovići , dana 09.05.2023.godine

Zamjenik Predsjedavajućeg

Gradskog vijeća

Šemsó Fehić

Primljeno: 10-05-2023			
Org. jed.	Kl. ozna.	Red. broj	Br. priloga

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI

GRADSKO VIJEĆE ZAVIDOVIĆI

n/r Predsjedavajući Gradskog vijeća Zavidovići
gosp. Admir Fojnica

Predmet: Prijedlozi dopune Nacrta Statuta grada Zavidovića

Predlažem da se u Nacrtu Statuta uvedu izmjene Statuta Grada Zavidovića, i to:

Član 23. (Javnost rada) (1) Rad Gradskog vijeća je javan.

(2) Javnost rada Gradskog vijeća obezbjeđuje se prenosom sjednica Gradskog vijeća putem sredstava javnog informisanja (radio i videoprenosom putem lokalnih medijskih kuća ili putem društvenih mreža) i u skladu sa tehničkim mogućnostima.

(3) Izuzetno, Gradsko vijeće može odlučiti da određena pitanja razmatra bez prisustva javnosti.

Član 17. (Opće odredbe)

(1) Gradsko vijeće je predstavnički organ građana Grada i organ lokalne samouprave izabran na temelju općeg biračkog prava na neposrednim izborima tajnim glasanjem na način određen Izbornim zakonom Bosne i Hercegovine.

(2) Gradsko vijeće donosi opće akte i druge akte u okviru samoupravnog djelokruga Grada te obavlja druge poslove u skladu sa ustavom, zakonom i Statutom Grada.

**(3) Gradsko vijeće ima dvadeset devet (29) vijećnika vijeća.
(možda ići na smanjenje članova Gradskog vijeća na 27)**

(4) Nacionalne manjine na području Grada zastupljene su sa jednim (1) mjestom u u sastavu Gradskog vijeća.

(5) Ukoliko se ne može izvršiti dodjela mandata pripadnicima nacionalnih manjina na osnovu izbornog rezultata, taj mandat ostaje upraznjen. (mora biti neparan broj vijećnika)

Član 28. (Klubovi vijećnika)

(1) Vijećnici mogu obrazovati klubove vijećnika političkih stranaka koje participiraju u Gradskom vijeću, klubove samostalnih vijećnika, kao i klubove

koalicija i nezavisnih kandidata radi olakšavanja i efikasnijeg rada Gradskog vijeća i unapređenja međustranačke i parlamentarne saradnje.

(2) Obrazovanje, zadaci i način rada klubova vijećnika detaljnije se uređuju Poslovnikom o radu Gradskog vijeća.

JEDINSTVENO UDRUŽENJE. DEMOBILISANIH BORACA

92-95 ZAVIDOVICI Skracenog naziva(JUDB ZAVIDOVICI)

UL: Pinkasa Bandta 19. 72220Zavidovici

Kontakt GSM br: 062098911

Broj: 11/2023-UO -S-4 Dana 10.05.2023. God.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-Dobojski KANTON
GRAD ZAVIDOVICI
STRUČNA SLUŽBA GRADONAČELNIKA

Primljeno	10-05-2023		
Org. jed.		Sl. broj	Sl. prijava
01			

GRAD ZAVIDOVICI

STALNO RADNO TIJELO GRADSKOG VIJECA ZAVIDOVICI

>KOMISIJA ZA STATUT I PROPISE<

Predmet: PRIJEDLOG ZA IZMJENU ČLANA 17 STAV 3 NACRTA STATUTA GRADA ZAVIDOVICI U ČLANU 17 STAV 3 NACRTA STATUTA GRADA ZAVIDOVICI UG JUDB ZAVIDOVICI PREDLAŽE DA SE BROJ 29 VIJECNIKA BRISE A UMJESTO 29 UPISE 21 VIJECNIK.

OBRAZLOŽENJE:

Članom 72 Ustava ZDK propisano je da vijeće Statutom utvrđuje broj vijećnika vijeća.

Članom 5 stav 2 Zakona o Gradu Zavidovici propisano je Gradsko vijeće određuje Statutom broj članova vijeća sukladno zakonu.

Obzirom da je broj članova vijećnika vijeća 29 utvrđen prema propisu iz 1991 kada je općina zavidovici po tom popisu brojala 57 000 stanovnika imajući u vidu da je u općini Zavidovici prema popisu iz 2013 znatno smanjen broj stanovnika na 36 000 što iznosi 21 000 stanovnika manje smatramo da je neophodno smanjiti i broj vijećnika gradskog vijeća bar na broj mjesnih zajednica grada Zavidovici koji broji 21 mjesnu zajednicu.

Stim u vezi UG JUDB ZAVIDOVICI Predlaže Komisiji za statut i propise i gradskom vijeću da prihvate smanjenje broja vijećnika sa 29 na 21 vijećnika ovakav prijedlog predlažemo radi ekonomičnosti i funkcionalnosti vijeća.

Predsjednik JUDB ZAVIDOVICI

M.P.



Hasancic Casif

Hasancic Casif

SALETOVIĆ ŠEMSO
LOVAČKI PUT 2
ZAVIDOVIĆI
TEL: 061-246-810

GRAD ZAVIDOVIĆI
GRADSKO VIJEĆE
KOMISIJA ZA STATUT I PROPISE

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

PRIMJECBE NA NACRT STATUTA
GRADA ZAVIDOVIĆI

Primljeno: 10-05-2023			
Org. jed.	Kl. ozna.	Red. broj	Br. priloga

U ČLANU 75. U TAČCI (3) PIŠE: PRILIKOM PREDLAGANJA I IZBORA ČLANOVA SAVJETA MJESNE ZAJEDNICE TREBA SE VODITI RAČUNA DA SASTAV ČLANOVA ODRŽAVA PRIBLIŽNO NACIONALNU STRUKTURU STANOVNIŠTVA, DA SPOLODI BUDU RAVNOPRAVNO ZASTUPljeni I DA SU ADEKVATNO ZASTUPljena NASELJENA MJESTA MJESNE ZAJEDNICE.

U ČLANU 76. TAČKA (2) PIŠE: BROJ ČLANOVA SAVJETA MJESNE ZAJEDNICE UTVRĐUJE SE STATUTOM MJESNE ZAJEDNICE, PREMA BROJU GRAĐANA UPISANIH U CENTRALNI BIRAČKI SPISAK NA PODRUČJU MJESNE ZAJEDNICE, STIM DA SVAKO MJESNO PODRUČJE ILI VIŠE MALIH NASELJA U SAVJETU MJESNE ZAJEDNICE MORA BITI ADEKVATNO ZASTUPljENO ŠTO ĆE BITI UTVRĐENO STATUTOM MZ.

OVO SU KRITERIJI ZA ODREĐIVANJE BROJA ČLANOVA MZ A NISU NAVEDENI KRITERIJI ZA ODREĐIVANJE NASELJENIH PODRUČJA (MJESNE PODRUŽNICE)

ZATO PREDLAŽEM

DA SE U ČLANU 148. U (2) DRUGOJ TAČCI POSLIJE RIJEČI STATUT UMJESTO TAČKE STAVI ZAREZ I DOJAK, I DA SE DONESE ODLUKA O BROJU ČLANOVA NASELJENIH PODRUČJA (MJESNIH PODRUŽNICA) PO KRITERIJUMU BROJ BIRAČA UPISANIH U CENTRALNI BIRAČKI SPISAK.

ZAVIDOVIĆI 09.05.2023

Saltović Šemso

20				
21				
22				
23				
24				
25				
26				
27				
28				
29				
30				
31				
32				
33				
34				
35				
36				
37				
38				
39				
40				

Zavidovići, 09.05.2023. godine



Spisak prisutnih na javnoj raspravi, održane dana 09.05.2023. godine
„Nacrt Statuta Grada Zavidovići“

r.br	IME I PREZIME	INSTITUCIJA	KONTAKT (e-mail ili telefon)	POTPIS
1	Kešerović Paul		060-35-99-861	
2	Čeremno Pedu		061-152-338	
3	Hasanović ČAŠA	PREDSEBNIC UG 3003 2021	062-098-944	
4	Hasanović ČAŠA		062-098-944	
5	Memović Sela		062-983-396	
6	SALETOVIĆ ŠEM	M 2 „BRANIOCI GRADA“	061-246-810	
7				
8				
9				
10				
11				
12				
13				
14				
15				
16				
17				
18				
19				

Hašim Abidović:

„Mi kao nemamo problema nikakvih, znači kao Savjet mi funkcionišemo i mada kao MZ sa sredstvima da kuburimo već 3 godine, mala su sredstva.“

Samira Pinjić:

„Jeste li zadovoljni ovom zadnjom Odlukom o raspodjeli sredstava?“

Hašim Abidović:

„Pa tu je to, ali nije to baš koliko bi trebalo. Znači, imamo troškova koje treba podmiriti, struja, voda, oprema. Hoće sad projekte, da se rade projekti, na nivo MZ da radimo projekte. Kako ću ja raditi, to je Opštinsko. Mjesna zajednica kao mjesna zajednica funkcioniše već odavno i funkcioniše među najboljim, ali eto, imamo problema sa čistoćom, znači grada, komplet grada, Novo naselje, zna se gdje je deponija gore, neka neko obiđe. Evo ovdje Pinkasa Bandta, kraj glavnog magistralnog puta, sada dovoze kako su ukinuli kontejnere po selima, ali stane na trotoar i istovara smeće. Košenje trave, tek juče pokosili. Zmije su ljudima u zgradu ulazile. To je to. Prijatno.“

Zerina Husić:

Hvala Vam, prijatno.


Zaključujem Javnu raaspravu po Nacrtu Statuta Grada u 16:10 sati.

ZAPISNIK SAČINILA

Karanović Elma

OVJERAVA SEKRETAR
GRADSKOG VIJEĆA

Samira Pinjić, dipl. pravnik



Zerina Husić:

„Zahvaljujemo se gospodinu Salihu.“

Ramiz Keserović:

„Dobar dan, da Vas sve pozdravim. Ja sam Ramiz Keserović predsjednik MZ. Ja nemam ništa, došao sam da vidim, čovjek je došao tu da nam laže. Evo kaže kakav sastanak, mi imamo naš dom gdje smo održali sastanke, ima datum, pristuni. Gospodin radi tamo ide, kad god sam ga zvao, ne mogu ja sad, ti zovi kad ja dođem. Ne mogu ja tebe čekati. To se zna bez tri člana, ne može se sastanak održati. Svaka ima unešena para. To me povrijedilo da sam ja digao pare i išao u Sloveniju. Ja prvo nisam išao u Sloveniju ima dvije godine. Ja sam ti 16. novembra kako sam predsjednik. Ove priče njegove, svima ovdje u opštini poznate, njegovo iznošenje i laž, toliko šta god treba u pola noći, pola dana, ja iznijeti svaki dinar gdje je i šta je uloženo i kako. Toliko, pozdravljam.“

Čašif Hasančić:

„Selam alejkum. Ja sam Čašif Hasančić, govorim ispred Jedinstvenog udruženja demobilisanih boraca '92-'95 Zavidovići. Obratit ću se direktno po Nacrtu Statuta, vidim ovdje maloprije priča se (... 27:19- 27:24), pa ću se konkretno vratiti na član 17. stav 3. Pitanje broja vijećnika. U Nacrtu Statuta stoji 29. Međutim stari Statut Općine Zavidovići 2008. je pravljen po starom popisu iz 1991.godine po popisu. Imamo dalji popis, Grad Zavidovići je imao prije rata '91. 57.000 stanovnika, sad imamo nepunih 36.000 bilo tad po popisu iz 2013.godine. Međutim šta je, ogroman broj prema broju građana, ogroman broj vijećnika. Ja predlažem da se smanji, ispred udruženja predlažem da se smanji broj vijećnika na 21, umjesto 29. Imamo 21 mjesnu zajednicu. Nažalost, (...28:43-28:48), 21 mjesna zajednica, samo bi po 1 došao. Ovo je zaista, ne mogu shvatiti da ovoliki građani naši ne vode računa o sebi, sutra ja ću prvi reći ne valja mi niko, a nisam sebe preispitao, svoju ulogu u društvu. Toliko što se tiče za izmjene člana 17. da se smanji sa 29 na 21 broj vijećnika. I jedna stvar nevezana za današnje ovo. Zamolio bih Vas napravili ste grešku Komisija za Statut i propise (... 29:31-29:48), u Službenom glasniku broj 7. objavljen Poslovnik rada. Poslovnik je niži pravni akt, treba Poslovnik uskladiti sa Statutom, a nije, sada ispada da je Poslovnik stariji pravni akt, međutim nije. I još jedna opaska Vama, vidim donosite zaključke po aktima vijeća, u članu 33. stav 4. i 5 Vam kaže da Vi donosite zaključke, samo Vaš akt o čemu se raspravlja, pa propitajte se, Poslovnik član 33.stav 4. i stav 5. pa ćete vidjeti, eto toliko od mene, svako dobro, prijatno.“

Zerina Husić:

„Hvala, takođe.“

Samira Pinjić:

„Svi su dobili pisani dokument, ja imam dostavnice za sve mjesne zajednice, udruženja.“

Hašim Abidović:

„Ja sam predsjednik MZ „Asim Čamdžić“. Kao na nivou MZ, naše, Asim Čamdžić, nikad nije bilo gore, što se tiče svega i košenja trave i smeća, na nivou MZ, znači ima neki stvari koje nisu u skladu sa Statutom našeg grada. To je to, to je najgore što postoji sad za sad u ovom gradu.“

Samira Pinjić:

„Imate li Vi nekih problema u samom radu Savjeta?“

MZ, pa je teško doći do pravoga broja stanovnika u MZ. Ali birači se vrlo lahko, ko god je danas navršio 18.godina koga po automatizmu ubacuju, ako su izbrisali one umrle, imamo uvijek tačan broj, a Vi imate pri ruci tu Općinsku izbornu komisiju koja može dati podatke i po službenoj dužnosti i po zamolbi. Hvala Vam lijepo u svakom slučaju.“

Redžo Seferović:

„Prije svega želim da pozdravim sve prisutne i Komisiju za Statut i propise. Drago mi je da evo nakon toliko godina do 2023.godine član 17. Opšte odredbe tačka 4. (.. 19:03; 19:07) nakon toliko godina, evo jedna pohvala za Komisiju za Statut i propise. Samo ću jedno pitanje postaviti, da li u tih 29 vijećnika koji će biti izabrani na sljedećim izborim biti 30, 30 ili će biti 20, 28 + (..19:22-19:26) nije jedno mjesto obezbijeđeno. Znači ako imamo sad 29 vijećnika, da li će biti 30 vijećnika ili će biti 29.“

Samira Pinjić:

„28 + 1. To je prema ovom kako je predloženo.“

Redžo Seferović:

„Hvala Vam puno. Drago mi je, evo još jednom želim da pohvalim Komisiju za Statut i propise, jer je stvarno uradila posao odlično.“

Salih Momković:

„Selam alejkum i dobar dan, zdravo svima prisutnima koji se ovdje nalaze u ovom prostoru. J sam ovdje igrom slučaja čuo tek prije dva-tri sata da ova sjednica ima. S obzirom da imam tako dobar sklop i saradnju Savjeta ja sam saznao od građana na ulici za ovu sjednicu. A dolazi nam predsjednik naš koji je (... 20:38:20:43), pa ja ne bih imao puno šta ovdje da iznesem, ja sam htio samo da pokušam ako može da se uvrsti u taj Poslovnik za Savjete mjesnih zajednica, par tačaka koje bi bile, mislim po mom, dobre i adekvatne za rad budućih Savjeta mjesnih zajednica. Pa sam ja imao prvo tačku- Izvještaj o finansijskom, o finansijama Savjeta, Izvještaj o finansijama svake godine o završnoj godini, da se ne može prihvatiti samo da podnese Izvještaj predsjednik mjesne zajednice, nego da u potpisu takvog moraju biti svi članovi potpisani da su o tome razmatrali i da su ga takvog prihvatili. Dosadašnja radnja je bila da jedan ili dva čovjeka, naprave zaključak i pošalju na te komisije, sve bude lažno, pa ako postoji mogućnost za bolji rad Savjeta, a ne pojedinaca. Druga tačka sam htio da kažem , da dosadašnji rad koordinatora nije bio pristupan svim članovima Savjeta MZ, niti je mogao da surađuje i sa kim zbog načina torture njezinog postavljenog šefa to jest pomoćnik načelnika te organizacije, da se omogući i postavi neovisno koordinatore sa mjesnim zajednicama koji će normalno iznositi izvještaj svojim šefovima, ali lično on da sa nama koordinira, odnosno sa budućim Savjetima koji budu do sada radili. U praksi do sada koordinatore koji postoje sada, nije mogao, ne njezinim neradom, nego neradnom i torturom njezinog šefa. Treća tačka koju bi želio da uvrstim da se Savjeti mjesnih zajednica održavaju u mjesnim zajednicama u njezinim prostorijama, a ne po kafićima što se to do sada dešavalo u MZ Krivaja, svaki njihov sastanak sa dva ili eventualno tri čovjeka koji su sad rade od ostalih kriju su u kafiću obave sjednicu Savjeta mjesne zajednice, naprave kod kuće zapisnik i pošalju. To su osnovne i glavne bojeke svih članova Savjeta i svih Savjeta na Opštini Zavidovića. I četvrto sam htio površinski da kažem. Da svako ko otuđi pare Savjeta mjesne zajednice, društvene pare, da bude kažnjen. Da se ne desi kao kod mene u mojoj mjesnoj zajednici, da je predsjednik sebi uzeo 1700km i pravi sebi beton do dječije kuće. To je prošli predsjednik koji je vodio 3 godine. Sadašnji predsjednik uzima 650km, ide u Sloveniju na kontroli, četvrto trećem članu Savjeta su obećali neke 4.000, nekakvu usjalu sanirati, da li se to može svojatati kao da je to njegovo ili društveno. Toliko za ovaj put.“